

नमो नमो निम्मलदंसणस्स
पूज्य आनंद-क्षमा-ललित-सुशील-सुधर्मसागर गुरुभ्यो नमः

On Line – आगममंजूषा

[१७] चंदपन्नत्ति

* संकलन एवं प्रस्तुतकर्ता *

मुनि दीपरत्नसागर [M.Com., M.Ed., Ph.D.]

॥ किञ्चित् प्रास्ताविकम् ॥

ये आगम-मंजूषा का संपादन आजसे ७० वर्ष पूर्व अर्थात् वीर संवत् २४६८, विक्रम संवत्-१९९८, ई.स.1942 के दौरान हुआ था, जिनका संपादन पूज्य आगमोद्धारक आचार्यश्री [आनंदसागरसूरिजी](#) म.सा.ने किया था। आज तक उन्ही के प्रस्थापित-मार्ग की रोशनी में सब अपनी-अपनी दिशाएँ ढूँढते आगे बढ़ रहे हैं।

हम ७० साल के बाद आज ई.स.-2012, विक्रम संवत्-२०६८, वीर संवत्-२५३८ में वो ही आगम-मंजूषा को कुछ उपयोगी परिवर्तनों के साथ इंटरनेट के माध्यम से सर्वथा सर्वप्रथम “**OnLine-आगममंजूषा**” नाम से प्रस्तुत कर रहे हैं।

*** मूल आगम-मंजूषा के संपादन की किञ्चित् भिन्नता का स्वीकार ***

- [१] आवश्यक सूत्र-(आगम-४०) में केवल मूल सूत्र नहीं है, मूल सूत्रों के साथ निर्युक्ति भी सामिल की गई है।
[२] जीतकल्प सूत्र-(आगम-३८) में भी केवल मूल सूत्र नहीं है, मूलसूत्रों के साथ भाष्य भी सामिल किया है।
[३] जीतकल्प सूत्र-(आगम-३८) का वैकल्पिक सूत्र जो “पंचकल्प” है, उनके भाष्य को यहाँ सामिल किया गया है।

[४] “ओघनिर्युक्ति”-(आगम-४१) के वैकल्पिक आगम “पिंडनिर्युक्ति” को यहाँ समाविष्ट तो किया है, लेकिन उनका मुद्रण-स्थान बदल गया है।

[५] “कल्प(बारसा)सूत्र” को भी मूल आगममंजूषा में सामिल किया गया है।

-मुनि दीपरत्नसागर

: Address:-

Mnui Deepratnasagar,
MangalDeep society, Opp.DholeswarMandir,
POST:- THANGADH Dist.surendranagar.
Mobile:-9825967397 jainmunideepratnasagar@gmail.com

मुनि दीपरत्नसागर



श्रीचन्द्रप्रज्ञप्त्युपाङ्गम्- नमो अरिहंताणं । 'जयइ नवणल्लिणकुवलयविगसियसयवत्तपत्तलदलच्छो । वीसे गइंदमयगलसललियगयविक्रमो भयवं ॥ १ ॥ णमिऊण असुरसुर-
 गरुलभुयगपरिवंदिए गयकिलेसे । अरिहे सिद्धायरियउवज्झाए सब्बसाहू य ॥ २ ॥ फुडवियडपायडत्थं वुच्छं पुव्वसुयसारणीसंदं । सुहुमं गणिणोवइट्ठं
 जोइसगणरायपन्नत्तिं ॥ ३ ॥ णामेण इंदभूइत्ति गोयमो वंदिऊण तिविहेणं । पुच्छइ जिणवरवसहं जोइसरायस्स पण्णत्तिं ॥ ४ ॥ कइ मंडलाइं वच्चइ, तिरिच्छा किं च गच्छइ । ओभासइ
 केवइयं, सेयाइ किं ते संठिई ॥ ५ ॥ कहिं पडिहया लेसा, कइ ते ओयसंठिई । किं सूरियं वरयते, कहां ते उदयसंठिई ॥ ६ ॥ कईकट्टा पोरिसीच्छाया, जोएत्ति किं ते आहिए । १० ॥ के
 ते संवच्छराणादी, कइ संवच्छराइ य ॥ ७ ॥ कहां चंदमसो वुइढी, कया ते दोसिणा बहू । के सिग्घगई वुत्ते, किं ते दोसिणलक्खणं ॥ ८ ॥ चयणोववाय उच्चत्ते, सूरिया कइ आहिया ।
 अणुभावे केरिसे वुत्ते २०, एवमेयाइं वीसई ॥ ९ ॥ १ । वड्ढोवड्ढी मुहुत्ताणमद्धमंडलसंठिई । के ते चिन्नं परियरइ, अंतरं किं चरंति य ॥ १० ॥ ओगाहइ केवइयं, केवतियं च विकंपइ ।
 मंडलाण य संठाणे, विक्खंभो अट्ट पाहुडा ॥ ११ ॥ २ । छप्पंच य सत्तेव य अट्ट तिप्पि य हवंति पडिवत्ती । पढमस्स पाहुडस्स उ एयाउ हवंति पडिवत्ती ॥ १२ ॥ ३ । पडिवत्तीओ उदए,
 अदुव अत्थमणेसु य । भेयघाए कण्णकला, मुहुत्ताण गतीति य ॥ १३ ॥ निक्खममाणे सिग्घगई, पविसंते मंदगईइ य । चुल्सीइसयं पुरिसाणं, तेसिं च पडिवत्तीओ ॥ १४ ॥ उदयम्मि
 अट्ट भणिया भेदग्घाए दुवे य पडिवत्ती । चत्तारि मुहुत्तगईए हुंति तइयंमि पडिवत्ती ॥ १५ ॥ ४ । आवलिय मुहुत्तग्गे, एवंभागा य जोगसा । कुलाइं पुन्नमासी य, सन्निवाए य संठिई
 ॥ १६ ॥ तारगगं च नेता य, चंदमग्गत्ति यावरे । देवताण य अज्झयणे, मुहुत्ताणं नामया इय ॥ १७ ॥ दिवसा राई वुत्ता य, तिहि गोत्ता भोयणाणि य । आइच्चवार मासा य, एवं संव-
 च्छरा इय ॥ १८ ॥ जोइसस्स य दाराइं, नक्खत्तविजयेऽविय । दसमे पाहुडे एए, बावीसं पाहुडपाहुडा ॥ १९ ॥ ५ । तेणं कालेणं तेणं समएणं मिहिलानामं नगरी होत्था, रिद्धि० वण्णओ,
 तीसे मिहिलाए नयरीए बहिया उत्तरपुरच्छिमे दिसिभाए एत्थ णं माणिभदे णामं चेइए होत्था, चिराइए वण्णओ, तीसे णं मिहिलाए णगरीए जियसत्तू राया धारिणी देवी वण्णओ,
 तेणं कालेणं० तंमि माणिभदे चेइए सामी समोसढे परिसा णिग्गया धम्मो कहिओ परिसा पडिगया । ६ । तेणं कालेणं० समणस्स भगवओ महावीरस्स जेट्ठे अंतेवासी इंदभूइनामं
 अणगारे गोयमगोत्तेणं सत्तूस्सेहे जाव पज्जुवासमाणे एवं वयासी । ७ । ता कहां ते वड्ढोवड्ढी मुहुत्ताणं आहितेति वदेज्जा?, ता अट्ट एकूणवीसे मुहुत्तसते सत्तावीसं च सत्तट्ठिभागे मुहु-
 त्तस्स आहितेति वदेज्जा । ८ । ता जया णं सूरिए सब्बभंतरातो मंडलातो सब्बबाहिरं मंडलं उवसंकमित्ता चारं चरति सब्बबाहिरातो मंडलातो सब्बभंतरं मंडलं उवसंकमित्ता चारं चरति
 एस णं अद्धा केवतियं रातिंदियग्गेणं आहि०?, ता तिप्पिण्णि छावट्ठे रातिंदियसए रातिंदियग्गेणं आहि० । ९ । ता एताए णं अद्धाए सूरिए कति मंडल्राइं चरति?, ता चुल्सीयं मंडल्रासतं
 चरति, बासीतिमंडल्रासतं दुक्खुत्तो चरति, तं०-णिक्खममाणे चेव पवेसमाणे चेव, दुवे य खलु मंडलाइं सइं चरति तं०-सब्बभंतरं चेव मंडलं सब्बबाहिरं चेव । १० । जइ खलु तस्सेव
 ८१३ चंद्रप्रज्ञप्तिः, पाहुड-१

मुनि दीपरत्नसागर

आदिचस्स संवच्छरस्स सइं अट्टारसमुहुत्ते दिवसे भवति सइं अट्टारसमुहुत्ता राती भवति सइं दुवालसमुहुत्ते दिवसे भवति सइं दुवालसमुहुत्ता राती भवति, ता पढमे छम्मासे अत्थि अट्टारसमुहुत्ता राती णत्थि अट्टारसमुहुत्ते दिवसे अत्थि दुवालसमुहुत्ते दिवसे णत्थि दुवालसमुहुत्ता राती भवति, दोच्चे छम्मासे अत्थि अट्टारसमुहुत्ते दिवसे णत्थि अट्टारसमुहुत्ता राती अत्थि दुवालसमुहुत्ता राती णत्थि दुवालसमुहुत्ते दिवसे भवति, पढमे वा दोच्चे वा छम्मासे नत्थि पण्णरसमुहुत्ते दिवसे णत्थि पण्णरसमुहुत्ता राती भवति, जं णं पढमे वा छम्मासे दोच्चे वा छम्मासे णत्थि पण्णरसमुहुत्ते दिवसे भवति णत्थि पण्णरसमुहुत्ता राती भवति तत्थ णं कं हेतुं वदेजा?, ता अयण्णं जंबुदीवे सव्वदीवसमुहाणं सव्वभंतराए जाव परिक्खेवेणं पं०, ता जता णं सूरिए सव्वभंतरमंडलं उवसंकमित्ता चारं चरति तदा णं उत्तमकट्टपत्ते उक्को० अट्टारसमुहुत्ते दिवसे भवति जहण्णिया दुवालसमुहुत्ता राती भवति, से निक्खममाणे सूरिए नवं संवच्छरं अयमाणे पढमंसि अहोरत्तंसि अब्भितराणंतरं मंडलं उवसंकमित्ता चारं चरति, ता जया णं सूरिए अब्भितराणंतरं मंडलं उवसंकमित्ता चारं चरति तदा णं अट्टारसमुहुत्ते दिवसे भवति दोहिं एगट्टिभागमुहुत्तेहिं ऊणे दुवालसमुहुत्ता राती भवति दोहिं एगट्टिभागमुहुत्तेहिं अधिया, से णिक्खममाणे सूरिए दोच्चंसि अहोरत्तंसि अब्भंतरं तच्चं मंडलं उवसंकमित्ता चारं चरति, ता जया णं सूरिए अब्भितरं तच्चं मंडलं उवसंकमित्ता चारं चरति तदा णं अट्टारसमुहुत्ते दिवसे भवति चउहिं एगट्टिभागमुहुत्तेहिं ऊणे दुवालसमुहुत्ता राती भवति चउहिं एगट्टिभागमुहुत्तेहिं अहिया, एवं खलु एएणं उवाएणं णिक्खममाणे सूरिए तदाणंतराओ तयाणंतरं मंडलातो मंडलं संकममाणे २ दो दो एगट्टिभागे मुहुत्ते एगमेगे मंडले दिवसखेत्तस्स णिवुड्ढेमाणे रतणिक्खेत्तस्स अभिवुड्ढेमाणे २ सब्बाहिरमंडलं उवसंकमित्ता चारं चरति, ता जया णं सूरिए सब्बाभंतरातो मंडलाओ सब्बाहिरं मंडलं उवसंकमित्ता चारं चरति तदा णं सब्बाभंतरमंडलं पणिधाय एगेणं तेसीतेणं राइंदियसतेणं तिण्णि छावट्टे एगट्टिभागमुहुत्तसते दिवसखेत्तस्स णिवुड्ढत्ता रतणिक्खेत्तस्स अभिवुड्ढत्ता चारं चरति तदा णं उत्तमकट्टपत्ता उक्कोसिया अट्टारसमुहुत्ता राती भवति जहण्णए बारसमुहुत्ते दिवसे भवति, एस णं पढमे छम्मासे एस णं पढमस्स छम्मासस्स पज्जवसाणे, से पविसमाणे सूरिए दोच्चं छम्मासं अयमीणे (आयमाणे) पढमंसि अहोरत्तंसि बाहिराणंतरं मंडलं उवसंकमित्ता चारं चरति, ता जया णं सूरिए बाहिराणंतरं मंडलं उवसंकमित्ता चारं चरति तदा णं अट्टारसमुहुत्ता राती भवति दोहिं एगट्टिभागमुहुत्तेहिं ऊणा दुवालसमुहुत्ते दिवसे भवति दोहिं एगट्टिभागमुहुत्तेहिं अहिए, से पविसमाणे सूरिए दोच्चंसि अहोरत्तंसि बाहिरं तच्चं मंडलं उवसंकमित्ता चारं चरति, ता जया णं सूरिए बाहिरं तच्चं मंडलं उवसंकमित्ता चारं चरति तदा णं अट्टारसमुहुत्ता राती भवति चउहिं एगट्टिभागमुहुत्तेहिं ऊणा दुवालसमुहुत्ते दिवसे भवति चउहिं एगट्टिभागमुहुत्तेहिं अहिए, एवं खलु एतेणुवाएणं पविसमाणे सूरिए तदाणंतरातो मंडलातो तयाणंतरं मंडलं संकममाणे दो दो एगट्टिभागमुहुत्ते एगमेगे मंडले रतणिक्खेत्तस्स णिवुड्ढेमाणे २ दिवसखेत्तस्स अभिवुड्ढेमाणे २ सब्बाभंतरं मंडलं उवसंकमित्ता चारं चरति, ता जया णं सूरिए सब्बाहिराओ मंडलाओ सब्बाभंतरं मंडलं उवसंकमित्ता चारं चरति तदा णं सब्बाहिरं मंडलं पणिधाय एगेणं तेसीएणं राइंदियसतेणं तिण्णि छावट्टे एगट्टिभागमुहुत्तसते रयणिक्खेत्तस्स निवुड्ढत्ता दिवसखेत्तस्स अभिवुड्ढत्ता चारं चरति तया णं उत्तमकट्टपत्ते उक्कोसए अट्टारसमुहुत्ते दिवसे भवति जहण्णिया दुवालसमुहुत्ता राती भवति, एस णं दोच्चे छम्मासे एस णं दुच्चस्स छम्मासस्स पज्जवसाणे एस णं आदिच्चे संवच्छरे एस णं आदिच्चे संवच्छरस्स पज्जवसाणे, इति खलु तस्सेवं आदिच्चे संवच्छरस्स सइं अट्टारसमुहुत्ते दिवसे भवति सइं अट्टारसमुहुत्ता राती भवति सइं दुवालसमुहुत्ते दिवसे भवति सइं दुवालसमुहुत्ता राती भवति, पढमे छम्मासे अत्थि अट्टारसमुहुत्ता राई नत्थि अट्टारसमुहुत्ते दिवसे अत्थि दुवालसमुहुत्ते दिवसे नत्थि दुवालसमुहुत्ता राई, दोच्चे छम्मासे अत्थि अट्टारसमुहुत्ते दिवसे भवति णत्थि अट्टारसमुहुत्ता राई अत्थि दुवालसमुहुत्ता राई नत्थि दुवालसमुहुत्ते दिवसे भवति, पढमे वा छम्मासे दोच्चे वा छम्मासे णत्थि पण्णरसमुहुत्ते दिवसे भवति णत्थि पण्णरसमुहुत्ता राई भवति, नन्नत्थ रातिंदियाणं वड्ढोवड्ढीए मुहुत्ताण वा चयोवचएणं, णण्णत्थ वा अणुवायगईए, 'पुव्वेण दुन्नि भागा० पाहुडियगाधाओ भाणित्वाओ । ११ ॥ पढमस्स पाहुडस्स पढमं पाहुडपाहुडं १-१ ॥ ता कहां ते अद्धमंडलसंठिती आहि०?, तत्थ खलु इमा दुविहा अद्धमंडलसंठिती पं० तं०-दाहिणा चव उत्तरा चव, ता कहां ते दाहिणअद्धमंडलसंठिती आहि०?, ता अयण्णं जंबुदीवे दीवे सब्बादीवसमुहाणं जाव परिक्खेवेणं, ता जया णं सूरिए सब्बाभंतरं दाहिणं अद्धमंडलसंठितिं उवसंकमित्ता चारं चरति तदा णं उत्तमकट्टपत्ते उक्को० अट्टारसमुहुत्ते दिवसे भवति जहण्णिया दुवालसमुहुत्ता राती भवति, से णिक्खममाणे सूरिए णवं संवच्छरं अयमाणे पढमंसि अहोरत्तंसि दाहिणाए अंतराए भागाते तस्सादिपदेसाते अब्भितराणंतरं उत्तरं अद्धमंडलसंठितिं उवसंकमित्ता चारं चरति तदा णं अट्टारसमुहुत्ते दिवसे भवति दोहिं एगट्टिभागमुहुत्तेहिं ऊणे दुवालसमुहुत्ता राती भवति दोहिं एगट्टिभागमुहुत्तेहिं अधिया, से णिक्खममाणे सूरिए दोच्चंसि अहोरत्तंसि उत्तराए अंतराए भागाते तस्सादिपदेसाए अब्भितरं तच्चं दाहिणं अद्धमंडलसंठितिं उवसंकमित्ता चारं चरति

तदा णं अट्टारसमुहुत्ते दिवसे भवति चउहिं एगट्टिभागमुहुत्तेहिं ऊणे दुवालसमुहुत्ता राई भवति चउहिं एगट्टिभागमुहुत्तेहिं अधिया, एवं खलु एएणं उवाएणं णिक्खममाणे सूरिए तदणंतरातोऽणंतरं तंसि २ देसंसि तं तं अद्धमंडलसंठितिं संकममाणे २ दाहिणाए अंतराए भागाते तस्सादिपदेसाते सब्बाहिरं उत्तरं अद्धमंडलसंठितिं उवसंकमित्ता चारं चरति, ता जया णं सूरिए सब्बाहिरं उत्तरं अद्धमंडलसंठितिं उवसंकमित्ता चारं चरति तदा णं उत्तमकट्टपत्ता उक्कोसिया अट्टारसमुहुत्ता राई भवति जहण्णए दुवालसमुहुत्ते दिवसे भवति, एस णं पढमे छम्मासे एस णं पढमस्स छम्मासस्स पज्जवसाणे, से पविसमाणे सूरिए दोच्चं छम्मासं अयमाणे पढमंसि अहोरत्तंसि उत्तराते जाव पदेसाते बाहिराणंतरं दाहिणं अद्धमंडलसंठितिं उवसंकमित्ता चारं चरति, ता जया णं सूरिए बाहिराणंतरं दाहिणं अद्धमंडलसंठितिं उवसंकमित्ता चारं चरति तदा राइदिवसपमाणं तं चेव भाणियव्वं, एवं खलु एतेणं उवाएणं पविसमाणे सूरिए तदाणंतराओ तदाणंतरं तंसि २ देसंसि तं तं अद्धमंडलसंठितिं संकममाणे उत्तराए जाव पदेसाए सब्बभंतरं दाहिणं अद्धमंडलसंठितिं उवसंकमित्ता चारं चरति, ता जया णं सूरिए सब्बभंतरं दाहिणं अद्धमंडलसंठितिं उवसंकमित्ता चारं चरति तदा णं उत्तमकट्टपत्ते उक्कोसए जाव दिवसे भवति जहण्णिया दुवालसमुहुत्ता राई भवति, एस णं दोच्चे छम्मासे एस णं दोच्चस्स छम्मासस्स पज्जवसाणे एस णं आदिच्चे संवच्छरे एस णं आदिच्चस्स संवच्छरस्स पज्जवसाणे । १२ । ता कहं ते उत्तरा अद्धमंडलसंठिती आहि०?, ता जया णं सूरिए सब्बभंतरे उत्तरं अद्धमंडलसंठितिं उवसंकमित्ता चारं चरति तदा णं उत्तमकट्टपत्ते उक्कोसए अट्टारसमुहुत्ते दिवसे भवति जहण्णिया दुवालसमुहुत्ता राई भवति, से णिक्खममाणे सूरिए णवं संवच्छरं अयमाणे पढमंसि अहोरत्तंसि उत्तराए जाव पएसाए अब्भंतरं दाहिणं अद्धमंडलसंठितिं उवसंकमित्ता चारं चरति, ततो जया णं सूरिए अब्भितराणंतरं दाहिणं जाव चारं चरति तथा णं अट्टारसमुहुत्ते दिवसे भवति दोहिं एगट्टिभागमुहुत्तेहिं ऊणे दुवालसमुहुत्ता राती भवति दोहिं एगट्टिभागमुहुत्तेहिं अधिया, से णिक्खममाणे सूरिए दोच्चंसि अहोरत्तंसि दाहिणाए जाव पदेसाए अब्भितरं तच्चं उत्तरं अद्धमंडलसंठितिं उवसंकमित्ता चारं चरति, ततो जया णं अब्भितरं तच्चं उत्तरं जाव चारं चरति तता णं दिवसराइपमाणं तं चेव भाणियव्वं, एवं खलु एएणं उवाएणं णिक्खममाणे सूरिए तताणंतराओ तदाणंतरं मंडलाओ मंडलं संकममाणे तंसि २ देसंसि तं तं अद्धमंडलसंठितिं जाव चारं चरति, ता जया णं सूरिए सब्बाहिरं दाहिणं अद्धमंडल जाव चारं चरति तदा णं उत्तमकट्टपत्ता उक्कोसिया अट्टारसमुहुत्ता राई भवति जहण्णए दुवालस जाव दिवसे भवइ, एस णं पढमे छम्मासे एस णं पढमस्स छम्मासस्स पज्जवसाणे, से पविसमाणे सूरिए दोच्चं छम्मासं अयमाणे पढमंसि अहोरत्तंसि दाहिणाए जाव पदेसाए बाहिराणंतरं उत्तरं अद्धमंडलसंठितिं उवसंकमित्ता चारं चरति, ततो जदा णं सूरिए बाहिराणंतरं अद्धमंडल जाव चारं चरति तता णं अट्टारसमुहुत्ता राती भवति दोहिं एगट्टिभागमुहुत्तेहिं ऊणा दुवालसमुहुत्ते दिवसे भवति दोहिं एगट्टिभागमुहुत्तेहिं अधिये, से पविसमाणे सूरिए दोच्चंसि अहोरत्तंसि उत्तराए जाव पदेसाए बाहिरं तच्चं दाहिणं अद्धमंडलसंठितिं उव जाव चारं चरति, ता जया णं सूरिए बाहिरं तच्चं दाहिणं जाव चारं चरति तता णं अट्टारसमुहुत्ता राती भवति चउहिं एगट्टिभागमुहुत्तेहिं ऊणा दुवालसमुहुत्ते दिवसे भवति चउहिं एगट्टिभागमुहुत्तेहिं अधिए, एवं खलु एएणं उवाएणं पविसमाणे सूरिए तयाणंतराओ तताणंतरं० तंसि २ देसंसि तं तं अद्धमंडलसंठितिं संकममाणे दाहिणाए जाव पएसाए सब्बभंतरं उत्तरं अद्धमंडलसंठितिं उवसंकमित्ता चारं चरति, जेता णं सूरिए सब्बभंतरं उत्तरं अद्धमंडलसंठितिं जाव चारं चरति तदा णं उत्तमकट्टपत्ते उक्कोसए अट्टारसमुहुत्ते दिवसे भवति जहण्णिया दुवालसमुहुत्ता राती भवति, (राई, सूर्य० जहा दाहिणा तहा चेव णवरं उत्तरट्टिओ अब्भितराणंतरं दाहिणं उवसंकमइ, दाहिणातो अब्भितरं तच्चं उत्तरं उवसंकमति, एवं खलु एएणं उवाएणं जाव सब्बाहिरं दाहिणं उवसंकमति, (सब्बाहिरातो) बाहिराणंतरं उत्तरं उवसंकमति उत्तरातो बाहिरं तच्चं दाहिणं तच्चातो दाहिणातो संकममाणे २ जाव सब्बभंतरं उवसंकमति तहेव) एस णं दोच्चे छम्मासे एस णं दोच्चस्स छम्मासस्स पज्जवसाणे एस णं आदिच्चे संवच्छरे एस णं आदिच्चस्स संवच्छरस्स पज्जवसाणे, गाहाओ । १३ ॥ १-२ ॥ ता के ते चिच्चं पडिचरंति आहि०?, तत्थ खलु इमे दुवे सूरिया पं० तं०-भारहे चेव सूरिए एरवए चेव सूरिए, ता एते णं दुवे सूरिया पत्तेयं २ तीसाए २ मुहुत्तेहिं एगमेगं अद्धमंडलं चरंति, सट्टीए २ मुहुत्तेहिं एगमेगं मंडलं संघातंति, ता णिक्खममाणा खलु एते दुवे सूरिया णो अण्णमण्णस्स चिण्णं पडिचरंति, पविसमाणा खलु एते दुवे सूरिया अण्णमण्णस्स चिण्णं पडिचरंति, तं सतमेगं चोतालं, तत्थ कं हेउं वदेजा ?, ता अयण्णं जंबुदीवे दीवे जाव परिक्खेवेणं, तत्थ णं अयं भारहए चेव सूरिए जंबुदीवस्स पाईणपडीणायतउदीणदाहिणायताए जीवाए मंडलं चउवीसएणं सतेणं छेत्ता दाहिणपुरत्थिमिहंत्तंसि चउभागमंडलंसि बाणउतियसूरियगताइं जाइं सूरिए अप्पणा चेव चिण्णाइं पडिचरति उत्तरपच्चत्थिमिहंत्तंसि चउभागमंडलंसि एक्काणउतिं सूरियगताइं जाइं सूरिए अप्पणा चेव चिण्णाइं पडिचरति, तत्थ अयं भारहे सूरिए एरवतस्स सूरियस्स जंबुदीवस्स पाईणपडीणायताए उदीणदाहिणायताए जीवाए मंडलं चउवीसएणं सतेणं छेत्ता उत्तरपुरच्छिमिहंत्तंसि चउभागमंडलंसि बाणउतिं सूरियगताइं जाइं सूरिए परस्स

चिण्णाइं पडिचरति दाहिणपच्चच्छिमिल्लंसि चउम्भागमंडलंसि एक्कणउतिं सूरियगताइं जाइं सूरिए परस्स चव चिण्णाइं पडिचरति, तत्थ अयं एरवए सूरिए जंबुदीवस्स पाईणपडो-
 णायताए उदीणदाहिणायताए जीवाए मंडलं चउवीसएणं सतेणं छेत्ता उत्तरपुरत्थिमिल्लंसि चउम्भागमंडलंसि बाणउतिं सूरियगयाइं जाइं सूरिए अप्पणा चिण्णाइं पडियरति दाहिण-
 पुरत्थिमिल्लंसि चउम्भागमंडलंसि एक्कणउतिसूरियगताइं जाइं सूरिए अप्पणा चव चिण्णाइं पडिचरति, तत्थ णं एयं एरवतिए सूरिए भारहस्स सूरियस्स जंबुदीवस्स पाईणपडीणाय-
 ताए उदीणदाहिणायताए जीवाए मंडलं चउवीसएणं सतेणं छित्ता दाहिणपच्चत्थिमिल्लंसि चउम्भागमंडलंसि बाणउतिं सूरियगताइं जाइं सूरिए परस्स चिण्णाइं पडिचरति उत्तरपुर-
 त्थिमिल्लंसि चउम्भागमंडलंसि एक्कणउतिं सूरियगताइं जाइं सूरिए परस्स चव चिण्णाइं पडिचरति, ता निक्खममाणे खलु एते दुवे सूरिया णो अण्णमण्णस्स चिण्णं पडिचरति, पवि-
 समाणा खलु एते दुवे सूरिया अण्णमण्णस्स चिण्णं पडिचरति, तं०-‘सतमेगं चोतालं० गाहाओ । १४॥ १-३॥ ता केवइयं एए दुवे सूरिया अण्णमण्णस्स अंतरं कट्टु चारं चरंति आहि०?,
 तत्थ खलु इमातो छ पडिवत्तीओ पं०, तत्थ एगे एव०-ता एगं जोयणसहस्सं एगं च तेत्तीसं जोयणसतं अण्णमण्णस्स अंतरं कट्टु सूरिया चारं चरंति आहि० एगे एव०, एगे पुण०-
 ता एगं जोयणसहस्सं एगं चउतीसं जोयणसयं अन्नमन्नस्स अंतरं कट्टु सूरिया चारं चरंति आहि० एगे एव०, एगे पुण०-ता एगं जोयणसहस्सं एगं च पणतीसं जोयणसयं अण्ण-
 मण्णस्स अंतरं कट्टु सूरिया चारं चरंति आहि० एगे एव०, एवं एगं दीवं एगं समुहं अण्णमण्णस्स अंतरं कट्टु०, एगे० दो दीवे दो समुहे०, एगे० तिण्णि दीवे तिण्णि समुहे०, वयं पुण
 एवं वयामो-ता पंच २ जोयणाइं पणतीसं च एगट्ठिभागे जोयणस्स एगमेगे मण्डले अण्णमण्णस्स अंतरं अभिवड्ढेमाणा वा निवड्ढेमाणा वा सूरिया चारं चरंति०, तत्थ णं को हेऊ
 आहि०?, ता अयण्णं जंबुदीवे जाव परिकखेवेणं, ता जया णं एते दुवे सूरिया सब्भंतरं मंडलं उवसंकमित्ता चारं चरंति तदा णं णवणउतिजोयणसहस्साइं छच्च चत्ताले जोयणसते अण्ण-
 मण्णस्स अंतरं कट्टु चारं चरंति आहि० तता णं उत्तमकट्टपत्ते उक्कोसए अट्टारसमुहुत्ते दिवसे भवति जहण्णिया दुवालसमुहुत्ता राई भवति, ते निक्खममाणा सूरिया णवं संवच्छरं
 अयमाणा पढमंसि अहोरत्तंसि अब्भितरणंतरं मंडलं उवसंकमित्ता चारं चरंति, ता जया णं एते दुवे सूरिया जाव चारं चरंति तदा णं नवनवतिं जोयणसहस्साइं छच्च पणताले जोयण-
 सते पणतीसं च एगट्ठिभागे जोयणस्स अण्णमण्णस्स अंतरं कट्टु चारं चरंति आहि०, तता णं अट्टारसमुहुत्ते दिवसे भवति दोहिं एगट्ठिभागमुहुत्तेहिं ऊणे दुवालसमुहुत्ता राती भवति
 दोहिं एगट्ठिभागमुहुत्तेहिं अधिया, ते णिक्खममाणा सूरिया दोच्चंसि अहोरत्तंसि अब्भितरं तच्चं मंडलं उवसंकमित्ता चारं चरंति, ता जया एते दुवे सूरिया अब्भितरं तच्चं मंडलं जाव
 चारं चरंति तथा णं नवनवई जोयणसहस्साइं छच्च इक्कावण्णे जोयणसए नव य एगट्ठिभागे जोयणस्स अण्णमण्णस्स अंतरं कट्टु चारं चरंति० तदा णं अट्टारसमुहुत्ते दिवसे भवइ चउहिं
 एगट्ठिभागमुहुत्तेहिं ऊणे दुवालसमुहुत्ता राई भवइ चउहिं एगट्ठिभागमुहुत्तेहिं अधिया, एवं खलु एतेणुवाएणं णिक्खममाणा एते दुवे सूरिया तताणंतरातो तदाणंतरं मंडलाओ मंडलं
 संकममाणा २ पंच जोयणाइं पणतीसं च एगट्ठिभागे जोयणस्स एगमेगे मंडले अण्णमण्णस्स अंतरं अभिवड्ढेमाणा २ सब्भितरं मंडलं उवसंकमित्ता चारं चरंति, ता जया णं एते दुवे
 सूरिया सब्भितरं मंडलं उवसंकमित्ता चारं चरंति तता णं एगं जोयणसतसहस्सं छच्च सट्टे जोयणसते अण्णमण्णस्स अंतरं कट्टु चारं चरंति तता णं उत्तमकट्टपत्ता जाव राई भवइ
 जहण्णए दुवाल जाव दिवसे भवति, एस णं पढमे छम्मासे एस णं पढमस्स छम्मासस्स पज्जवसाणे, ते पविसमाणा सूरिया दोच्चं छम्मासं अयमाणा पढमंसि अहोरत्तंसि बाहिराणं-
 तरं मंडलं उवसंकमित्ता चारं चरंति, ता जया णं एते दुवे सूरिया बाहिराणंतरं मंडलं उवसंकमित्ता चारं चरंति तदा णं एगं जोयणसयसहस्सं छच्च चउप्पण्णे जोयणसते छवीसं च एग-
 ट्ठिभागे जोयणस्स अण्णमण्णस्स अंतरं कट्टु चारं चरंति तदा णं अट्टारसमुहुत्ता राई भवई दोहिं एगट्ठिभागमुहुत्तेहिं ऊणा दुवालसमुहुत्ते दिवसे भवति दोहिं एगट्ठिभागमुहुत्तेहिं
 अहिए, ते पविसमाणा सूरिया दोच्चंसि अहोरत्तंसि बाहिरं तच्चं मंडलं उवसंकमित्ता चारं चरंति, ता जया णं एते दुवे सूरिया बाहिरं तच्चं मंडलं उवसंकमित्ता चारं चरंति तता णं एगं
 जोयणसयसहस्सं छच्च अडयाले जोयणसते बावण्णं च एगट्ठिभागे जोयणस्स अण्णमण्णस्स अंतरं कट्टु चारं चरंति तता णं अट्टारसमुहुत्ता राई भवइ चउहिं एग जाव ऊणा दुवाल-
 समुहुत्ते दिवसे भवति चउहिं जाव अहिए, एवं खलु एतेणुवाएणं पविसमाणा एते दुवे सूरिया ततोऽणंतरातो तदाणंतरं मंडलाओ मंडलं संकममाणा पंच जोयणाइं पणतीसं च एगट्ठि-
 भागे जोयणस्स एगमेगे मंडले अण्णमण्णस्संतरं णिवुड्ढेमाणा २ सब्भितरं मंडलं उवसंकमित्ता चारं चरंति, जया णं एते दुवे सूरिया सब्भितरं मंडलं उवसंकमित्ता चारं चरंति तता
 णं णवणउतिं जोयणसहस्साइं छच्च चत्ताले जोयणसते अण्णमण्णस्स अंतरं कट्टु चारं चरंति तता णं उत्तमकट्टपत्ते जाव दिवसे भवति जहण्णिया दुवालसमुहुत्ता राई भवति, एस
 णं दोच्चे छम्मासे एस णं दोच्चस्स छम्मासस्स पज्जवसाणे एस णं आइच्चे संवच्छरे एस णं आइच्चस्स संवच्छरस्स पज्जवसाणे । १५॥ १-४॥ ता केवतियं ते दीवं वा समुहं वा ओगाहित्ता
 सूरिए चारं चरंति आहि०?, तत्थ खलु इमाओ पंच पडिवत्तीओ पं०, एगे एव०-ता एगं जोयणसहस्सं एगं च तेत्तीसं जोयणसतं दीवं वा समुहं वा ओगाहित्ता सूरिए चारं (२०४)

चरति एगे एव०, एगे पुण०-ता एगं जोयणसहस्सं एगं च चउत्तीसं जोयणसयं दीवं वा समुहं वा ओगाहत्ता सूरिए चारं चरति एगे एव०, एगे पुण०-ता एगं जोयणसहस्सं एगं च पणतीसं जोयणसतं दीवं वा समुहं वा ओगाहत्ता सूरिए चारं चरति एगे एव०, एगे पुण०-ता अवड्ढं दीवं वा समुहं वा ओगाहत्ता सूरिए चारं चरति एगे एव०, एगे पुण०-ता नो किंचि दीवं वा समुहं वा ओगाहत्ता सूरिए चारं चरति, तत्थ जे ते एवमाहंसु-ता एगं जोयणसहस्सं एगं च तेत्तीसं जोयणसतं दीवं वा समुहं वा ओगाहत्ता सूरिए चारं चरति ते एवमाहंसु-जता णं सूरिए सब्भंतंरं मंडलं उवसंकमित्ता चारं चरति तथा णं जंबुदीवं एगं जोयणसहस्सं एगं च तेत्तीसं जोयणसतं ओगाहत्ता सूरिए चारं चरति तता णं उत्तमकट्टपत्ते उक्कोसए अट्टारसमुहुत्ते दिवसे भवति जहणिया दुवालसमुहुत्ता राई भवई, ता जया णं सूरिए सब्बाहिरं मंडलं उवसंकमित्ता चारं चरइ तथा णं लवणसमुहं एगं जोयणसहस्सं एगं च तेत्तीसं जोयणसयं ओगाहत्ता चारं चरइ तथा णं उत्तमकट्टपत्ता उक्कोसिया अट्टारसमुहुत्ता राई भवति जहणए दुवालसमुहुत्ते दिवसे भवइ, एवं चोत्तीसेऽवि, पणतीसेऽवि एवं चैव भाणियच्चं, तत्थ जे ते एव० ता अवड्ढं दीवं वा समुहं वा ओगाहत्ता सूरिए चारं चरति ते एवमा०-जता णं सूरिए सब्भंतंरं मंडलं उवसंकमित्ता चारं चरति तता णं अवड्ढं जंबुदीवं० ओगाहत्ता चारं चरति, तता णं उत्तमकट्टपत्ते उक्कोसए अट्टारसमुहुत्ते दिवसे भवति जहणिया दुवालसमुहुत्ता राई भवति, एवं सब्बाहिरएवि, णवरं अवड्ढं लवणसमुहं, तता णं राईदियं तहेव, तत्थ जे ते एव०-ता णो किञ्चि दीवं वा समुहं वा ओगाहत्ता सूरिए चारं चरति ते एव०-ता जता णं सूरिए सब्भंतंरं मंडलं उवसंकमित्ता चारं चरति तता णो किंचि दीवं वा समुहं वा ओगाहत्ता सूरिए चारं चरति तता णं उत्तमकट्टपत्ते उक्कोसए अट्टारसमुहुत्ते दिवसे भवति तहेव, एवं सब्बाहिरए मंडले, णवरं णो किंचि लवणसमुहं ओगाहत्ता चारं चरति, रातिंदियं तहेव एगे एव० । १६ । वयं पुण एवं वदामो-ता जया णं सूरिए सब्भंतंरं मंडलं उवसंकमित्ता चारं चरति तता णं जंबुदीवं असीतं जोयणसतं ओगाहत्ता चारं चरति, तदा णं उत्तमकट्टपत्ते उक्कोसए अट्टारसमुहुत्ते दिवसे भवति जहणिया दुवालसमुहुत्ता राई भवति, एवं सब्बाहिरएवि, णवरं लवणसमुहं तिण्णि तीसे जोयणसते ओगाहत्ता चारं चरति तता णं उत्तमकट्टपत्ता उक्कोसिया अट्टारसमुहुत्ता राई भवइ जहणए दुवालसमुहुत्ते दिवसे भवति, गाथाओ भाणित्वाओ । १७ ॥ १-५ ॥ ता केवतियं ते एगमेगेणं रातिंदिएणं विकंपइत्ता २ सूरिए चारं चरति आहि० ?, तत्थ खलु इमाओ सत्त पडिवत्तीओ पं०, तत्थेगे एव०-ता दो जोयणाइं अद्धदुचत्तालीसं तेसीतसयभागे जोयणस्स एगमेगेणं रातिंदिएणं विकंपइत्ता २ सूरिए चारं चरति एगे एव०, एगे पुण०-ता अड्ढातिज्जाइं जोयणाइं एगमेगेणं राईदिएणं विकंपइत्ता २ सूरिए चारं चरति एगे एव०, एगे पुण०-ता तिभागूणाइं तिण्णि जोयणाइं एगमेगेणं राईदिएणं विकंपइत्ता २ सूरिए चारं चरति एगे एव०, एगे पुण०-ता तिण्णि जोयणाइं अद्धसीतालीसं च तेसीतिसयभागे जोयणस्स एगमेगेणं राईदिएणं विकंपइत्ता २ सूरिए चारं चरति एगे एव०, एगे पुण०-ता अद्धुट्टाइं जोयणाइं एगमेगेणं राईदिएणं विकंपइत्ता सूरिए चारं चरति एगे एव०, एगे०-ता चउत्ताभागूणाइं चत्तारि जोयणाइं एगमेगेणं राईदिएणं विकंपइत्ता सूरिए चारं चरति एगे एव०, एगे पुण०-ता चत्तारि जोयणाइं अद्धबावणं च तेसीतिसयभागे जोयणस्स एगमेगेणं राईदिएणं विकंपइत्ता सूरिए चारं चरति एगे०, वयं पुण एवं वदामो-ता दो जोयणाइं अडतालीसं च एगट्टिभागे जोयणस्स एगमेगं मंडलं एगमेगेणं राईदिएणं विकंपइत्ता सूरिए चारं चरति, तत्थ णं को हेतू इति वदेज्जा ?, ता अयणं जंबुदीवे जाव परिकखेवेणं, ता जता णं सूरिए सब्भंतंरं मंडलं उवसंकमित्ता चारं चरति तता णं उत्तमकट्टपत्ते उक्कोसए अट्टारसमुहुत्ते दिवसे भवति जहणिया दुवालसमुहुत्ता राई भवइ, से णिक्खममाणे सूरिए णवं संवच्छरं अयमाणे पढमंसि अहोरत्तंसि अब्भितराणंतरं मंडलं उवसंकमित्ता चारं चरति, ता जया णं सूरिए अब्भितराणंतरं मंडलं उवसंकमित्ता चारं चरति तदा णं दो जोयणाइं अडयालीसं च एगट्टिभागे जोयणस्स एगेणं राईदिएणं विकंपइत्ता सूरिए चारं चरति तता णं अट्टारसमुहुत्ते दिवसे भवति दोहिं एगट्टिभागमुहुत्तेहिं ऊणे दुवालसमुहुत्ता राई भवति दोहिं एगट्टिभागमुहुत्तेहिं अहिया, से णिक्खममाणे सूरिए दोच्चंसि अहोरत्तंसि अब्भितरं तच्चं मंडलं उवसंकमित्ता चारं चरति, ता जया णं सूरिए अब्भितरं तच्चं मंडलं उवसंकमित्ता चारं चरति तता णं पंच जोयणाइं पणतीसं च एगट्टिभागे जोयणस्स दोहिं राईदिएहिं विकंपइत्ता चारं चरति, तता णं अट्टारसमुहुत्ते दिवसे भवति चउहिं एगट्टिभागमुहुत्तेहिं ऊणे दुवालसमुहुत्ता राई भवति चउहिं एगट्टिभागमुहुत्तेहिं अधिया, एवं खलु एतेणं उवाएणं णिक्खममाणे सूरिए तताणंतराओ मंडलातो तदारणंतरं मंडलं संकममाणे दो २ जोयणाइं अडतालीसं च एगट्टिभागे जोयणस्स एगमेगं मंडलं एगमेगेणं राईदिएणं विकंपमाणे २ सब्बाहिरं मंडलं उवसंकमित्ता चारं चरति ता जया णं सूरिए सब्भंतरातो मंडलातो सब्बाहिरं मंडलं उवसंकमित्ता चारं चरति तथा णं सब्भंतरं मंडलं पणिहाय एगेणं तेसीतेणं राईदियसतेणं पंच दसुत्तरजोयणसते विकंपइत्ता चारं चरति, तता णं उत्तमकट्टपत्ता उक्कोसिया अट्टारसमुहुत्ता राई भवइ जहणए दुवालसमुहुत्ते दिवसे भवति, एस णं पढमे छम्मासे एस णं पढमस्स छम्मासस्स पज्जवसाणे, से य पविसमाणे सूरिए दोच्चं छम्मासं अयमाणे पढमंसि अहोरत्तंसि बाहिराणंतरं मंडलं उवसंकमित्ता चारं चरति, ता जता णं सूरिए बाहिराणंतरं मंडलं उवसंकमित्ता चारं चरति तथा णं दो दो जोयणाइं अडयालीसं च एगट्टिभागे जोयणस्स एगेणं राईदिएणं विकंपइत्ता चारं चरति तता णं अट्टारसमुहुत्ता राई भवति दोहिं एगट्टिभागमुहुत्तेहिं ऊणा दुवालसमुहुत्ते दिवसे भवति दोहिं एगट्टिभागमुहुत्तेहिं अहिए, से पविसमाणे सूरिए दोच्चंसि अहोरत्तंसि बाहिरं तच्चं मंडलं उवसंकमित्ता चारं चरति, ता जया णं सूरिए बाहिरं तच्चं मंडलं उवसंकमित्ता चारं चरति तथा णं पंच २ जोयणाइं पणतीसं च एगट्टिभागे जोयणस्स दोहिं राईदिएहिं विकंपइत्ता चारं चरति, राईदिए तहेव, एवं खलु एतेणुवाएणं पविसमाणे सूरिए तताऽणंतरातो तयाणंतरं मंडलाओ मंडलं संकममाणे २ दो २ जोयणाइं अडयालीसं च एगट्टिभागे जोयणस्स एगमेगेणं राईदिएणं विकंपमाणे २ सब्भंतरं मंडलं उवसंकमित्ता चारं चरति, ता जया णं सूरिए सब्बाहिरातो मंडलातो सब्भंतरं मंडलं उवसंकमित्ता चारं चरति तता णं सब्बाहिरं मंडलं पणिहाय एगेणं तेसीएणं राईदियसतेणं पंचदसुत्तरे जोयणसते विकंपइत्ता चारं चरति तता णं उत्तमकट्टपत्ते उक्कोसए अट्टारसमुहुत्ते दिवसे भवति जहणिया दुवालसमुहुत्ता राई भवइ, एस णं दोचे छम्मासे एस णं दोच्चस्स छम्मासस्स पज्जवसाणे एस णं आदिचे

संवच्छरे एस णं आदिच्चस्स संवच्छरस्स पज्जवसाणे । १८ । १-६ ॥ ता कंहं ते मंडलसंठिती आहिं०?, तत्थ खलु इमातो अट्ट पडिवत्तीओ पं०, तत्थेगे एव०-ता सद्वावि मंडलवता समचउरंसंठाणसंठिता पं० एगे एव०, एगे पुण०-ता सद्वावि णं मंडलवता विसमचउरंसंठाणसंठिया पं० एगे एव०, एगे पुण०-सद्वावि णं मंडलवया समचदुक्कोणसंठिता पं० एगे ए०, एगे पुण०-सद्वावि मंडलवता विसमचउक्कोणसंठिया पं० एगे एव०, एगे पुण०-ता सद्वावि मंडलवया समचक्कवालसंठिया पं० एगे एव०, एगे पुण०-ता सद्वावि मंडलवता विसमचक्कवालसंठिया पं० एगे एव०, एगे पुण०-ता सद्वावि मंडलवता चक्कद्वचक्कवालसंठिया पं०, एगे पुण०-ता सद्वावि मंडलवता छत्तागारसंठिया पं० एगे एव०, तत्थ जे ते एवमाहंसु-ता सद्वावि मंडलवता छत्ताकारसंठिता पं० एतेणं णएणं णायद्वं, णो चेव णं इतरेहिं, पाहुडगाहाओ भाणियद्वाओ । १९ ॥ १-७ ॥ ता सद्वावि णं मंडलवया केवतियं बाहल्लेणं केवतियं आयाम-विक्खंभेणं केवतियं परिक्खेवेणं आहिं०?, तत्थ खलु इमा तिण्णि पडिवत्तीओ पं०, तत्थेगे एव०-ता सद्वावि णं मंडलवता जोयणं बाहल्लेणं एगं जोयणसहस्सं एगं तेत्तीसं च जोयणसतं आयामविक्खंभेणं तिण्णि जोयणसहस्साइं तिण्णि य नवणउए जोयणसते परिक्खेवेणं पं० एगे एव०, एगे पुण०-ता सद्वावि णं मंडलवता जोयणं बाहल्लेणं एगं जोयणसहस्सं एगं च चउत्तीसं जोयणसयं आयामविक्खंभेणं तिण्णि जोयणसहस्साइं चत्तारि विउत्तरे जोयण-सते परिक्खेवेणं पं० एगे एव०, एगे पुण०-ता जोयणं बाहल्लेणं एगं जोयणसहस्सं एगं च पणतीसं जोयणसतं आयामविक्खंभेणं तिण्णि जोयणसहस्साइं चत्तारि पंचुत्तरे जोयणसते परिक्खेवेणं पं० एगे एव०, वयं पुण०-ता सद्वावि मंडलवता अडतालीसं एगट्ठिभागे जोयणस्स बाहल्लेणं अणियता आयामविक्खंभेणं परिक्खेवेणं च आहिं०, तत्थ णं को हेऊत्ति वदेज्जा?, ता अयण्णं जंबुदीवे जाव परिक्खेवेणं, ता जया णं सूरिए सद्वाभंतरं मंडलं उवसंकमित्ता चारं चरति तथा णं सा मंडलवता अडतालीसं एगट्ठिभागे जोयणस्स बाहल्लेणं णवणउई जोयणसहस्साइं छच्च चत्ताले जोयणसते आयामविक्खंभेणं तिण्णि जोयणसतसहस्साइं पण्णरस जोयणसहस्साइं एगुणउती जोयणाइं किंचिविसेसाहिए परिक्खेवेणं तता णं उत्तमकट्ठपत्ते उक्कोसए अट्ठारसमुहुत्ते दिवसे भवति जहण्णिया दुवालसमुहुत्ता राई भवति, से णिक्खममाणे सूरिए णवं संवच्छरं अयमाणे पढमंसि अहोरत्तंसि अब्भितराणंतरं मंडलं उवसंक-मित्ता चारं चरति, ता जया णं सूरिए अब्भितराणंतरं मंडलं उवसंकमित्ता चारं चरति तदा णं सा मंडलवता अडयालीसं एगट्ठिभागे जोयणस्स बाहल्लेणं णवणवई जोयणसहस्साइं छच्च पणताले जोयणसते पणतीसं च एगट्ठिभागे जोयणस्स आयामविक्खंभेणं तिण्णि जोयणसतसहस्साइं पन्नरसं च सहस्साइं एगं सत्तउत्तरं जोयणसतं किंचिविसेसूणं परिक्खेवेणं तदा णं दिवसरातिप्पमाणं तहेव, से णिक्खममाणे सूरिए दोच्चंसि अहोरत्तंसि अब्भितरं तच्चं मंडलं उवसंकमित्ता चारं चरति, ता जया णं सूरिए अब्भितरं तच्चं मंडलं उवसंकमित्ता चारं चरति तथा णं सा मंडलवता अडतालीसं एगट्ठिभागे जोयणस्स बाहल्लेणं णवणवती जोयणसहस्साइं छच्च एक्कावण्णे जोयणसते णव य एगट्ठि-भागा जोयणस्स आयामविक्खंभेणं तिण्णि जोयणसयसहस्साइं पन्नरस य सहस्साइं एगं च पणवीसं जोयणसयं परिक्खेवेणं पं० तता णं दिवसराई तहेव, एवं खलु एतेण उवाएणं निक्खममाणे सूरिए तताणंतरातो तदाणंतरं मंडलातो मंडलं उवसंकममाणे २ पंच २ जोयणाइं पणतीसं च एगट्ठिभागे जोयणस्स एगमेगे मंडले विक्खंभं अभिवड्ढेमाणे २ अट्ठारस २ जोयणाइं परिरयवुड्ढिं अभिवड्ढेमाणे २ सद्वाबाहिरं मंडलं उवसंकमित्ता चारं चरति, ता जया णं सूरिए सद्वा जाव चारं चरति तता णं सा मंडलवता अडतालीसं एगट्ठिभागा जोयणस्स बाहल्लेणं एगं च जोयणसयसहस्सं छच्च सद्दे जोयणसते आयामविक्खंभेणं तिण्णि जोयणसयसहस्साइं अट्ठारस सहस्साइं तिण्णि य पण्णरसुत्तरे जोयणसते परिक्खेवेणं तदा णं उक्कोसिया अट्ठारसमुहुत्ता राई भवति जहण्णए दुवालसमुहुत्ते दिवसे भवति, एस णं पढमे छम्मासे एस णं पढमस्स छम्मासस्स पज्जवसाणे, से पविसमाणे सूरिए दोच्चं छम्मासं अयमाणे पढमंसि अहोरत्तंसि बाहिराणंतरं मंडलं उवसंकमित्ता चारं चरति ता जया णं सूरिए बाहिराणंतरं मंडलं उवसंकमित्ता चारं चरति तता णं सा मंडलवता अडतालीसं एगट्ठिभागे जोयणस्स बाहल्लेणं एगं जोयणसयसहस्सं छच्च चउपण्णे जोयणसते छवीसं च एगट्ठिभागे जोयणस्स आयामविक्खंभेणं तिण्णि जोयणसतसहस्साइं अट्ठारससहस्साइं दोण्णि य सत्ताणउते जोयणसते परिक्खेवेणं पं०, तता णं राइंदियं तहेव, से पविसमाणे सूरिए दोच्चंसि अहोरत्तंसि बाहिरं तच्चं मंडलं उवसंकमित्ता चारं चरति, ता जया णं सूरिए बाहिरं तच्चं मंडलं उवसंकमित्ता चारं चरति तता णं सा मंडलवता अडयालीसं एगट्ठिभागे जोयणस्स बाहल्लेणं एगं जोयणसतसहस्सं छच्च अडयाले जोयणसए बावण्णं च एगट्ठिभागे जोयणस्स आयामविक्खंभेणं तिण्णि जोयणसतसहस्साइं अट्ठारस सहस्साइं दोण्णि अउणासीते जोयणसते परिक्खेवेणं पं०, दिवसराई तहेव, एवं खलु एतेणुवाएणं पविसमाणे सूरिए तताणंतरातो तदाणंतरं मंडलातो मंडलं संकममाणे २ पंच २ जोयणाइं पणतीसं च एगट्ठिभागे जोयणस्स एगमेगे मंडले विक्खंभवुड्ढिं णिवुड्ढेमाणे २ अट्ठारस जोयणाइं परिरयवुड्ढिं णिवुड्ढेमाणे २ सद्वाभंतरं मंडलं उवसंकमित्ता चारं चरति, ता जता णं सूरिए सद्वाभंतरं मंडलं उवसंकमित्ता चारं चरति तता णं सा मंडलवया अडयालीसं एगट्ठिभागे जोयणस्स बाहल्लेणं णवणउतिं जोयणसहसाइं छच्च चत्ताले जोयणसए आयामविक्खंभेणं तिण्णि जोयणसयसहस्साइं पण्णरस य सहस्साइं अउणाणउतिं च जोयणाइं किंचिविसेसाहियाइं परिक्खेवेणं पं०, तता णं उत्तमकट्ठपत्ते उक्कोसए अट्ठारसमुहुत्ते दिवसे भवति जहण्णिया दुवालसमुहुत्ता राई भवति, एस णं दोच्चं छम्मासे एस णं दोच्चस्स छम्मासस्स पज्जवसाणे एस णं आदिच्च संवच्छरे एस णं आदिच्चस्स संवच्छरस्स पज्जवसाणे, ता सद्वावि णं मंडलवता अडतालीसं एगट्ठिभागे जोयणस्स बाहल्लेणं, सद्वावि णं मंडलंतरिया दो जोयणाइं विक्खंभेणं, एस णं अद्धा तेसीयसतपडुप्पण्णो पंच दसुत्तरे जोयणसते आहिं०, ता अब्भितरातो मंडलवताओ बाहिरं मंडलवतं बाहिराओ वा अब्भितरं मंडलवतं एस णं अद्धा केवतियं आहिं०?, ता पंच दसुत्तरजोयणसते आहिं०, अब्भितराते मंडलवताते बाहिरा मंडलवया बाहिराओ मंडलवतातो अब्भितरा मंडलवता एस णं अद्धा केवतियं आहिं०?, ता पंच दसुत्तरे जोयणसते अडतालीसं च एगट्ठिभागे जोयणस्स आहिं०, ता अब्भितरातो मंडलवतातो बाहिरमंडलवता बाहिरातो० अब्भितरमंडलवता एस णं अद्धा केवतियं आहिं०?, ता पंच णवुत्तरे जोयणसते तेरस य एगट्ठिभागे जोयणस्स आहिं०, अब्भितराते मंडलवताए बाहिरा मंडलवया बाहिराते मंडलवताते अब्भितरमंडलवया एस णं अद्धा केवतियं

आहि०?, ता पंच दसुत्तरे जोयणसए आहि०।२०॥ १-८ पदमं पाहुडं १॥ ता कहं ते तेरिच्छगती आहि०?, तत्थ खलु इमाओ अट्ट पडिवत्तीओ पं०, तत्थेगे एव०-ता पुरच्छिमातो लोअंतातो पादो मरीची आगासंसि उट्टेति, से णं इमं लोयं तिरियं करेइ ता पच्चत्थिमंसि लोयंतंसि सायं सूरिए आगासंसि विद्धस्सति एगे एव०, एगे पुण०-ता पुरच्छिमातो लोअंतातो पातो सूरिए आगासंसि उट्टेति, से णं इमं लोयं तिरियं करेति ता पच्चत्थिमंसि लोयंतंसि सायं सूरिए आगासंसि विद्धंसति एगे एव०, एगे पुण०-ता पुरत्थिमाओ लोयंतातो पादो सूरिए आगासंसि उत्तिट्ठति, से णं इमं लोयं तिरियं करेति ता पच्चत्थिमंसि लोयंतंसि सायं सूरिए अणुपविसति ता अहे पडियागच्छति ता पुण-रवि अवरभूपुरत्थिमातो लोयंतातो पातो सूरिए आगासंसि उत्तिट्ठति एगे एव०, एगे पुण०-ता पुरत्थिमाओ लोयंताओ पाओ सूरिए पुढवीओ उत्तिट्ठति, से णं इमं लोयं तिरियं करेति ता पच्चत्थिमिल्लंसि लोयंतंसि सायं सूरिए पुढवीकायंसि विद्धंसइ एगे एव०, एगे पुण०-पुरत्थिमाओ लोयंताओ पाओ सूरिए पुढवीओ उत्तिट्ठइ, से णं इमं तिरियं लोयं करेइ ता पच्चत्थिमंसि लोयंतंसि सायं सूरिए पुढवीकायं अणुपविसइ ता अहे पडियागच्छइ ता पुणरवि अवरभूपुरत्थिमाओ लोयंताओ पाओ सूरिए पुढवीओ उत्तिट्ठइ एगे एव०, एगे पुण०-ता पुरत्थिमिह्हाओ लोयंताओ पाओ सूरिए आउकायंसि उत्तिट्ठइ, से णं इमं तिरियं लोयं तिरियं करेइ ता पच्चत्थिमंसि लोयंतंसि सायं सूरिए आउकायंसि विद्धंसति एगे एव०, एगे पुण०-ता पुरत्थिमातो लोयंताओ पाओ सूरिए आउओ उत्तिट्ठत्ति, से णं इमं तिरियं लोयं तिरियं करेति ता पच्चत्थिमंसि लोयंतंसि सायं सूरिए आउकायंसि पविसइ ता अहे पडियागच्छति ता पुणरवि अवरभूपुरत्थिमातो लोयंताओ पादो सूरिए आउओ० एगे एव०, एगे पुण एव०-ता पुरत्थिमातो लोयंताओ बहूइं जोयणाइं बहूइं जोयणसताइं बहूइं जोयणसहस्साइं उड्ढं दूरं उप्पत्तिता एत्थ णं पातो सूरिए आगासंसि उत्तिट्ठति, से णं इमं दाहिणड्ढं लोयं तिरियं करेति ता उत्तरद्वलोयं तमेव रातो, से णं इमं उत्तरद्वलोयं तिरियं करेइ ता दाहिणद्वलोयं तमेव राओ, से णं इमाइं दाहिणुत्तरद्वलोयाइं तिरियं करेइ ता पुरत्थिमाओ लोयंताओ बहूइं जोयणाइं तं चैव उड्ढं दूरं उप्पत्तिता एत्थ णं पातो सूरिए आगासंसि उत्तिट्ठति एगे एव०, वयं पुण एवं वयामो-ता जंबुदीवस्स पाईणपडीणायतउदीणदाहिणायताए जीवाए मंडलं चउवीसेणं सतेणं छेत्ता दाहिणपुरच्छिमंसि उत्तरपच्चत्थिमंसि य चउब्भागमंडलंसि इमीसे रयणप्पभाए पुढवीए बहुसमरमणिजातो भूमिभागातो अट्ट जोयणसताइं उड्ढं उप्पत्तिता एत्थ णं पादो दुवे सूरिया आगासाओ उत्तिट्ठंति, ते णं इमाइं दाहिणुत्तराइं जंबुदीवभागाइं तिरियं करेति ता पुरत्थिमपच्चत्थिमाइं जंबुदीवभागाइं तमेव रातो, ते णं इमाइं पुरच्छिमपच्चत्थिमाइं जंबुदीवभागाइं तिरियं करेति ता दाहिणुत्तराइं जंबुदीवभागाइं तमेव रातो, ते णं इमाइं दाहिणुत्तराइं पुरच्छिमपच्चत्थिमाणि य जंबुदीवभागाइं तिरियं करेति ता जंबुदीवस्स पाईणपडीणायत जाव एत्थ णं पादो दुवे सूरिया आगासंसि उत्तिट्ठंति । २१ ॥ २-१ ॥ ता कहं ते मंडलाओ मंडलं संकममाणे २ सूरिए चारं चरति आहि०?, तत्थ खलु इमातो दुवे पडिवत्तीओ पं०, तत्थेगे एव०-ता मंडलातो मंडलं संकममाणे २ सूरिए भेयघाएणं संकामइ एगे एव०, एगे पुण०-ता मंडलाओ मंडलं संकममाणे सूरिए कण्णकलं णिव्वेढेति, तत्थ जे ते एव०-ता मंडलातो मंडलं संकममाणे २ सूरिए भेयघाएणं संकमइ तेसिं णं अयं दोसे-ता जेणंतरेणं मंडलातो मंडलं संकममाणे २ सूरिए भेयघाएणं संकमति एवतियं च णं अद्वं पुरतो न गच्छति, पुरतो अगच्छमाणे मंडलकालं परिहवेति, तेसिं णं अयं दोसे, तत्थ जे ते एव०-ता मंडलातो मंडलं संकममाणे सूरिए कण्णकलं णिव्वेढेति तेसिं णं अयं विसेसे-ता जेणंतरेणं मंडलातो मंडलं संकममाणे सूरिए कण्णकलं णिव्वेढेति एवतियं च णं अद्वं पुरतो गच्छति, पुरतो गच्छमाणे मंडलकालं ण परिहवेति, तेसिं णं अयं विसेसे, तत्थ जे ते एव०-मंडलातो मंडलं संकममाणे सूरिए कण्णकलं णिव्वेढेति एतेणं णएणं णेतब्बं, णो चैव णं इतरेणं । २२ ॥ २-२ ॥ ता केवतियं ते खेत्तं सूरिए एगमेगेणं मुहुत्तेणं गच्छति आहि०?, तत्थ खलु इमातो चत्तारि पडिवत्तीओ पं० तं०-तत्थ एगे एव०-ता छ छ जोयणसहस्साइं सूरिए एगमेगेणं मुहुत्तेणं गच्छति०, एगे पुण०-ता पंच २ जोयणसहस्साइं सूरिए एगमेगेणं मुहुत्तेणं गच्छति एगे०, एगे पुण०-ता चत्तारि २ जोयणसहस्साइं सूरिए एगमेगेणं मुहुत्तेणं गच्छति एगे एव०, एगे पुण०-ता छवि पंचवि चत्तारिवि जोयणसहस्साइं सूरिए एगमेगेणं मुहुत्तेणं गच्छति एगे०, तत्थ जे ते एवमाहंसु ता छ छ जोयणसहस्साइं सूरिए एगमेगेणं मुहुत्तेणं गच्छति ते एव०-जता णं सूरिए सब्बभंतरं मंडलं उवसंकमित्ता चारं चरति तथा णं उत्तमकट्टपत्ते उक्कोसे अट्टारसमुहुत्ते दिवसे भवति जहणिया दुवालसमुहुत्ता राई भवति, तंसि च णं दिवसंसि एगं जोयणसतसहस्सं अट्ट य जोयणसह-स्साइं तावक्खेत्ते पं०, ता जया णं सूरिए सब्बबाहिरं मंडलं उवसंकमित्ता चारं चरति तथा णं उत्तमकट्टपत्ता उक्कोसिया अट्टारसमुहुत्ता राई भवति जहणए दुवालसमुहुत्ते दिवसे भवति, तंसि च णं दिवसंसि बावत्तारिं जोयणसह-स्साइं तावक्खेत्ते पं०, तथा णं छ छ जोयणसहस्साइं सूरिए एगमेगेणं मुहुत्तेणं गच्छति, तत्थ जे ते एवमाहंसु-ता पंच पंच जोयणसहस्साइं सूरिए एगमेगेणं मुहुत्तेणं गच्छति ते एव०, ता जता णं सूरिए सब्बभंतरं मंडलं उवसंक-मित्ता चारं चरति तहेव दिवसराइप्पमाणं, तंसि च णं दिवसंसि तावक्खेत्ते नउइजोयणसहस्साइं, ता जया णं सब्बबाहिरं मंडलं उवसंकमित्ता चारं चरति तथा णं तं चैव राइंदियप्पमाणं तंसि च णं दिवसंसि सट्ठिं जोयणसहस्साइं तावक्खेत्ते पं०, तथा णं पंच २ जोयणसहस्साइं सूरिए एगमेगेणं मुहुत्तेणं गच्छति, तत्थ जे ते एव०-ता चत्तारि जोयणसहस्साइं सूरिए एगमेगेणं मुहुत्तेणं गच्छति ते एवमा०-ता जया णं सूरिए सब्बभंतरं मंडलं उवसंकमित्ता चारं चरति तथा णं दिवसराई तहेव, तंसि च णं दिवसंसि बावत्तारिं जोयणसहस्साइं तावक्खेत्ते पं०, ता जया णं सूरिए सब्बबाहिरं मंडलं उवसंकमित्ता चारं चरति तथा णं राइंदियं तथेव, तंसि च णं दिवसंसि अडयालीसं जोय-णसहस्साइं तावक्खेत्ते पं०, तथा णं चत्तारि जोयणसहस्साइं सूरिए एगमेगेणं मुहुत्तेणं गच्छति, तत्थ जे ते एवमाहंसु-छवि पंचवि चत्तारिवि जोयणसहस्साइं सूरिए एगमेगेणं मुहुत्तेणं गच्छति ते एव०, ता सूरिए णं उगमणमुहु-त्तंसि य अत्थमणमुहुत्तंसि य सिग्घगती भवति तथा णं छ छ जोयणसहस्साइं एगमेगेणं मुहुत्तेणं गच्छति, मज्झिमतावक्खेत्तं समासादेमाणे २ सूरिए मज्झिमगती भवति तथा णं पंच २ जोयणसहस्साइं एगमेगेणं मुहुत्तेणं गच्छति, मज्झिमं तावक्खेत्तं संपत्ते सूरिए मंदगती भवति तथा णं चत्तारि जोयणसहस्साइं एगमेगेणं मुहुत्तेणं गच्छति, तत्थ को हेऊत्ति वदेजा ?, ता अयणं जंबुदीवे २ जाव परिक्खेवेणं, ता जया णं सूरिए सब्बभंतरं मंडलं उवसंकमित्ता

चारं चरति तता णं दिवसराई तहेव, तंसिं च णं दिवसंसि एकाणउति जोयणसहस्साइं तावखेत्ते पं०, ता जया णं सूरिए सब्बाहिरं मंडलं उवसंकमित्ता चारं चरति तता णं राइंदियं तहेव, तस्सिं च णं दिवसंसि एगट्टिजोयणसहस्साइं तावखेत्ते पं०, तता णं छवि पंचवि चत्तारिवि जोयणसहस्साइं सूरिए एगमेगेणं मुहुत्तेणं गच्छति एगे एव०, वयं पुण एवं वदामो-ता सातिरेगाइं पंच जोयणसहस्साइं सूरिए एगमेगेणं मुहुत्तेणं गच्छति, तत्थ को हेतूत्ति वदेजा ?, ता अयणं जंबुदीवे० परिक्खेवेणं, ता जता णं सूरिए सब्बभंतरं मंडलं उवसंकमित्ता चारं चरति तता णं पंच २ जोयणसहस्साइं दोण्णि य एकावण्णे जोयणसए एगुणतीसं च सट्टिभागे जोयणस्स एगमेगेणं मुहुत्तेणं गच्छति, तता णं इधगतस्स मणुस्सस्स सीतालीसाए जोयणसहस्सेहिं दोहि य तेवट्टेहिं जोयणसतेहिं एक्कीसाए य सट्टिभागेहिं जोयणस्स सूरिए चक्खुप्फासं हव्वमागच्छति, तया णं दिवसराई तहेव, से णिक्खममाणे सूरिए णवं संवच्छरं अय-माणे पढमंसि अहोरत्तंसि अब्भितराणंतरं मंडलं उवसंकमित्ता चारं चरति, ता जया णं सूरिए अब्भितराणंतरं मंडलं उवसंकमित्ता चारं चरति तता णं पंच २ जोयणसहस्साइं दोण्णि य एकावण्णे जोयणसते सीतालीसं च सट्टिभागे जोयणस्स एगमेगेणं मुहुत्तेणं गच्छति, तता णं इहगतस्स मणुस्सस्स सीतालीसाए जोयणसहस्सेहिं अउणासीते य जोयणसतेण सत्तावण्णाए य सट्टिभागेहिं जोयणस्स सट्टिभागं च एगट्टिहा छेत्ता अउणावीसाए चुण्णियाभागेहिं सूरिए चक्खुप्फासं हव्वमागच्छति, तता णं दिवसराई तहेव, (१८-६, १२-६), से णिक्खममाणे सूरिए दोच्चंसि अहोरत्तंसि अब्भितरं तच्चं मंडलं उवसंकमित्ता चारं चरति, ता जया णं सूरिए अब्भितरं तच्चं मंडलं उवसंकमित्ता चारं चरति तता णं पंच २ जोयणसहस्साइं दोण्णि य एकावण्णे जोयणसते पंच य सट्टिभागे जोयणस्स एगमेगेणं मुहुत्तेणं गच्छति तता णं इहगतस्स मणु० सीतालीसाए जोयणसहस्सेहिं छण्णउतीए य जोयणेहिं तेत्तीसाए य सट्टिभागेहिं जोयणस्स सट्टिभागं च एगट्टिधा छेत्ता दोहिं चुण्णियाभागेहिं सूरिए चक्खुप्फासं हव्वमागच्छति, तता णं दिवसराई तहेव, एवं खलु एतेणं उवाएणं णिक्खममाणे सूरिए तताणंतराओ तदाणंतरं मंडलातो मंडलं संकममाणे २ अट्टारस २ सट्टिभागे जोयणस्स एगमेगे मंडले मुहुत्तगतिं अभिवुड्ढेमाणे २ चुलसीति २ सताइं जोयणाइं पुरिसच्छायं णिवुड्ढेमाणे २ सब्बाहिरं मंडलं उवसंकमित्ता चारं चरति, ता जया णं सूरिए सब्बाहिरं मंडलं उवसंकमित्ता चारं चरति तता णं पंच २ जोयणसहस्साइं तिन्नि य पंचुत्तरे जोयणसते पण्णरस य सट्टिभागे जोयणस्स एगमेगेणं मुहुत्तेणं गच्छति, तता णं इहगतस्स मणुस्सस्स एक्कीसाए जोयणसहस्सेहिं अट्टहिं एक्कीसेहिं जोयणसतेहिं तीसाए य सट्टिभागेहिं जोयणस्स सूरिए चक्खुप्फासं हव्वमागच्छति तता णं उत्तमकट्टपत्ता उक्कोसिया अट्टारसमुहुत्ता राई भवइ जहण्णाए दुवालसमुहुत्ते दिवसे भवति, एस णं पढमे छम्मासे एस णं पढमस्स छम्मासस्स पज्जवसाणे, से पविसमाणे सूरिए दोच्चं छम्मासं अयमाणे पढमंसि अहोरत्तंसि बाहिराणंतरं मंडलं उवसंकमित्ता चारं चरति, ता जता णं सूरिए बाहिराणंतरं मंडलं उवसंकमित्ता चारं चरति तता णं पंच २ जोयणसहस्साइं तिण्णि य चउरुत्तरे जोयणसते सत्तावण्णं च सट्टिभाए जोयणस्स एगमेगेणं मुहुत्तेणं गच्छति, तता णं इधगतस्स मणुस्सस्स एक्कीसाए जोयणसहस्सेहिं नवहि य सोलेहिं जोयणसएहिं एगुणचालीसाए य सट्टिभागेहिं जोयणस्स सट्टिभागं च एगट्टिहा छेत्ता सट्टीए चुण्णियाभागेहिं सूरिए चक्खुप्फासं हव्वमागच्छति, तता णं राइंदियं तहेव, से पविसमाणे सूरिए दोच्चंसि अहोरत्तंसि बाहिरं तच्चं मंडलं उवसंकमित्ता चारं चरति, ता जया णं सूरिए बाहिरं तच्चं मंडलं उवसंकमित्ता चारं चरति तता णं पंच पंच जोयणसहस्साइं तिन्नि य चउरुत्तरे जोयणसते ऊतालीसं च सट्टिभागे जोयणस्स एगमेगेणं मुहुत्तेणं गच्छति, तता णं इहगतस्स मणुस्सस्स एगाधिगेहिं वत्तीसाए जोयणसहस्सेहिं एकूणवण्णाए य सट्टिभागेहिं जोयणस्स सट्टिभागं च एगट्टिधा छेत्ता तेवीसाए चुण्णियाभागेहिं सूरिए चक्खुप्फासं हव्वमागच्छति, राइंदियं तहेव, एवं खलु एतेणुवाएणं पविसमाणे सूरिए तताणंतरातो तताणंतरं मंडलातो मंडलं संकममाणे २ अट्टारस २ सट्टिभागे जोयणस्स एगमेगे मंडले मुहुत्तगतिं णिवुड्ढेमाणे २ सातिरेगाइं पंचासीति २ जोयणाइं पुरिसच्छायं अभिवुड्ढेमाणे २ सब्बभंतरं मंडलं उवसंकमित्ता चारं चरति, ता जता णं सूरिए सब्बभंतरं मंडलं उवसंकमित्ता चारं चरति तता णं पञ्च २ जोयणसहस्साइं दोण्णि य एकावण्णे जोयणसए अगुणतीसं च सट्टिभागे जोयणस्स एगमेगेणं मुहुत्तेणं गच्छति, तता णं इहगतस्स मणुस्सस्स सीतालीसाए जोयणसहस्सेहिं तेवट्टेहिं जोयणसतेहि य एक्कीसाए य सट्टिभागेहिं जोयणस्स सूरिए चक्खुप्फासं हव्वमागच्छति, तता णं उत्तमकट्टपत्ते उक्कोसए अट्टारसमुहुत्ते दिवसे भवति जहण्णिया दुवालसमुहुत्ता राई भवति, एस णं दोच्चे छम्मासे एस णं दोच्चस्स छम्मासस्स पज्जवसाणे एस णं आदिच्चे संवच्छरे एस णं आदिच्चस्स संवच्छरस्स पज्जवसाणे । २३ ॥ २-३ बितियं पाहुडं ॥ ता केवतियं खेत्तं चंदिमसूरिया ओभासंति उज्जोवेति तवेति पगासंति आहि०?, तत्थ खलु इमाओ बारस पडिवत्तीओ पं०, तत्थेगे एवमा०-ता एगं दीवं एगं समुद्दं चंदिमसूरिया ओभासंति०, एगे पुण एव०-ता तिण्णि दीवे तिण्णि समुद्दे चंदिमसूरिया ओभासंति० एगे एव०, एगे पुण०-ता अद्धचउत्थे (प्र० आहुट्टे) दीवसमुद्दे चंदिमसूरिया ओभासंति० एगे एव०, एगे पुण०-ता सत्त दीवे सत्त समुद्दे चंदिमसूरिया ओभासंति० एगे एव०, एगे पुण०-ता दस दीवे दस समुद्दे चंदिमसूरिया ओभासंति० एगे एव०, एगे पुण०-ता बारस दीवे बारस समुद्दे चंदिमसूरिया ओभासंति० एगे०, एगे पुण०-बायालीसं दीवे बायालीसं समुद्दे चंदिमसूरिया ओभासंति० एगे०, एगे पुण०-बावत्तरिं दीवे बावत्तरिं समुद्दे चंदिमसूरिया ओभासंति० एगे०, एगे पुण०-ता बायालीसं दीवसतं बायालं समुद्दसतं चंदिमसूरिया ओभासंति० एगे०, एगे पुण०-ता बावत्तरिं दीवसतं बावत्तरिं समुद्दसतं चंदिमसूरिया ओभासंति० एगे०, एगे पुण०-ता बायालीसं दीवसहस्सं बायालं समुद्दसहस्सं चंदिमसूरिया ओभासंति० एगे०, एगे पुण०-ता बावत्तरं दीवसहस्सं बावत्तरं समुद्दसहस्सं चंदिमसूरिया ओभासंति० एगे०, वयं पुण एवं वदामो-अयणं जंबुदीवे जाव परिक्खेवेणं पं०, से णं एगाए जगतीए सब्बतो समंता संपरिक्खत्ते, सा णं जगती अट्ट जोयणाइं उड्ढं उच्चत्तेणं एवं जहा जंबुदीवपञ्चतीए जाव एवामेव सपुद्दावरेणं जंबुदीवे चोद्दस सलिलासयसहस्सा छप्पन्नं च सलिलासहस्सा भवन्तीतिमक्खाता, जंबुदीवे णं दीवे पंचचक्कभागसंठिते आहिताति वदेजा, ता कहं ते जंबुदीवे० पंचचक्कभागसंठिते आहि०?, ता जता णं एते सूरिया सब्बभंतरं मंडलं उवसंकमित्ता चारं चरति तदा णं जंबुदीवस्स० तिण्णि पंचचक्कभागे ओभासंति तं०-एगेवि एगं दिवड्ढं पंचचक्कभागं ओभासेति एगेवि एगं दिवड्ढं पंचचक्कभागं ओभासेति तता णं उत्तमकट्टपत्ते उक्को० अट्टारसमुहुत्ते दिवसे भवति जहण्णिया दुवालसमुहुत्ता राई भवइ, ता जता णं एते दुवे सूरिया सब्बाहिरं मंडलं उवसंकमित्ता चारं चरति तदा णं जंबुदीवस्स दोण्णि चक्कभागे ओभासंति, ता एगेवि एगं पंचच- (२०५)

क्वालभागं ओभासति एगेवि एकं पंचचक्वालभागं ओभासइ, तता णं उत्तमकट्टपत्ता उक्को० अट्टारसमुहुत्ता राई भवइ जहण्णए दुवालसमुहुत्ते दिवसे भवति । २४ ॥ ततियं पाहुडं ३ ॥ ता कंहं ते सेआते संठिई आहि०?, तत्थ खलु इमा दुविहा संठिती पं० तं०-चंदिमसूरियसंठिती य तावक्खेत्तसंठिती य, ता कंहं ते चंदिमसूरियसंठिती आहि०?, तत्थ खलु इमातो सोलस पडिवत्तीओ पं०, तत्थेगे एव०-ता समचउरससंठिता चंदिमसूरियसंठिती एगे एव०, एगे पुण०-ता विसमचउरससंठिता चंदिमसूरियसंठिती पं०, एवं एएणं अभिलावेणं समचउक्कोणसंठिता विसमचउक्कोणसंठिया समचक्वालसंठिता विसमचक्वालसंठिता चक्कदचक्वालसंठिता पं० एगे एव०, एगे पुण०-ता छत्तागारसंठिता चंदिमसूरियसंठिती पं० गेहसंठिता गेहावणसंठिता पासादसंठिता गोपुरसंठिया पेच्छाघरसंठिता वलभीसंठिता हम्मियतलसंठिता वालगपोतियासंठिता चंदिमसूरियसंठिती पं०, तत्थ जे ते एवमा०-ता समचउरससंठिता चंदिमसूरियसंठिती पं० एतेणं णएणं णेतव्वं णो चेव णं इतरेहिं, ता कंहं ते तावक्खेत्तसंठिती आहि०?, तत्थ खलु इमाओ सोलस पडिवत्तीओ पं०, तत्थ णं एगे एव०-ता गेहसंठिता तावक्खेत्तसंठिती पं०, एवं जाव बालगपोतियासंठिता तावक्खेत्तसंठिती०, एगे एव०-ता जस्संठिते जंबुद्दीवे तस्संठिता तावक्खेत्तसं० पं०, एगे पुण०-ता जस्संठिते भारहे वासे तस्सं०, एवं उज्जाणसंठिया निज्जाणसंठिता एगतो णिसधसंठिता दुहतो णिसहसंठिता सेयणगसंठिता एगे एव०, एगे पुण०-ता सेयणगपट्टसंठिता तावक्खेत्त० एगे एव०, वयं पुण एवं वदामो-ता उद्धीमुहकलंबुआपुप्फसंठिता तावक्खेत्तसंठिती पं० अंतो संकुडा वाहिं वित्थडा अंतो वट्टा वाहिं पिधुला अंतो अंकमुहसंठिता वाहिं सत्थिमुहसंठिता, उभतो पासेणं तीसे दुवे वाहाओ अवट्टिताओ भवंति पणतालीसं २ जोयणसहस्साइं आयामेणं, दुवे य णं तीसे बाहाओ अणवट्टिताओ भवंति, तं०-सव्वभंतरीया चेव बाहा सव्वबाहिरिया चेव बाहा, तत्थ को हेतूत्ति वदेज्जा ? ता अयणं जंबुद्दीवे जाव परिक्खेवेणं, ता जया णं सूरिए सव्वभंतरं मंडलं उवसंकमित्ता चारं चरति तता णं उद्धीमुहकलंबुआपुप्फसंठिता तावक्खेत्तसंठिती आहि० अंतो संकुडा जाव बाहिरिया चेव बाहा, तीसे णं सव्वभंतरिया बाहा मंदरपव्वयंतेणं णव जोयणसहस्साइं चत्तारि य छलसीते जोयणसते णव य दसभागे जोयणस्स परिक्खेवेणं आहि०, ता से णं परिक्खेवविसेसे कतो आहि०?, ता जे णं मंदरस्स पव्वयस्स परिक्खेवे तं परिक्खेवं तिहिं गुणित्ता दसहिं छित्ता दसहिं भागे हीरमाणे एस णं परिक्खेवविसेसे आहि०, तीसे णं सव्वबाहिरिया बाहा लवणसमुद्धंतेणं चउणउत्ति जोयणसहस्साइं अट्ट य अट्टसट्टे जोयणसते चत्तारि य दसभागे जोयणस्स परिक्खेवेणं आहि०, ता से णं परिक्खेवविसेसे कतो आहि०?, ता जे णं मंदरस्स पव्वयस्स परिक्खेवे तं परिक्खेवं तिहिं गुणित्ता दसहिं छित्ता दसहिं भागे हीरमाणे एस णं परिक्खेवविसेसे आहि०, ता से णं तावक्खेत्ते केवतियं आयामेणं आहि०?, ता अट्टत्तरिं जोयणसहस्साइं तिण्णि य तेत्तीसे जोयणसते जोयणतिभागे य आयामेणं आहि०, तथा णं किंसंठिया अंधगारसंठिई आहि०?, उद्धीमुहकलंबुआपुप्फसंठिता तहेव जाव बाहिरिया चेव बाहा, तीसे णं सव्वभंतरिया बाहा मंदरपव्वयंतेणं छज्जोयणसहस्साइं तिण्णि य चउवीसे जोयणसते छच्च दसभागे जोयणस्स परिक्खेवेणं आहि०, ता से णं परिक्खेवविसेसे कतो आहि०?, ता जे णं मंदरस्स पव्वयस्स परिक्खेवे तं परिक्खेवं दोहिं गुणेत्ता सेसं तहेव, तीसे णं सव्वबाहिरिया बाहा लवणसमुद्धंतेणं तेवट्टिं जोयणसहस्साइं दोण्णि य पणयाले जोयणसते छच्च दसभागे जोयणस्स परिक्खेवेणं आहि०, ता से णं परिक्खेवविसेसे कतो आहि०?, ता जे णं जंबुद्दीवस्स परिक्खेवे तं परिक्खेवं दोहिं गुणित्ता दसहिं छित्ता दसहिं भागे हीरमाणे एस णं परिक्खेवविसेसे आहि०, ता से णं अंधकारे केवतियं आयामेणं आहि०?, ता अट्टत्तरिं जोयणसहस्साइं तिण्णि य तेत्तीसे जोयणसते जोयणतिभागं च आयामेणं आहि०, तता णं उत्तमकट्टपत्ते अट्टारसमुहुत्ते दिवसे भवइ जहण्णिया दुवालसमुहुत्ता राई भवइ, ता जया णं सूरिए सव्वबाहिरं मंडलं उवसंकमित्ता चारं चरति तता णं किंसंठिता तावक्खेत्तसंठिती आहि०?, ता उद्धीमुहकलंबुआपुप्फसंठिता तावक्खेत्तसंठिती आहि०, एवं जं अब्भितरमंडले अंधकारसंठितीए पमाणं तं बाहिरमंडले तावक्खेत्तसंठितीए जं तहिं तावक्खेत्तसंठितीए तं बाहिरमंडले अंधकारसंठितीए भाणियव्वं, जाव तता णं उत्तमकट्टपत्ता उक्कोसिया अट्टारसमुहुत्ता राई भवति जहण्णए दुवालसमुहुत्ते दिवसे भवति, ता जंबुद्दीवे०सूरिया केवतियं खेत्तं उड्ढं तवंति केवतियं खेत्तं अहे तवंति केवतियं खेत्तं तिरियं तवंति ?, ता जंबुद्दीवे णं दीवे मूरिया एगं जोयणसतं उड्ढं तवंति अट्टारस जोयणसताइं अथे तवंति सीतालीसं जोयणसहस्साइं दुत्ति य तेवट्टे जोयणसते एकवीसं च सट्टिभागे जोयणस्स तिरियं तवंति । २५ ॥ चउत्थं पाहुडं ४ ॥ ता कंसि णं सूरियस्स लेस्सा पडिहताति वदेज्जा ?, तत्थ खलु इमाओ वीसं पडिवत्तीओ पं०, तत्थेगे एव०-ता मंदरंसि णं पव्वतंसि सूरियस्स लेस्सा पडिहता आहि० एगे एव०, एगे पुण०-ता मेहंसि णं पव्वतंसि सूरियस्स लेस्सा पडिहता आहि० एगे एव०, एवं एतेणं अभिलावेणं भाणियव्वं, ता मणोरमंसि णं पव्वयंसि ता सुदंसणंसि णं पव्वयंसि ता सयंपभंसि णं पव्वतंसि ता गिरिरायंसि णं पव्वतंसि ता रतणुच्चयंसि णं पव्वतंसि ता सिलुच्चयंसि णं पव्वयंसि ता लोअमज्झंसि णं पव्वतंसि ता लोयणाभिसि णं पव्वतंसि ता अच्छंसि णं पव्वतंसि ता मूरियावत्तंसि णं पव्वतंसि ता सूरियावरणंसि णं पव्वतंसि ता उत्तमंसि णं पव्वयंसि ता दिसादिम्मि णं पव्वतंसि ता अबत्तंसि णं पव्वतंसि ता धरणिखीलंसि णं पव्वयंसि ता धरणिसिगंसि णं पव्वयंसि ता पव्वतिंदंसि णं पव्वतंसि ता पव्वयरायंसि णं पव्वयंसि सूरियस्स लेसा पडिहता आहि० एगे एव०, वयं पुण एवं वदामो-जंसि णं पव्वयंसि सूरियस्स लेसा पडिहता से मंदरेवि पव्वच्चति मेरूवि पव्वच्चइ जाव पव्वयरायावि पव्वच्चति, ता जे णं पुग्गला सूरियस्स लेसं फुसंति ते णं पुग्गला सूरियस्स लेसं पडिहणंति, अदिट्टावि णं पोग्गला सूरियस्स लेसं पडिहणंति, चरिमलेसंतरगतावि णं पोग्गला सूरियस्स लेसं पडिहणंति । २६ ॥ पंचमं पाहुडं ५ ॥ ता कंहं ते ओयसंठिती आहि०?, तत्थ खलु इमाओ पणवीसं पडिवत्तीओ पं०, तत्थेगे एव०-ता अणुसमयमेव मूरियस्स ओया अण्णा उप्पज्जति अण्णा अवेति एगे एव०, एगे पुण०-ता अणुमुहुत्तमेव मूरियस्स ओया अण्णा उप्पज्जति अण्णा अवेति, एतेणं अभिलावेणं णेतथा, ता अणुराइंदियमेव ता अणुपक्खमेव ता अणुमासमेव ता अणुउडुमेव ता अणुअयणमेव ता अणुसंवच्छरमेव ता अणुजुगमेव ता अणुवाससयमेव ता अणुवाससहस्समेव ता अणुवाससयसहस्समेव ता अणुपुव्वमेव ता अणुपुव्वसयमेव ता अणुपुव्वसहस्समेव ता अणुपुव्वसतसहस्समेव ता अणुपलितोवममेव ता अणुपलितोवमसतमेव ता अणुपलितोवमसहस्समेव ता अणुपलितोवमसयसहस्समेव ता अणुसागरोवममेव ता अणुसागरोवमसतमेव ता अणु-

सागरोवमसहस्समेव ता अणुसागरोवमसयसहस्समेव एगे एव०, ता अणुउस्सप्पिणीओसप्पिणिमेव सूरियस्स ओया अण्णा उप्पज्जति अण्णा अवेति एगे एव०, वयं पुण एवं वदामो-ता तीसं २ मुहुत्ते सूरियस्स ओया अवट्टिता भवति, तेण परं सूरियस्स ओया अणवट्टिता भवति, छम्मासे सूरिए ओयं णिवुड्ढेति छम्मासे सूरिए ओयं अभिवड्ढेति, णिक्खममाणे सूरिए देसं णिवुड्ढेति पविसमाणे सूरिए देसं अभिवड्ढेड्ढे, तत्थ को हेतू आहि०?, ता अयण्णं जंबुद्वीवे सव्वद्वीवसमुद्द जाव परिकखेबेणं, ता जया णं सूरिए सव्वब्भंतरं मंडलं उवसंकमित्ता चारं चरति तता णं उत्तमकट्टपत्ते उक्कोसए अट्टारसमुहुत्ते दिवसे भवति जहण्णिया दुवालसमुहुत्ता राई भवति, से णिक्खममाणे सूरिए णवं संवच्छरं अयमाणे पढमंसि अहोरत्तंसि अब्भितराणंतरं मंडलं उवसंकमित्ता चारं चरति, ता जया णं सूरिए अब्भितराणंतरं मंडलं उवसंकमित्ता चारं चरति तता णं एगेणं राइंदिएणं एगं भागं ओयाए दिवसखेत्तस्स णिवुड्ढेत्ता रयणिक्खेत्तस्स अभिवड्ढेत्ता चारं चरति मंडलं अट्टारसहिं तीसेहिं सतेहिं छित्ता, तता णं अट्टारसमुहुत्ते दिवसे भवति दोहिं एगट्टिभागमुहुत्तेहिं ऊणे दुवालसमुहुत्ता राई भवति दोहिं एगट्टिभागमुहुत्तेहिं अहिया, से णिक्खममाणे सूरिए दोच्चंसि अहोरत्तंसि अब्भितरं तच्चं मंडलं उवसंकमित्ता चारं चरति, ता जया णं सूरिए अब्भितरं तच्चं मंडलं उवसंकमित्ता चारं चरति तता णं दोहिं राइंदिएहिं दो भागे ओयाए दिवसखेत्तस्स णिवुड्ढेत्ता रयणिक्खेत्तस्स अभिवड्ढेत्ता चारं चरति मंडलं अट्टारसतीसेहिं सएहिं छेत्ता, तता णं अट्टारसमुहुत्ते दिवसे भवति चउहिं एगट्टिभागमुहुत्तेहिं ऊणे दुवालसमुहुत्ता राई भवति चउहिं एगट्टिभागमुहुत्तेहिं अहिया, एवं खलु एतेणुवाएणं निक्खममाणे सूरिए तयाणंतराओ तदाणंतरं मंडलातो मंडलं संकममाणे २ एगमेगे मंडले एगमेगेणं राइंदिएणं एगमेगं भागं ओयाए दिवसखेत्तस्स णिवुड्ढेमाणे २ रयणिक्खेत्तस्स अभिवड्ढेमाणे २ सव्वबाहिरं मंडलं उवसंकमित्ता चारं चरति, ता जया णं सूरिए सव्वब्भंतरातो मंडलातो सव्वबाहिरं मंडलं उवसंकमित्ता चारं चरति तता णं सव्वब्भंतरं मंडलं पणिधाय एगेणं तेसीतेणं राइंदियसतेणं एगं तेसीतं भागसतं ओयाए दिवसखेत्तस्स णिवुड्ढेत्ता रयणिक्खेत्तस्स अभिवड्ढेत्ता चारं चरति मंडलं अट्टारसहिं तीसेहिं सएहिं छेत्ता, तता णं उत्तमकट्टपत्ता उक्को० अट्टारसमुहुत्ता राई भवति जहण्णए दुवालसमुहुत्ते दिवसे भवति, एस णं पढमे छम्मासे एस णं पढमस्स छम्मासस्स पज्जवसाणे, से पविसमाणे सूरिए दोच्चं छम्मासं अयमाणे पढमंसि अहोरत्तंसि बाहिराणंतरं मंडलं उवसंकमित्ता चारं चरति, ता जया णं सूरिए बाहिराणंतरं मंडलं उवसंकमित्ता चारं चरति तता णं एगेणं राइंदिएणं एगं भागं ओयाए रतणिक्खेत्तस्स णिवुड्ढेत्ता दिवसखेत्तस्स अभिवड्ढेत्ता चारं चरति मंडलं अट्टारसहिं तीसेहिं सएहिं छेत्ता, तता णं अट्टारसमुहुत्ता राई भवति दोहिं एगट्टिभागमुहुत्तेहिं ऊणा दुवालसमुहुत्ते दिवसे भवति दोहिं एगट्टिभागमुहुत्तेहिं अधिए, से पविसमाणे सूरिए दोच्चंसि अहोरत्तंसि बाहिरं तच्चं मंडलं उवसंकमित्ता चारं चरति, ता जया णं सूरिए बाहिरं तच्चं मंडलं उवसंकमित्ता चारं चरति तता णं दोहिं राइंदिएहिं दो भागे ओयाए रयणिक्खेत्तस्स णिवुड्ढेत्ता दिवसखेत्तस्स अभिवड्ढेत्ता चारं चरति मंडलं अट्टारसहिं तीसेहिं सएहिं छेत्ता, तया णं अट्टारसमुहुत्ता राई भवति चउहिं एगट्टिभागमुहुत्तेहिं ऊणा दुवालसमुहुत्ते दिवसे भवति चउहिं एगट्टिभागमुहुत्तेहिं अधिए, एवं खलु एतेणुवाएणं पविसमाणे सूरिए तयाणंतरातो तदाणंतरं मंडलातो मंडलं संकममाणे २ एगमेगे मंडले एगमेगेणं राइंदिएणं एगमेगं भागं ओयाए रयणिक्खेत्तस्स णिवुड्ढेमाणे २ दिवसखेत्तस्स अभिवड्ढेमाणे २ सव्वब्भंतरं मंडलं उवसंकमित्ता चारं चरति, ता जया णं सूरिए सव्वबाहिरातो मंडलातो सव्वब्भंतरं मंडलं उवसंकमित्ता चारं चरति तता णं सव्वबाहिरं मंडलं पणिधाय एगेणं तेसीतेणं राइंदियसएणं एगं तेसीतं भागसतं ओयाए रयणिक्खेत्तस्स णिवुड्ढेत्ता दिवसखेत्तस्स अभिवड्ढेत्ता चारं चरति मंडलं अट्टारसतीसेहिं सएहिं छेत्ता, तता णं उत्तमकट्टपत्ते उक्को० अट्टारसमुहुत्ते दिवसे भवति जहण्णिया दुवालसमुहुत्ता राई भवति, एस णं दोच्चं छम्मासे एस णं दोच्चस्स छम्मासस्स पज्जवसाणे एस णं आदिच्चे संवच्छरे एस णं आदिच्चस्स संवच्छरस्स पज्जवसाणे । २७ ॥ छट्टं पाहुडं ६ ॥ ता के ते सूरियं वरंति आहि०?, तत्थ खलु इमाओ वीसं पडिवत्तीओ पं०, तत्थेगे एव०-ता मंदरे णं पव्वते सूरियं वरयति आहि०, एगे पुण०-ता मेरू णं पव्वते सूरियं वरति आहि०, एवं एएणं अभिलावेणं णेतव्वं जाव पव्वतराये णं पव्वते सूरियं वरयति आहि० एगे एव०, वयं पुण एवं वदामो-ता मंदरेवि पवुच्चति तहेव जाव पव्वतराएवि पवुच्चति, ता जे णं पोग्गला सूरियस्स लेसं फुसंति ते पोग्गला सूरियं वरयंति, अदिट्टावि णं पोग्गला सूरियं वरयंति, चरमलेसंतरगतावि णं पोग्गला सूरियं वरयति । २८ ॥ सत्तमं पाहुडं ७ ॥ ता कहं ते उदयसंठिती आहि०?, तत्थ खलु इमाओ तिण्णि पडिवत्तीओ पं०, तत्थेगे एव०-ता जया णं जंबुद्वीवे दाहिणड्ढे अट्टारसमुहुत्ते दिवसे भवति तता णं उत्तरड्ढेवि अट्टारसमुहुत्ते दिवसे भवति, जया णं उत्तरड्ढे अट्टारसमुहुत्ते दिवसे भवति तया णं दाहिणड्ढेवि अट्टारसमुहुत्ते दिवसे भवति, जदा जंबुद्वीवे दाहिणड्ढे सत्तरसमुहुत्ते दिवसे भवति तया णं उत्तरड्ढे सत्तरसमुहुत्ते दिवसे भवति, जया णं उत्तरड्ढे सत्तरसमुहुत्ते दिवसे भवति तदा णं दाहिणड्ढेवि सत्तरसमुहुत्ते दिवसे भवति, एवं परिहावेतव्वं, सोलसमुहुत्ते पण्णरस० चउद० तेरस० दिवसे जाव ता जया णं जंबुद्वीवे० दाहिणड्ढे बारसमुहुत्ते दिवसे भवति तया णं उत्तरड्ढेवि बारसमुहुत्ते दिवसे भवति, जता णं उत्तरड्ढे बारसमुहुत्ते दिवसे भवति, तता णं दाहिणड्ढेवि बारसमुहुत्ते दिवसे भवति, एवं परिहावेतव्वं, सोलसमुहुत्ताणंतरे० पण्णरसमुहुत्ताणंतरे० चोइसमुहुत्ताणंतरे० तेरसमुहुत्ताणंतरे०, जया णं जंबुद्वीवे दाहिणड्ढे बारसमुहुत्ताणंतरे दिवसे भवति तदा णं उत्तरड्ढेवि बारसमुहुत्ताणंतरे दिवसे भवति, जता णं उत्तरड्ढे बारसमुहुत्ताणंतरे दिवसे भवति तदा णं जंबुद्वीवे मंदरस्स पव्वयस्स पुरत्थिमपच्चत्थिमेणं णो सदा पण्णरसमुहुत्ते दिवसे भवति णो सदा पण्णरसमुहुत्ता राई भवति, अणवट्टिता णं तत्थ राइंदिया समणाउसो ! एगे एव०, एगे पुण०-ता जया णं जंबुद्वीवे दाहिणड्ढे अट्टारसमुहुत्ते दिवसे भवति तदा णं उत्तरड्ढे दुवालसमुहुत्ता राई भवति जया णं उत्तरड्ढे अट्टारसमुहुत्ते दिवसे

८२२ चंद्रप्रज्ञप्तिः, पाहुडं-८

मुनि दीपरत्तसागर

भवति तदा णं दाहिणद्धे चारसमुहुत्ता राई भवइ, जया णं दाहिणद्धे अट्टारसमुहुत्ताणंतरे दिवसे भवति तदा णं उत्तरद्धे चारसमुहुत्ता राई भवइ, जता णं उत्तरद्धे अट्टारसमुहुत्ताणंतरे दिवसे भवति तदा णं दाहिणद्धे चारसमुहुत्ता राई भवति. एवं सत्तरसमुहुत्ते दिवसे सत्तरसमुहुत्ताणंतरे० सोलसमुहुत्ते सोलसमुहुत्ताणंतरे पण्णरसमुहुत्ते पन्नरसमुहुत्ताणंतरे चोदसमुहुत्ते चोदसमुहुत्ताणंतरे तेरसमुहुत्ते तेरसमुहुत्ताणंतरे चारसमुहुत्ते, ता जता णं जंबुदीवे दाहिणद्धे चारसमुहुत्ताणंतरे दिवसे भवति तदा णं उत्तरद्धे दुवालसमुहुत्ता राई भवति, जया णं उत्तरद्धे दुवालसमुहुत्ताणंतरे दिवसे भवति तदा णं दाहिणद्धे दुवालसमुहुत्ता राई भवति, तता णं जंबुदीवे मन्दरस्स पन्नयस्स पुरत्थिमपच्चत्थिमेणं णेवत्थि पण्णरसमुहुत्ते दिवसे भवति णेवत्थि पण्णरसमुहुत्ता राई भवति, वोच्छिण्णा णं तत्थ राईदिया पं० समणाउसो ! एगे एव०, वयं पुण एवं वदामो- ता जंबुदीवे सूरिया उदीणपाईणमुग्गच्छ पाईणदाहिणमागच्छंति पाईणदाहिणमुग्गच्छ दाहिणपडीणमागच्छंति दाहिणपडीणमुग्गच्छ पडीणउदीणमागच्छन्ति पडीणउदीणमुग्गच्छ उदीणपाईणमागच्छन्ति, ता जता णं जंबुदीवे दाहिणद्धे दिवसे भवति तदा णं उत्तरद्धे दिवसे भवति, जदा णं उत्तरद्धे दिवसे भवति तदा णं जंबुदीवे मंदरस्स पन्नयस्स पुरच्छिमपच्चच्छिमेणं राई भवति, ता जया णं जंबुदीवे मंदरस्स पन्नयस्स पुरत्थिमेणं दिवसे भवति तदा णं पच्चच्छिमेणवि दिवसे भवति, जया णं पच्चत्थिमेणं दिवसे भवति तदा णं जंबुदीवे मंदरस्स पन्नयस्स उत्तरदाहिणेणं राई भवति, ता जया णं दाहिणद्धेवि उक्कोसए अट्टारसमुहुत्ते दिवसे भवति तथा णं उत्तरद्धे उक्कोसए अट्टारसमुहुत्ते दिवसे भवति, जदा उत्तरद्धे० तदा णं जंबुदीवे मंदरस्स पन्नयस्स पुरत्थिमेणं जहणिया दुवालसमुहुत्ता राई भवति, ता जया णं जंबुदीवे मन्दरस्स पन्नयस्स पुरच्छिमेणं उक्कोसए अट्टारसमुहुत्ते दिवसे भवति तता णं पच्चत्थिमेणवि उक्कोसए अट्टारसमुहुत्ते दिवसे भवति, जता णं पच्चत्थिमेणं उक्कोसए अट्टारसमुहुत्ते दिवसे भवति तता णं जंबुदीवे मंदरस्स पन्नयस्स उत्तरदाहिणेणं जहणिया दुवालसमुहुत्ता राई भवति, एवं एएणं गमेणं णेतन्नं, अट्टारसमुहुत्ताणंतरे दिवसे सातिरेगदुवालसमुहुत्ता राई भवति, सत्तरसमुहुत्ते दिवसे तेरसमुहुत्ता राई, सत्तरसमुहुत्ताणंतरे दिवसे भवति सातिरेगतेरसमुहुत्ता राई भवति सोलसमुहुत्ते दिवसे चोदसमुहुत्ता राई भवति सोलसमुहुत्ताणंतरे दिवसे सातिरेगचोदसमुहुत्ता राई भवति, पण्णरसमुहुत्ते दिवसे पण्णरसमुहुत्ता राई पण्णरसमुहुत्ताणंतरे दिवसे सातिरेगपण्णरसमुहुत्ता राई भवइ चउदसमुहुत्ते दिवसे सोलसमुहुत्ता राई चोदसमुहुत्ताणंतरे दिवसे सातिरेगसोलसमुहुत्ता राई तेरसमुहुत्ते दिवसे सत्तरसमुहुत्ता राई तेरसमुहुत्ताणंतरे दिवसे सातिरेगसत्तरसमुहुत्ता राई जहणए दुवालसमुहुत्ते दिवसे भवति उक्कोसिया अट्टारसमुहुत्ता राई, तता णं उत्तरद्धे जहणए दुवालसमुहुत्ते दिवसे भवति, जता णं उत्तरद्धे जह० दुवालस० दिवसे तता णं जंबुदीवे मंदरस्स पुरच्छिमपच्चच्छिमेणं उक्कोसिया अट्टारस० राती भवति, ता जया णं जंबुदीवे मंदरस्स पुरच्छिमेणं जह० दुवालस० दिवसे भवति तता णं पच्चच्छिमेणं जह० दुवालस० दिवसे भवति, जता णं पच्चच्छिमेणं जह० दुवालस० दिवसे तता णं जंबुदीवे दीवे मंदरस्स उत्तरदाहिणेणं उक्कोसिया अट्टारस० राती भवति, ता जया णं जंबुदीवे दाहिणद्धे वासाणं पढमे समए पडिवज्जति तता णं उत्तरद्धेवि वासाणं पढमे समए पडिवज्जति, जता णं उत्तरद्धे वासाणं पढमे समए पडिवज्जति तता णं जंबुदीवे मंदरस्स पन्नयस्स पुरच्छिमपच्चत्थिमेणं अणंतरपुरक्खडकालसमयंसि वासाणं पढमे समए पडिवज्जइ, ता जया णं जंबुदीवे मंदरस्स पन्नयस्स पुरच्छिमेणं वासाणं पढमे समए पडिवज्जइ तता णं पच्चत्थिमेणवि वासाणं पढमे समए पडिवज्जइ, जया णं पच्चत्थिमेणं वासाणं पढमे समए पडिवज्जइ तता णं जंबुदीवे मंदरस्स उत्तरदाहिणेणं अणंतरपच्छाकयकालसमयंसि वासाणं पढमे समए पडिवण्णे भवति, जहा समओ एवं आवलिया आणापाणू थोवे लवे मुहुत्ते अहोरत्ते पक्खे मासे उऊ, एवं दस आलावगा वासाणं भाणियन्ना, ता जया णं जंबुदीवे० दाहिणद्धे हेमंताणं पढमे समए पडिवज्जति तता णं उत्तरद्धेवि हेमंताणं पढमे समए पडिवज्जति, एतस्सवि वासस्स आलावगा जाव उऊओ, ता जया णं जंबुदीवे दाहिणद्धे गिम्हाणं पढमे समए पडिवज्जति तता णं उत्तरद्धे एतस्सवि वासागमो भाणियन्नो जाव उऊओ, ता जता णं जंबुदीवे दाहिणद्धे पढमे अयणे पडिवज्जति तदा णं उत्तरद्धेवि पढमे अयणे पडिवज्जइ, जता णं उत्तरद्धे पढमे अयणे पडिवज्जति तदा णं दाहिणद्धेवि पढमे अयणे पडिवज्जइ, जता णं उत्तरद्धे पढमे अयणे पडिवज्जति तता णं जंबुदीवे मंदरस्स पन्नयस्स पुरत्थिमपच्चत्थिमेणं अणंतरपुरक्खडकालसमयंसि पढमे अयणे पडिवज्जति, ता जया णं जंबुदीवे मन्दरस्स पन्नयस्स पुरत्थिमेणं पढमे अयणे पडिवज्जति तता णं पच्चत्थिमेणवि पढमे अयणे पडिवज्जइ, जया णं पच्चत्थिमेणं पढमे अयणे पडिवज्जइ तदा णं जंबुदीवे मंदरस्स पन्नयस्स उत्तरदाहिणेणं अणंतरपच्छाकडकालसमयंसि पढमे अयणे पडिवण्णे भवति, एवं संवच्छरे जुगे वाससते, एवं वाससहस्से वाससयसहस्से पुव्वंगे पुव्वे एवं जाव सीसपहेलिया पलितोवमे सागरोवमे, ता जया णं जंबुदीवे दाहिणद्धे ओसप्पिणी पडिवज्जति तता णं उत्तरद्धेवि ओसप्पिणी पडिवज्जति, जता णं उत्तरद्धे ओसप्पिणी पडिवज्जति तता णं जंबुदीवे मंदरस्स पन्नयस्स पुरत्थिमपच्चत्थिमेणं णेवत्थि ओसप्पिणी णेव अत्थि उस्सप्पिणी. अत्रट्टिने णं तत्थ काले पं० समणाउसो !, एवं उस्सप्पिणीवि, ता जया णं लवणे समुद्दे दाहिणद्धे दिवसे भवति तता णं लवणसमुद्दे उत्तरद्धे दिवसे भवति, जता णं उत्तरद्धे दिवसे भवति तता णं लवणसमुद्दे पुरच्छिमपच्चत्थिमेणं राई भवति. जहा जंबुदीवे तहेव जाव उस्सप्पिणी, तथा धायइसंडे णं दीवे सूरिया उदीण० तहेव, ता जता णं धायइसंडे दीवे दाहिणद्धे दिवसे भवति तता णं उत्तरद्धेवि दिवसे भवति, जता णं उत्तरद्धे दिवसे भवति तता णं धायइसंडे दीवे मंदराणं पन्नयताणं पुरत्थिमपच्चत्थिमेणं राई भवति, एवं जंबुदीवे जहा तहेव जाव उस्सप्पिणी, कालोए णं जहा लवणे समुद्दे तहेव, ता अम्भंतरपुक्खरद्धे णं सूरिया उदीणपाईणमुग्गच्छ तहेव ता जया णं अम्भंतरपुक्खरद्धे णं दाहिणद्धे दिवसे भवति तदा णं उत्तरद्धेवि दिवसे भवति, जता णं उत्तरद्धे दिवसे भवति तता णं अम्भंतरपुक्खरद्धे मंदराणं पन्नयताणं पुरत्थिमपच्चत्थिमेणं राई भवति सेसं जहा जंबुदीवे तहेव जाव ओसप्पिणीउस्सप्पिणीओ। २९॥

तीति एस णं से समिते तावक्खेत्ते एगे एव०, एगे पुण०-ता जे णं पोग्गला सूरियस्स लेसं फुसंति ते णं पोग्गला अत्थेगतिया संतप्पंति अत्थेगतिया णो संतप्पंति. तत्थ अत्थेगइआ संतप्पमाणा नदणंनराइं वाहिराइ पोग्गलाइं अत्थेगतियाइं संतावेति अत्थेगतियाइं णो संतावेति एस णं से समिते तावक्खेत्ते एगे एव०, वयं पुण एवं वदामो-ता जाओ इमाओ चंदिमसूरियाणं देवाणं विमाणेहिंतो लेसाओ बहिया उच्चूढा अभिणिसइआओ पतावन्ति एतासिं णं लेसाणं अंतरेसु अण्णतरीओ छिण्णलेसाओ संमुच्छंति, तते णं ताओ छिण्णलेसाओ संमुच्छयाओ समाणीओ तदणंतराइं वाहिराइं पोग्गलाइं संतावेतीति एस णं से समिते तावक्खेत्ते । ३० । ता कनिकट्टं ते सूरिए पोरिसीच्छायं णिबत्तेति आहि०?, तत्थ खलु इमाओ पणवीसं पडिवत्तीओ पं०, तत्थेगे एव०-ता अणुसमयमेव सूरिए पोरिसिच्छायं णिबत्तेइ आहि० एगे एव०, एगे पुण०-ता अणुमुहुत्तमेव सूरिए पोरिसिच्छायं णिबत्तेति आहि०. एतेण अभिलावेणं णेतव्वं, ता जाओ चेव ओयसंठितीए पणवीसं पडिवत्तीओ ताओ चेव णेतवाओ जाव अणुउस्सप्पिणीमेव सूरिए पोरिसीए छांयं णिबत्तेति आहि० एगे०. वयं पुण एवं वदामो-ता सूरियस्स णं उच्चत्तं व लेसं च पडुच्च छाउदेसे उच्चत्तं च छांयं च पडुच्च लेसुदेसे लेसं च छांयं च पडुच्च उच्चत्तोदेसे, तत्थ खलु इमाओ दुवे पडिवत्तीओ पं०, तत्थेगे एवमाहंसु-ता अत्थि णं से दिवसे जंसि णं दिवसंसि सूरिए चउपोरिसीच्छायं निबत्तेइ. अत्थि णं से दिवसे जंसि णं दिवसंसि सूरिए दुपोरिसीच्छायं णिबत्तेति एगे एव०, एगे पुण०-ता अत्थि णं से दिवसे जंसि णं दिवसंसि सूरिए दुपोरिसीच्छायं णिबत्तेति अत्थि णं से दिवसे जंसि णं दिवसंसि सूरिए नो किंचि पोरिसिच्छायं णिबत्तेति, तत्थ जे ते एव० ता अत्थि णं से दिवसे जंसि णं दिवसंसि सूरिए चउपोरिसियं छांयं णिबत्तेति अत्थि णं से दिवसे जंसि णं दिवसंसि सूरिए दोपोरिसियं छांयं निबत्तेइ ते एव०-ता जता णं सूरिए सब्बभंतरं मंडलं उव-संकमित्ता चारं चरति तता णं उत्तमकट्टपत्ते उक्कोसए अट्टारसमुहुत्ते दिवसे भवति जहणिया दुवालसमुहुत्ता राई भवति, तंसिं च णं दिवसंसि सूरिए चउपोरिसीयं छांयं निबत्तेति, ता उग्गमणमुहुत्तंसि य अत्थमणमुहुत्तंसि य लेसं अभिवड्ढेमाणे नो चेव णं निबुड्ढेमाणे, ता जता णं सूरिए सब्बबाहिरं मंडलं उवसंकमित्ता चारं चरति तता णं उत्तमकट्टपत्ता उक्कोसिया अट्टारसमुहुत्ता राई भवति जहणिए दुवालसमुहुत्ते दिवसे भवति, तंसिं च णं दिवसंसि सूरिए दुपोरिसियं छांयं निबत्तेइ, तं०-उग्गमणमुहुत्तंसि य अत्थमणमुहुत्तंसि य लेसं अभिवड्ढेमाणे नो चेव णं निबुड्ढेमाणे, तत्थ णं जे ते एव०-ता अत्थि णं से दिवसे जंसि णं दिवसंसि सूरिए दुपोरिसियं छांयं णिबत्तेइ अत्थि णं से दिवसे जंसि णं दिवसंसि सूरिए णो किंचि पोरिसियं छांयं णिबत्तेति ते एव०-ता जता णं सूरिए सब्बभंतरं मंडलं उवसंकमित्ता चारं चरति तता णं उत्तमकट्टपत्ते उक्कोसए अट्टारसमुहुत्ते दिवसे भवति जहणिया दुवाल-समुहुत्ता राई भवति तंसिं च णं दिवसंसि सूरिए दुपोरिसियं छांयं णिबत्तेति, तं०-उग्गमणमुहुत्तंसि य अत्थमणमुहुत्तंसि य लेसं अभिवड्ढेमाणे णो चेव णं निबुड्ढेमाणे, ता जया णं सूरिए सब्बबाहिरं मंडलं उवसंकमित्ता चारं चरति तता णं उत्तमकट्टपत्ता उक्कोसिया अट्टारसमुहुत्ता राई भवति जहणिए दुवालसमुहुत्ते दिवसे भवति तंसिं च णं दिवसंसि सूरिए णो किंचि पोरिसीछायं णिबत्तेति, तं०-उग्गमणमुहुत्तंसि य अत्थमणमुहुत्तंसि य. नो चेव णं लेसं अभिवड्ढेमाणे वा निबुड्ढेमाणे वा, ता कइकट्टं ते सूरिए पोरिसीच्छायं निबत्तेइ आहि०?, तत्थ इमाओ छण्णउई पडिवत्तीओ पं०, तत्थेगे एव०-अत्थि णं से देसे जंसि णं देसंसि सूरिए एगपोरिसीछायं निबत्तेइ एगे एव०, एगे पुण०-ता अत्थि णं से देसे जंसि देसंसि सूरिए दुपोरिसियं छांयं णिबत्तेति, एवं एतेणं अभिलावेणं णेतव्वं, जाव छण्णउतिपोरिसियं छांयं णिबत्तेति, तत्थ जे ते एव०-ता अत्थि णं से देसे जंसि णं देसंसि सूरिए एगपो-रिसियं छांयं णिबत्तेति ते एव०-ता सूरियस्स णं सब्बहेट्टिमातो सूरप्पडिहितो बहिया अभिणिसइआहिं लेसाहिं ताडिज्जमाणीहिं इमीसे रयणप्पभाए पुढवीए बहुसमरमणिजाओ भूमिभागाओ जावनियं सूरिए उड्ढंउच्चत्तेणं एव-तियाए एगाए अद्दाए छायाणुमाणप्पमाणेणं उमाए तत्थ से सूरिए एगपोरिसीयं छांयं णिबत्तेति, तत्थ जे ते एव०-ता अत्थि णं से देसे जंसि णं देसंसि सूरिए दुपोरिसिच्छायं णिबत्तेति ते एव०-ता सूरियस्स णं सब्बहेट्टिमातो सूरियपडिधीतो बहिया अभिणिसइआहिं लेसाहिं ताडिज्जमाणीहिं इमीसे रयणप्पभाए पुढवीए बहुसमरमणिजातो भूमिभागातो जावनियं सूरिए उड्ढंउच्चत्तेणं एवतियाहिं दोहिं अद्दाहिं दोहिं छायाणुमाणप्पमाणेहिं उमाए एत्थ णं से सूरिए दुपोरिसियं छांयं णिबत्तेति, एवं एकेक्काए पडिवत्तीए भाणितव्वं जाव छण्णउतिमा पडिवत्ती एगे०, वयं पुण एवं वदामो-सातिरेगअउणट्टिपोरिसीणं सूरिए पोरिसीछायं णिबत्तेति, अवद्वपोरिसी णं छाया दिवसस्स किं गते वा सेसे वा?, ता तिभागे गते वा सेसे वा, ता पोरिसीणं छाया दिवसस्स किं गते वा सेसे वा?, ता चउच्चागे गते वा सेसे वा, ता दिवद्वपोरिसीणं छाया दिवसस्स किं गते वा सेसे वा?, ता पंचमभागे गते वा सेसे वा, एवं अद्व-पोरिसिं छोढुं पुच्छा दिवसस्स भागं छोढुं वाकरणं जाव ता अद्वअउणासट्टिपोरिसीछाया दिवसस्स किं गते वा सेसे वा?, ता एगुणवीससतभागे गते वा सेसे वा, ता अउणसट्टिपोरिसीणं छाया दिवसस्स किं गते वा सेसे वा?, वीससय-भागे गते वा सेसे वा, ता सातिरेगअउणसट्टिपोरिसीणं छाया दिवसस्स किं गते वा सेसे वा?, णत्थि किंचि गते वा सेसे वा, तत्थ खलु इमा पणवीसनिविट्टा छाया पं० तं०-खंभच्छाया रज्जु० पागार० पासाय० उत्तर० उच्चत्त० अणु-लोम० पडिलोम० आरुभिता उवहिता समा पडिहता खीलच्छाया पक्खच्छाया पुरतोउदग्गा पिट्टओउदग्गा पुरिमकंठभागोवगता पच्छिमकंठभाओवगता छायाणुवादिणी किट्टाणुवादिणीछाया छायाछाया छायाविकप्पो वेहास-च्छाया सगड० (कडच्छाया) गोलच्छाया, तत्थ णं गोलच्छाया अट्टविहा पं० तं०-गोलच्छाया अवद्वगोलच्छाया गोलगोल० अवद्वगोलगोल० गोलावलि० अवद्वगोलावलि० गोपुंज० अवद्वगोलपुंज० । ३१ । णवमं पाहुडं ९॥ ता जोगेति वत्थुस्स आवलियाणिवाते आहि०, तां कहं ते जोगेति वत्थुस्स आवलियाणिवाते आहि०?, तत्थ खलु इमाओ पंच पडिवत्तीओ पं०, तत्थेगे एव०-ता सब्बेवि णं णक्खत्ता कत्तियादिया भरणिपज्जवसाणा एगे एव० एगे पुण०-ता सब्बेवि णं णक्खत्ता महादीया अस्सेसापज्जवसाणा पं० एगे एव०, एगे पुण०-ता सब्बेवि णं णक्खत्ता धणिट्टादीया सवणपज्जवसाणा पं० एगे एव०, एगे पुण०-ता सब्बेवि णं णक्खत्ता अस्सिणीआदीया रेवतिपज्जवसा-णा पं० एगे एव०, एगे पुण०-सब्बेवि णं णक्खत्ता भरणीआदिया अस्सिणीपज्जवसाणा एगे एव०, वयं पुण एवं वदामो-सब्बेवि णं णक्खत्ता अभिइआदीया उत्तरासाटापज्जवसाणा पं० तं०-अभिइ सवणो धणिट्टा सतभिसया पुव्वभ-इवता उत्तरभइवया रेवती अस्सिणी भरणी कत्तिया रोहिणी मिगसिरं अद्दा पुणवसू पुस्सो असिलेसा महा पुव्वा फग्गुणी उत्तरा फग्गुणी हत्थो चित्ता साती विसाहा अनुराहा जेट्टा मूत्तो पुव्वासाटा उत्तरासाटा । ३२ ॥ १०-१ ॥ (२०६)

ता कहां ते मुहुत्तगो आहि०?, ता एतेसिं णं अट्टावीसाए णक्खत्ताणं अत्थि णक्खत्ते जे णं णव मुहुत्ते सत्तावीसं च सत्तट्टिभागे मुहुत्तस्स चंदेणं सद्धिं जोयं जोएति, अत्थि णक्खत्ता जे णं पण्णरसमुहुत्ते चंदेणं सद्धिं जोयं जोएति, अत्थि णक्खत्ता जे णं तीसं०, अत्थि णक्खत्ता जे णं पणतालीसं मुहुत्ते चंदेणं सद्धिं जोयं जोएति, ता एएसिं णं अट्टावीसाए नक्खत्ताणं कयरे नक्खत्ते जे णं नव मुहुत्ते सत्तावीसं च सत्तट्टिभाए मुहुत्तरस चंदेणं सद्धिं जोएन्ति? कयरे नक्खत्ता जे णं पण्णरसमुहुत्ते० कतरे नक्खत्ता जे णं तीसं मुहुत्ते चंदेणं० कतरे नक्खत्ता जे णं पणयालीसं मुहुत्ते०?, ता एएसिं णं अट्टावीसाए णक्खत्ताणं तत्थ जे से णक्खत्ते जे णं णव मुहुत्ते सत्तावीसं च सत्तट्टिभागे मुहुत्तस्स चंदेणं० से णं एगे अभीयी, तत्थ जे ते णक्खत्ता जे णं पण्णरस मुहुत्ते चंदेणं० ते णं छ, तं०-सतभिसया भरणी अहा अस्सेसा साती जेट्टा, तत्थ जे ते णक्खत्ता जे णं तीसं मुहुत्ते चंदेणं० ते पण्णरस, तं०-सवणे धणिट्टा पुष्पा भइवता रेवती अस्सिणी कत्तिया मग्गसिरं पुस्सो महा पुष्पा फग्गुणी हत्थो चित्ता अणुराहा मूलो पुष्पासाढा, तत्थ जे ते णक्खत्ता जे णं पणतालीसं मुहुत्ते चंदेणं सद्धिं जोगं जोएति ते णं छ, तं०-उत्तरा भइवता रोहिणी पुण्णवसू उत्तरा फग्गुणी विसाहा उत्तरासाढा । ३३ । ता एतेसिं णं अट्टावीसाए णक्खत्ताणं अत्थि णक्खत्ते जे णं चत्तारि अहोरत्ते छच्च मुहुत्ते सूरणे सद्धिं जोयं जोएति, अत्थि णक्खत्ता जे णं छ अहोरत्ते एक्कवीसं च मुहुत्ते सूरणे० अत्थि णक्खत्ता जे णं तेरस अहोरत्ते बारस य मुहुत्ते सूरणे० अत्थि णक्खत्ता जे णं वीसं अहोरत्ते तिण्णि य मुहुत्ते०, ता एतेसिं णं अट्टावीसाए णक्खत्ताणं कतरे णक्खत्ते जे णं चत्तारि अहोरत्ते छच्च मुहुत्ते सूरणे० कतरे णक्खत्ते जे णं छ अहोरत्ते एक्कवीसं मुहुत्ते सूरणे० कतरे णक्खत्ता जे णं तेरस अहोरत्ते बारस य मुहुत्ते सूरणे० कतरे णक्खत्ता जे णं वीसं अहोरत्ते तिण्णि य मुहुत्ते सूरणे०?, एतेसिं णं अट्टावीसाए णक्खत्ताणं तत्थ जे से णक्खत्ते जे णं चत्तारि अहोरत्ते छच्च मुहुत्ते सूरणे० से णं एगे अभीयी, एवं उच्चारेयद्वाइं जाव तत्थ जे ते णक्खत्ता जे णं वीसं अहोरत्ते तिण्णि य मुहुत्ते सूरणे सद्धिं जोयं जोएति ते णं छ, तं०-उत्तरा भइवता जाव उत्तरासाढा । ३४ ॥ १०-२ ॥ ता कहां ते एवंभागा आहि०?, ता एतेसिं णं अट्टावीसाए णक्खत्ताणं अत्थि णक्खत्ता पुष्पभागा समखेत्ता तीसतिमुहुत्ता पं०, अत्थि णक्खत्ता पच्छंभागा समखेत्ता तीसमुहुत्ता पं०, अत्थि णक्खत्ता णत्तंभागा अवइढखेत्ता पण्णरसमुहुत्ता पं०, अत्थि णक्खत्ता उभयंभागा दिवइढखेत्ता पणतालीसंमुहुत्ता पं०, ता एएसिं णं अट्टावीसाए णक्खत्ताणं कतरे णक्खत्ता पुष्पभागा समखेत्ता तीसतिमुहुत्ता पं० कतरे णक्खत्ता पच्छंभागा समखेत्ता तीसमुहुत्ता पं० कतरे णक्खत्ता णत्तंभागा अवइढखेत्ता पण्णरसमुहुत्ता पं० कतरे नक्खत्ता उभयंभागा दिवइढखेत्ता पणतालीसंमुहुत्ता पं०?, ता एतेसिं णं अट्टावीसाए णक्खत्ताणं तत्थ जे ते णक्खत्ता पुष्पभागा समखेत्ता तीसतिमुहुत्ता पं० ते णं छ, तं०-पुष्पा पोट्टवता कत्तिया मघा पुष्पा फग्गुणी मूलो पुष्पासाढा, तत्थ जे ते णक्खत्ता पच्छंभागा समखेत्ता तीसतिमुहुत्ता पं० ते णं दस, तं०-अभिई सवणो धणिट्टा रेवती अस्सिणी मिगसिरं पूसो हत्थो चित्ता अणुराधा, तत्थ जे ते णक्खत्ता णत्तंभागा अवइढखेत्ता पण्णरसमुहुत्ता पं० ते णं छ, तं०-सयभिसया भरणी अहा अस्सेसा साती जेट्टा, तत्थ जे ते णक्खत्ता उभयंभागा दिवइढखेत्ता पणतालीसंमुहुत्ता पं० ते णं छ, तं०-उत्तरा पोट्टवता रोहिणी पुण्णवसू उत्तरा फग्गुणी विसाहा उत्तरासाढा । ३५ ॥ १०-३ ॥ ता कहां ते जोगस्स आदी आहि०?, ता अभियीसवणा खलु दुवे णक्खत्ता पच्छंभागा समखेत्ता सातिरेगकुतालीसंमुहुत्ता तप्पढमयाए सायं चंदेणं सद्धिं जोयं जोएति, ततो पच्छा अवरं सातिरेयं दिवसं, एवं खलु अभिईसवणा दुवे णक्खत्ता एगराई एगं च सातिरेगं दिवसं चंदेणं सद्धिं जोगं जोएति ता जोयं अणुपरियट्टंति ता सायं चंदं धणिट्टाणं समप्पंति, ता धणिट्टा खलु णक्खत्ते पच्छंभागे समखेत्ते तीसतिमुहुत्ते तप्पढमयाए सायं चंदेणं सद्धिं जोगं जोएति ता जोयं० ता ततो पच्छा राई अवरं च दिवसं, एवं खलु धणिट्टाणक्खत्ते एगं च राई एगं च दिवसं चंदेणं सद्धिं जोयं जोएति ता जोयं अणुपरियट्टंति ता सायं चंदं सतभिसयाणं समप्पेति, ता सयभिसया खलु णक्खत्ते णत्तंभागे अवइढखेत्ते पण्णरसमुहुत्ते तप्पढमयाए सायं चंदेणं सद्धिं जोयं जोएति णो लभति अवरं दिवसं, एवं खलु सयभिसया णक्खत्ते एगं राई चंदेणं सद्धिं जोयं जोएति ता जोयं अणुपरियट्टंति ता ता चंदं पुष्पाणं पोट्टवताणं समप्पेति, ता पुष्पा पोट्टवता खलु नक्खत्ते पुष्पभागे समखेत्ते तीसतिमुहुत्ते तप्पढमयाए पातो चंदेणं सद्धिं जोयं जोएति ततो पच्छा अवरराई, एवं खलु पुष्पा पोट्टवता णक्खत्ते पुष्पभागे समखेत्ते तीसतिमुहुत्ते एगं च दिवसं एगं च राई चंदेणं सद्धिं जोयं जोएति ता जोयं अणुपरियट्टंति ता पातो चंदं उत्तरापोट्टवताणं समप्पेति, ता उत्तरापोट्टवता खलु नक्खत्ते उभयंभागे दिवइढखेत्ते पणतालीसंमुहुत्ते तप्पढमयाए पातो चंदेणं सद्धिं जोयं जोएति अवरं च रातिं ततो पच्छा अवरं दिवसं, एवं खलु उत्तरापोट्टवताणक्खत्ते एगं दिवसं एगं च राई अवरं च दिवसं चंदेणं सद्धिं जोयं जोएति ता जोयं अणुपरियट्टंति ता सायं चंदं रेवतीणं समप्पेति, ता रेवती खलु णक्खत्ते पच्छंभागे सम० जहा धणिट्टा जाव सागं चंदं अस्सिणीणं समप्पेति, ता अस्सिणी खलु णक्खत्ते पच्छंभागे समखेत्ते तीसतिमुहुत्ते तप्पढमयाए सागं चंदेणं सद्धिं जोयं जोएति, ततो पच्छा अवरं दिवसं, एवं खलु अस्सिणीणक्खत्ते एगं च राई एगं च दिवसं चंदेणं सद्धिं जोयं जोएति ता जोगं अणुपरियट्टंति ता सागं चंदं भरणीणं समप्पेति, ता भरणी खलु णक्खत्ते णत्तंभागे अवइढखेत्ते जहा सतभिसया जाव पादो चंदं कत्तियाणं समप्पेति, एवं जहा सयभिसया तहा नत्तंभागा नेयद्वा, एवं जहा पुष्पभइवता तहेव पुष्पभागा छप्पि णेयद्वा, जहा धणिट्टा तहा पच्छंभागा अट्ट णेयद्वा जाव एवं खलु उत्तरासाढा दो दिवसे एगं च रातिं चंदेणं सद्धिं जोगं जोएति ता जोगं अणुपरियट्टंति ता सायं चंदं अभितिसमणाणं समप्पेति । ३६ ॥ १०-४ ॥ ता कहां ते कुला आहि०?, तत्थ खलु इमे बारस कुला बारस उवकुला चत्तारि कुलोवकुला पं०, बारस कुला तं०-धणिट्टाकुलं उत्तराभइवता० अस्सिणी० कत्तिया० मग्गसिरं० पुस्सो० महा० उत्तराफग्गुणी० चित्ता० विसाहा० मूलो० उत्तरासाढाकुलं, बारस उवकुला तं०-सवणो उवकुलं पुष्पपोट्टवता० रेवती० भरणी० रोहिणी० पुण्णवसू० अस्सेसा० पुष्पाफग्गुणी० हत्थो० साती० जेट्टा० पुष्पा साढा०, चत्तारि कुलोवकुला तं०-अभीयीकुलोवकुलं सतभिसया० अहा० अणुराधाकुलोवकुलं । ३७ ॥ १०-५ ॥ ता कहां ते पुण्णिमासिणी आहि०?, तत्थ खलु इमाओ बारस पुण्णिमासिणीओ बारस अमावासाओ पं० साविट्टी पोट्टवती आसोई कत्तिया मग्गसिरी पोसी माही फग्गुणी चेत्ती विसाही जेट्टामूली आसाढी, ता साविट्टिणं पुण्णिमासिं कति णक्खत्ता जोएति?, ता तिण्णि णक्खत्ता जोइंति, तं०-अभिई सवणो धणिट्टा, ता पुट्टवतीणं पुण्णिमं

कति णक्खत्ता जोएति?, ता तिन्नि नक्खत्ता जोयति, तं० सतभिसया पुत्रापुट्टवता उत्तरापुट्टवता, ता आसोदिण्णं कति णक्खत्ता जोएति?, ता दोण्णि णक्खत्ता जोएति, तं० रेवती य अस्सिणी य, कत्तियण्णं पुण्णिमं पुच्छा, ता दोण्णि णक्खत्ता जोएति तं० भरणी कत्तिया य, एएणं अभिलावेणं मगसिरं० दोण्णि तं० रोहिणी मगसिरो य, पोसिण्णं तिन्नि तं० अदा पुणव्वसू पुस्सो, माहिण्णं दोण्णि तं० अस्सेसा महा य, फग्गुणीण्णं दोण्णि तं० पुव्वाफग्गुणी उत्तराफग्गुणी य, चित्तिण्णं दोण्णि तं० हत्थो चित्ता य, ता विसाहिण्णं दोण्णि साती विसाहा य, जेट्टामूलिण्णं तिण्णि अणुराहा जेट्टा मूलो, आसादिण्णं दोन्नि पुव्वासाढा उत्तरासाढा । ३८ । ता साविट्ठिण्णं पुण्णमासिणिं किं कुलं जोएति उवकुलं जो० कुलोवकुलं जोएति?, ता कुलं वा० उवकुलं वा० कुलोवकुलं वा जोएति, कुलं जोएमाणे धणिट्टाणक्खत्ते० उवकुलं जोएमाणे सवणे णक्खत्ते० कुलोवकुलं जोएमाणे अभिईणक्खत्ते जोएति, साविट्ठि पुण्णिमं कुलं वा० उवकुलं वा० कुलोवकुलं वा जोएति, कुलेण वा उवकुलेण वा कुलोवकुलेण वा जुत्ता साविट्ठी पुण्णिमा जुत्ताति वत्तव्वं सिया, ता पोट्टवतिण्णं पुण्णिमं किं कुलं०? तहेव पुच्छा, ता कुलं वा० उवकुलं वा० कुलोवकुलं वा जोएति, कुलं जोएमाणे उत्तरा पोट्टवया णक्खत्ते जोएति उवकुलं जोएमाणे पुत्रा पुट्टवता णक्खत्ते जोएति कुलोवकुलं जोएमाणे सतभिसया णक्खत्ते जोएति, ता पोट्टवतिं कुलं वा उवकुलं वा कुलोवकुलं वा जोएति तं चेव जाव पुट्टवती पुण्णिमा जुत्ताति वत्तव्वं सिया, ता आसोइं णं पुण्णमासिणिं किं कुलं पुच्छा, णो लभति कुलोवकुलं, कुलं जोएमाणे अस्सिणीणक्खत्ते जोएति उवकुलं जोएमाणे रेवतीणक्खत्ते जोएति, आसोइं णं पुण्णिमं च कुलं वा उवकुलं वा जोएति, कुलेण वा जुत्ता उवकुलेण वा जुत्ता अस्सोइं पुण्णिमा जुत्ताति वत्तव्वं सिया, एवं एएणं अभिलावेणं णेतव्वाउ पोसं पुण्णिमं जेट्टामूलिं पुण्णिमं च कुलोवकुलाइं भाणियव्वाइं सेसासु णत्थि कुलोवकुलं, जाव आसाढीपुन्नमासिणी जुत्ताति वत्तव्वं सिया, दुव्वाल्स अमावासाओ सावट्ठी जाव आसाढी, ता साविट्ठिं णं अमावासं कति णक्खत्ता जोएति?, दुन्नि नक्खत्ता जोएति, तं० अस्सेसा य महा य, एवं एतेणं अभिलावेणं णेतव्वं, पोट्टवती दोन्नि तं० पुव्वा फग्गुणी उत्तरा फग्गुणी, अस्सोइं दोन्नि हत्थो चित्ता य, कत्तिइं दोन्नि साती विसाहा य, मगसिरं तिन्नि अणुराधा जेट्टा मूलो, पोसिं दोन्नि पुव्वासाढा उत्तरासाढा, माहिं तिन्नि अभीयी सवणे धणिट्टा, फग्गुणी तिण्णि सतभिसया पुव्वापोट्टवता उत्तरापोट्टवता, चेत्तिं तिन्नि उत्तरा भद्वता रेवती अस्सिणी विसाहिं दोण्णि भरणी कत्तिया य जेट्टामूलिं रोहिणी मगसिरं च, ता आसाढिं णं अमावासं कति णक्खत्ता जोएति?, ता तिण्णि तं० अदा पुणव्वसू पुस्सो, ता साविट्ठिं णं अमावासं किं कुलं पुच्छा?, कुलं वा० उवकुलं वा० नो लब्भइ कुलोवकुलं, कुलं जोएमाणे महाणक्खत्ते जोएति उवकुलं जोएमाणे असिलेसा जोएइ, कुलेण वा जुत्ता उवकुलेण वा जुत्ता साविट्ठी अमावासा जुत्ताति वत्तव्वं सिया, एवं मगसिरीए माहीए फग्गुणीए आसाढीए य अमावासाए कुलोवकुलं भाणियव्वं, सेसाणं कुलोवकुलं नत्थि । ३९ ॥ १०-६ ॥ ता कहं ते सण्णिवाते आहि०?, ता जया णं साविट्ठी पुण्णिमा भवति तता णं माही अमावासा भवति जया णं माही पुण्णिमा भवति तता णं साविट्ठी अमावासा भवति, जता णं पुट्टवती पुण्णिमा भवति तता णं फग्गुणी अमावासा भवति जया णं फग्गुणी पुण्णिमा भवति तता णं पुट्टवती अमावासा भवति, एवं एएणं अभिलावेणं आसोइए चेत्तीए य कत्तीए वेसाहीए मगसिराए जेट्टामूलीए य, जता णं पोसी पुण्णिमा भवति तता णं आसाढी अमावासा भवति जता णं आसाढी पुण्णिमा भवति तता णं पोसी अमावासा भवति । ४० ॥ १०-७ ॥ ता कहं ते नक्खत्तसंठिती आहि०?, ता एएसिं णं अट्टावीसाए णक्खत्ताणं अभीयी गोसीसावलिसंठिते सवणे काहारसंठिते पं० धणिट्टा सउणिपलीणगसंठिते सयभिसया पुप्फोवयारसंठिते, एवं पुत्रापुट्टवता अवड्ढवाविसंठिते, एवं उत्तरावि, रेवतीणक्खत्ते णावासंठिते अस्सिणीणक्खत्ते आसक्खंधसंठिते भरणीणक्खत्ते भगसंठिए कत्तियाणक्खत्ते छुरघरसंठिते पं० रोहिणीणक्खत्ते सगडुड्ढिसंठिते मिगसिराणक्खत्ते मगसीसावलिसंठिते अदाणक्खत्ते रुधिरबिंदुसंठिए पुणव्वसू तुलासंठिए पुप्फे वद्धमाण० अस्सेसा पडागसंठिए महा पागारसंठिते पुत्राफग्गुणी अद्धपलियंकसंठिते, एवं उत्तरावि, हत्थे हत्थसंठिते चित्ता मुहफुहसंठिते साती खीलगसंठिते विसाहा दामणिसंठिते अणुराधा एगावलिसंठिते जेट्टा गयदंतसंठिते मूले विच्छुयलंगुलसंठिते पुत्रासाढा गयविक्रमसंठिते उत्तरासाढा सीहनिसाइयसंठिते । ४१ ॥ १०-८ ॥ ता कहं ते णक्खत्ताणं तारग्गे आहि०?, ता एतेसिं णं अट्टावीसाए णक्खत्ताणं अभीईणक्खत्ते तितारे पं०, सवणे णक्खत्ते? तितारे, धनिट्टा?, पणतारे, सतभिसया?, सततारे, पुव्वा पोट्टवता?, दुतारें, एवं उत्तरावि, रेवती०?, बत्तीसतितारे, अस्सिणी०?, तितारे, भरणी तितारे कत्तिया छतारे रोहिणी पंचतारे मिगसिरे तितारे अदा एगतारे पुणव्वसू पंचतारे पुस्से तितारे अस्सेसा छतारे महा सत्ततारे पुव्वा फग्गुणी दुतारे एवं उत्तरावि हत्थे पंचतारे चित्ता एकतारे साती एकतारे विसाहा पंचतारे अणुराहा चउतारे जेट्टा तितारे मूले एक्कारतारे पुव्वासाढा चउतारे उत्तरासाढाणक्खत्ते चउतारे पं० । ४२ ॥ १०-९ ॥ ता कहं ते नेता आहि०?, ता वासाणं पढमं मासं कति णक्खत्ता णंति?, ता चत्तारि णक्खत्ता णंति, तं० उत्तरासाढा अभिई सवणे धणिट्टा, उत्तरासाढा चोइस अहोरत्ते णेति, अभिई सत्त अहोरत्ते णेति, सवणे अट्ट अहोरत्ते णेति, धणिट्टा एगं अहोरत्तं नेइ, तंसिं णं मासंसि चउरंगुलपोरिसीए छायाए सूरिए अणुपरियट्टति, तस्स णं मासस्स चरिमे दिवसे दो पादाइं चत्तारि य अंगुलाणि पोरिसी भवति, ता वासाणं दोच्चं मासं कति णक्खत्ता णंति?, ता चत्तारि णक्खत्ता णंति, तं० धणिट्टा सतभिसया पुत्रपुट्टवता उत्तरपोट्टवया, एवं एएणं अभिलावेणं जहेव जंशुदीव पन्नत्तीए तहेव इत्थंपि भाणियव्वं जाव तंसिं च णं मासंसि वट्टाए समचउरंसंठिताए णग्गोधपरिमंडलाए सकायमणुरंगिणीए छायाए सूरिए अणुपरियट्टति, तस्स णं मासस्स चरिमे दिवसे लेहट्टाइं दो पादाइं पोरिसी भवति । ४३ ॥ १०-१० ॥ ता कहं ते चंदमग्गा आहि०?, ता एएसिं णं अट्टावीसाए णक्खत्ताणं अत्थि णक्खत्ता जे णं सता चंदस्स दाहिणेणं जोअं जोएति, अत्थि णक्खत्ता जे णं सता चंदस्स उत्तरेणं० अत्थि णक्खत्ता जे णं चंदस्स दाहिणेणवि उत्तरेणवि पमदंपि० अत्थि णक्खत्ता जे णं चंदस्स दाहिणेणवि पमदंपि० अत्थि णक्खत्ता जे णं चंदस्स सदा पमदं०, ता एएसिं णं अट्टावीसाए णक्खत्ताणं कतरे नक्खत्ता जे णं सता चंदस्स दाहिणेणं जोयं जोएति?, तहेव जाव कतरे नक्खत्ता जे णं सदा चंदस्स पमदं०?, ता एतेसिं णं अट्टावीसाए नक्खत्ताणं तत्थ जे णं नक्खत्ता सया चंदस्स दाहिणेणं० ते णं छ, तं० संठाणा अदा पुस्सो अस्सेसा हत्थो मूलो, तत्थ जे ते णक्खत्ता जे णं सदा चंदस्स

उत्तरेणं जोयं जोएति ते णं बारस, तं०-अभिई सवणो धणिट्ठा सतभिसया पुव्वभइवया उत्तरा पोट्टवता रेवती अस्सिणी भरणी पुट्टा फग्गुणी उत्तरा फग्गुणी साती, तत्थ जे ते णक्खत्ता जे णं चंदस्स दाहिणेणवि उत्तरेणवि पम-
हंपि० ते णं सत्त तं०-कत्तिया रोहिणी पुणब्रसू महा चित्ता विसाहा अणुराहा, तत्थ जे ते णक्खत्ता जे णं चंदस्स दाहिणेणवि पमहंपि० ताओ णं दो आसाढाओ सब्बाहिरे मंडले जोयं जोएंसु वा जोएति वा जोएस्संति वा, तत्थ
जे से णक्खत्ते जे णं सदा चंदस्स पमहं जोयं जोएति सा णं एगा जेट्ठा । ४४ । ता कति ते चंदमंडला पं०?, ता पण्णरस चंदमंडला पं०, ता एएसिं णं पण्णरसण्हं चंदमंडलाणं अत्थि चंदमंडला जे णं सया णक्खत्तेहिं अविर-
हिया अत्थि चंदमंडला जे णं सया णक्खत्तेहिं विरहिया अत्थि चंदमंडला जे णं रविससिणक्खत्ताणं सामण्णा भवंति अत्थि चंदमंडला जे णं सया आदिच्चेहिं विरहिया, ता एतेसिं णं पण्णरसण्हं चंदमंडलाणं कयरे चंदमंडला जे
णं सना णक्खत्तेहिं अविरहिया जाव कयरे चंदमंडला जे णं सदा आदिच्चविरहिता?, ता एतेसिं णं पण्णरसण्हं चंदमंडलाणं तत्थ जे ते चंदमंडला जे णं सदा णक्खत्तेहिं अविरहिता ते णं अट्ट, तं०-पढमे चंदमंडले ततिए० छट्टे०
सत्तमे० अट्टमे० दसमे० एक्कादसे० पण्णरसमे चंदमंडले, तत्थ जे ते चंदमंडला जे णं सदा णक्खत्तेहिं विरहिया ते णं सत्त, तं०-बितिए० चउत्थे० पंचमे० नवमे० बारसमे० तेरसमे० चउदसमे चंदमंडले, तत्थ जे ते चंदमंडला
जे णं ससिरविनक्खत्ताणं सामण्णा भवंति ते णं चत्तारि, तं०-पढमे० बीए० इक्कारसमे० पन्नरसमे चंदमंडले, तत्थ जे ते चंदमंडला जे णं सदा आदिच्चविरहिता ते णं पंच, तं०-छट्टे० सत्तमे० अट्टमे० नवमे० दसमे चंदमंडले
। ४५ । १०-११ ॥ ता कहं ते देवताणं अज्झयणा आहि०?, ता एएसिं णं अट्टावीसाए णक्खत्ताणं अभिई णक्खत्ते किंदेवताए पं०?, बंभदेवयाए पं०, सवणे विण्हुदेवयाए, एवं जहा जंबुद्वीपन्नतीए जाव उत्तरासाढा विस्स-
देवयाए पं० । ४६ । १०-१२ ॥ ता कहं ते मुहुत्ताणं नामधेज्जा आहि०?, ता एगमेगस्स णं अहोरत्तस्स तीसं मुहुत्ता पं० तं०-रोदे सेते मित्ते वायु सुपीए तहेव अभिचंदे । माहिंद बलव बंभो बहुसच्चे १० चेव ईसाणे ॥ २० ॥ तट्टे
य भावियप्पा वेसमणे वारुणे य आणंदे । विजए य वीससेणे पयावई चेव उवसमे य २० ॥ २१ ॥ गंधव्व अग्गिवेसे सयरिसहे आयवं च अममे य । अणवं च भोम रिसहे सब्बट्टे रक्खसे चेव ३० ॥ २२ ॥ ४७ ॥ १०-१३ ॥ ता कहं
ते दिवसा आहि०?, ता एगमेगस्स णं पक्खस्स पन्नरस २ दिवसा पं० तं०-पडिवादिवसे बित्तियादिवसे जाव पण्णरसीदिवसे, ता एतेसिं णं पण्णरसण्हं दिवसाणं पन्नरस नामधेज्जा पं० तं०-पुव्वगे सिद्धमणोरमे य तत्तो मणोहरो चेव ।
जसभदे य जसोधर सब्बकामसमिद्धेति य ॥ २३ ॥ इंद मुद्धाभिसित्ते य सोमणस धणंजए य बोद्धब्रे । अत्थसिद्धे अभिजाते अच्चसणे य सतंजए ॥ २४ ॥ अग्गिवेसे उवसमे दिवसाणं नामधेज्जाइं । ता कहं ते रातीओ आहि०?, ता
एगमेगस्स णं पक्खस्स पण्णरस राईओ पं० तं०-पडिवा राई जाव पण्णरसी राई, ता एतासिं णं पण्णरसण्हं राईणं पण्णरस नामधेज्जा पं० तं०-उत्तमा य सुणक्खत्ता, एलावच्चा जसोधरा । सोमणसा चेव तथा, सिरिसंभूता य बोद्धवा
॥ २५ ॥ विजया य विजयंती जयंति अपराजिया य मच्छा य । समाहारा चेव तथा तेया य तथा य अतितेया ॥ २६ ॥ देवाणंदा निरती रयणीणं णामधेज्जाइं । ४८ । १०-१४ ॥ ता कहं ते तिही आहि०?, तत्थ खलु इमा दुविहा
निही पं० तं०-दिवसतिही राईतिही य, ता कहं ते दिवसतिही आहि०?, ता एगमेगस्स णं पक्खस्स पण्णरस २ दिवसतिही पं०, तं०-णंदे भदे जए तुच्छे पुण्णे पक्खस्स पंचमी पुणरवि णंदे भदे जए तुच्छे पुण्णे पक्खस्स दसमी
पुणरवि णंदे भदे जये तुच्छे पुण्णे पक्खस्स पण्णरसी, एवं ते तिगुणा तिहीओ सब्बेसिं दिवसाणं, कहं ते राईतिथी आहि०?, एगमेगस्स णं पक्खस्स पण्णरस रातितिथी पं० तं०-उग्गवती भोगवती जसवती सब्बट्टसिद्धा सुहणामा पुण-
रवि उग्गवती भोगवती जसवती सब्बट्टसिद्धा सुहणामा पुणरवि उग्गवती भोगवती जसवती सब्बट्टसिद्धा सुहणामा, एते तिगुणा तिहीओ सब्बासिं रातीणं । ४९ । १०-१५ ॥ ता कहं ते गोत्ता आहि०?, ता एतेसिं णं अट्टावीसाए
णक्खत्ताणं अभीइणक्खत्ते किंगोत्ते पं०?, ता मोग्गहायणसगोत्ते पं०, सवणे संखायणसगोत्ते, धणिट्ठाणक्खत्ते अग्गितावसगोत्ते पं०, सतभिसयाणक्खत्ते?, कण्णउ(नो)लोयणसगोत्ते पं०, पुव्वापोट्टवताणक्खत्ते जाउकणियस-
गोत्ते पं०, उत्तरपोट्टवताणक्खत्ते धणंजयसगोत्ते पं०, रेवतीणक्खत्ते?, पुस्सायणसगोत्ते पं०, अस्सिणीणक्खत्ते अस्सादणसगोत्ते पं०, भरणीणक्खत्ते भग्गवेसायणसगोत्ते पं०, कत्तियाणक्खत्ते अग्गिवेससगोत्ते पं०, रोहिणीणक्खत्ते
गोतमसगोत्ते पं०, संठाणाणक्खत्ते?, भारहायसगोत्ते पं०, अद्दाणक्खत्ते?, लोहिच्चायणसगोत्ते पं०, पुणब्रसुणक्खत्ते?, वासिट्टसगोत्ते पं०, पुस्से उमज्जायणसगोत्ते पं०, अस्सेसा०?, मंडवायणसगोत्ते पं०, महा०?, पिंगायणसगोत्ते
पं०, पुट्टा फग्गुणी०?, गोवहायणसगोत्ते पं०, उत्तरा फग्गुणी०?, कासवगोत्ते पं०, हत्थे०?, कोसियगोत्ते पं०, चित्ता० द्धिभयायणसगोत्ते पं०, साई०?, चामरलाभणगोत्ते पं०, विसाहा०?, सुंगायणसगोत्ते पं०, अणुराधा०?, गोल-
वायणसगोत्ते पं०, जेट्ठा०?, तिगिच्छायणसगोत्ते पं०, मूले०?, कच्चायणसगोत्ते पं०, पुट्टासाढा०?, वज्झियायणसगोत्ते पं०, उत्तरासाढाणक्खत्ते किंगोत्ते पं०?, वग्घावच्चसगोत्ते पं० । ५० ॥ १०-१६ ॥ ता कहं ते भोयणा आहि०?,
ता एएसिं णं अट्टावीसाए णक्खत्ताणं कत्तियाहिं दधिणा भोच्चा कज्जं साधंति, रोहिणीहिं वसभमंसेण भोच्चा कज्जं साधंति, संठाणाहिं मिगमंसेण अद्दाहिं णवणीतेण भोच्चा पुणब्रसुणा घतेण पुस्सेणं खीरेण अस्सेसाए दीवगमंसेण
महाहिं कसरिं पुट्टाहिं फग्गुणीहिं मेढकमंसेण उत्तराहिं फग्गुणीहिं णक्खीमंसेणं हत्थेणं वत्थाणीपण्णेणं चित्ताहिं मुग्गसूवेणं सादिणा फलाइं विसाहाहिं आसित्तियाओ अणुराहाहिं मिस्साकूरं जेट्ठाहिं ओलट्टिएणं मूलेणं मूलापण्णे-
(लसाए)णं पुट्टाहिं आसाढाहिं आम्लगसरीरेणं उत्तराहिं आसाढाहिं विलेविं अभीयिणा पुप्फेहिं सवणेणं खीरेणं धणिट्ठाहिं जूसेण सयभिसयाए तुवरीओ पुट्टाहिं पुट्टवयाहिं कारिल्लएहिं उत्तराहिं पुट्टवताहिं वराहमंसेणं रेवतीहिं जल-
यरमंसेण अस्सिणीहिं तित्तिरमंसेणं वट्टकमंसं वा भरणीहिं तिलतंदुलकं भोच्चा कज्जं साधंति । ५१ । १०-१७ ॥ ता कहं ते चा(वा)रा आहि०?, ता तत्थ खलु इमा दुविहा चारा पं० तं०-आदिच्चचारा य चन्दचारा य, ता कहं ते
चंदचारा आहि०?, ता पंचसंवच्छरिए णं जुगे अभीइणक्खत्ते सत्तसट्टिचारे चंदेण सद्धिं जोयं जोएति, सवणे णं णक्खत्ते सत्तट्टि चारे चंदेण सद्धिं जोयं जोएति, एवं जाव उत्तरासाढाणक्खत्ते सत्तट्टिचारे चंदेणं सद्धिं जोयं जोएति,
ता कहं ते आइच्चचारा आहि०?, ता पंचसंवच्छरिए णं जुगे अभीयीणक्खत्ते पंचचारे सूरें सद्धिं जोयं जोएति, एवं जाव उत्तरासाढाणक्खत्ते पंचचारे सूरें सद्धिं जोयं जोएति । ५२ । १०-१८ ॥ ता कहं ते मासा आहि०?, ता

एगमेगस्स णं संवच्छरस्स बारस मासा पं०, तेसिं च दुविहा नामधेज्जा पं० तं०-ओइया लोउत्तरिया य. तत्थ लोइया णामा सावणे भइवते आसोए जाव आसाढे. लोउत्तरिया णामा-अभिणंढे सुपइट्टे य. विजये पीतिवद्धणे । सेज्जंसे सिवे यावि, सिंसिरे य सहेमवं ॥ २७ ॥ नवमे वसंतमासे, दसमे कुसुमसंभवे । एकादसमे णिदाहो, वणविरोही य बारसे ॥ २८ ॥ ५३ । १०-१९ ॥ ता कति णं भंते ! संवच्छरा आहि०? ता पंच संवच्छरा आहि० तं०-णक्खत्तसंवच्छरे जुग० पमाण० लक्खण० सणिच्छरसंवच्छरे । ५४ । ता णक्खत्तसंवच्छरे णं दुवालसविहे पं० तं०-सावणे भइवए जाव आसाढे, जं वा बहस्सती महग्गहे दुवालसहिं संवच्छरोहिं सव्वं णक्खत्तमंडलं समाणेति । ५५ । ता जुगसंवच्छरे णं पंचविहे पं० तं०-चंदे चंदे अभिवड्ढिहए चंदे अभिवड्ढिहए चैव, ता पढमस्स णं चंदसंवच्छरस्स चउवीसं पद्दा पं०, दोच्चस्स णं चंदसंवच्छरस्स चउवीसं पद्दा पं०, तच्चस्स णं अभिवड्ढितसंवच्छरस्स लब्बीसं पद्दा पं०, चउत्थस्स णं चंदसंवच्छरस्स चउवीसं पद्दा पं०, पंचमस्स णं अभिवड्ढियसंवच्छरस्स लब्बीसं पद्दा पं०, एवामेव सपुव्वावरेणं पंचसंवच्छरिए जुगे एगे चउवीसे पव्वसने भवतीतिमक्खानं । ५६ । ता पमाणसंवच्छरे पंचविहे पं० तं०-नक्खत्ते चंदे उडू आइच्चे अभिवड्ढिहए । ५७ । ता लक्खणसंवच्छरे पंचविहे पं० तं०-नक्खत्ते चंदे उडू आइच्चे अभिवड्ढिहए, ता णक्खत्ते णं संवच्छरे णं पंचविहे पं० तं०-समगं णक्खत्ता जोयं जोएंति ? समगं उडू परिणमंति २ । नच्चुण्हं ३ नाइसीए ४ बहुउदए ५ होइ नक्खत्ते ॥ २९ ॥ ससिं समगं पुन्निमासिं जोइंता विसमचारिनक्खत्ता । कडुओ बहुउदवओ य तमाहु संवच्छरं चंदं ॥ ३० ॥ विसमं पवाल्लिणो परिणमंति अणुऊसु दिंति पुप्फफलं । वासं न सम्म वासइ तमाहु संवच्छरं कम्मं ॥ ३१ ॥ पुढविदगाणं च रसं पुप्फफलाणं च देइ आइच्चे । अप्पेणवि वासेणं संमं निप्फज्जए सस्सं ॥ ३२ ॥ आइच्चेतेयतविया खणलवदिवसा उऊ परिणमन्ति । पूरेति निण्णथलये तमाहु अभिवड्ढितं जाण ॥ ३३ ॥ ता सणिच्छरसंवच्छरे णं अट्टावीसतिविहे पं० तं०-अभीयी सवणे जाव उत्तरासाढा, जं वा सणिच्छरे महग्गहे तीसाए संवच्छरेहिं सव्वं णक्खत्तमंडलं समाणेति । ५८ ॥ १०-२० ॥ ता कहं ते जोतिसस्स दारा आहि०? तत्थ खलु इमाओ पंच पडिवत्तीओ पं०, तत्थेगे एव०-ता कत्तियादी णं सत्त नक्खत्ता पुव्वदारिया पं० ते णं एव० तं०-कत्तिया जाव असिलेसा, महादीया सत्त दाहिणदारिया पं० तं०-महा जाव विसाहा, अणुराधादीया सत्त अवरदारिया पं० तं०-अणुराधा जाव सवणो, धणिट्टादीया सत्त उत्तरदारिया पं० तं०-धणिट्टा जाव भरणी, तत्थ जे ते एव०-ता महादीया सत्त पुव्व० पं० ते एव० तं०-महा जाव विसाहा, अणुराधादीया सत्त दाहिण० पं० तं०-अणुराधा जाव सवणे, धणिट्टादीया सत्त अवर० पं० तं०-धणिट्टा जाव भरणी, कत्तियादीया सत्त उत्तर० पं० तं०-कत्तिया जाव अस्सेसा, तत्थ णं जे ते एव० ता धणिट्टादीया सत्त पुव्वदा० पं० ते एव० तं०-धणिट्टा जाव भरणी, कत्तियादीया सत्त दाहिण० पं० तं०-कत्तिया जाव अस्सेसा, महादीया सत्त अवर० पं० तं०-महा जाव विसाहा, अणुराधादीया सत्त उत्तर० पं० तं०-अणुराधा जाव सवणो, तत्थ जे ते एव०-ता अस्सिणीआदीया सत्त णक्खत्ता पुव्व० पं० ते एव० तं०-अस्सिणी जाव पुणव्वसू, पुस्सादीया सत्त दाहिण० पं० तं०-पुस्सो जाव चित्ता, सादीयादीया सत्त अवर० पं० तं०-साती जाव उत्तरासाढा, अभीयीआदीया सत्त उत्तर० पं० तं०-अभिई जाव रेवती, तत्थ जे ते एव० ता भरणि-आदीया सत्त पुव्व० पं० ते एव० तं०-भरणी जाव पुस्सो, अस्सेसादीया सत्त दाहिण० पं० तं०-अस्सेसा जाव साई, विसाहादीया सत्त अवर० पं० तं०-विसाहा जाव अभिई, सवणादीया सत्त उत्तर० पं० तं०-सवणो जाव अस्सिणी एगे एव०, वयं पुण एवं वदामो-ता अभिईयादीया सत्त पुव्व० पं० तं०-अभीयी जाव रेवती, अस्सिणीआदीया सत्त दाहिण० पं० तं०-अस्सिणी जाव पुणव्वसू, पुस्सादीया सत्त अवर० पं० तं०-पुस्सो जाव चित्ता, सातिआदीया सत्त णक्खत्ता उत्तरदारिया पं० तं०-साती जाव उत्तरासाढा । ५९ ॥ १०-२१ ॥ ता कहं ते णक्खत्तविजये आहि०?, ता अयण्णं जंबुदीवे जाव परिक्खेवेणं, ता जंबुदीवे णं दीवे दो चंदा पभासेंसु वा पभासेंति वा पभासिस्संति वा दो सूरिया तविसु वा तवेति वा तविस्संति वा छप्पण्णं णक्खत्ता जोयं जोएंसु वा० तं०-दो अभीयी दो सवणा जाव दो उत्तराओ आसाढाओ, ता एएसिं णं छप्पण्णाए नक्खत्ताणं अत्थि णक्खत्ता जे णं णव मुहुत्ते सत्तावीसं च सत्तट्टिभागे मुहुत्तस्स चंदेणं सद्धिं जोयं जोएंति, पण्णरसमुहुत्ते० तीसमुहुत्ते० पणयालीसं० जोयं जोएंति, ता एतेसिं णं छप्पण्णाए णक्खत्ताणं कतरे णक्खत्ते जे णं णव मुहुत्ते सत्तावीसं च सत्तट्टिभागे मुहुत्तस्स चंदेण जाव कतरे णक्खत्ता जे णं पणतालीसं मुहुत्ते चंदेण सद्धिं जोयं जोएंति?, ता एतेसिं णं छप्पण्णाए णक्खत्ताणं तत्थ जे ते णक्खत्ता जे णं णव मुहुत्ते सत्तावीसं च सत्तट्टिभागे मुहुत्तस्स चंदेण० ते णं दो अभीयी, तत्थ जे ते णक्खत्ता जे णं पण्णरस मुहुत्ते चंदेण० ते णं बारस, तं०-दो सतभिसया दो भरणी दो अद्दा दो अस्सेसा दो साती दो जेट्टा, तत्थ जे णं० तीसं मुहुत्ते चंदेण० ते णं तीसं, तं०-दो सवणा दो धणिट्टा दो पुव्वभइवता दो रेवती दो अस्सिणी दो कत्तिया दो संठाणा दो पुस्सा दो महा दो पुव्वाफग्गुणी दो हत्था दो चित्ता दो अणुराधा दो मूला दो पुव्वासाढा, तत्थ जे ते णक्खत्ता जे णं पणतालीसं मुहुत्ते० ते णं बारस, तं०-दो उत्तरापोट्टवता दो रोहिणी दो पुणव्वसू दो उत्तरा-फग्गुणी दो विसाहा दो उत्तरासाढा, ता एएसिं णं छप्पण्णाए णक्खत्ताणं अत्थि णक्खत्ते जे णं चत्तारि अहोरत्ते छच्च मुहुत्ते सूरिएण सद्धिं जोयं जोएंति, अत्थि णक्खत्ता जे णं छ अहोरत्ते एकवीसं च मुहुत्ते सूरेंण०, अत्थि णक्खत्ता जे णं तेरस अहोरत्ते बारस य मुहुत्ते सूरेंण०, अत्थि णक्खत्ता जे णं वीसं अहोरत्ते तिन्नि य मुहुत्ते सूरेंण०, एएसिं णं छप्पण्णाए णक्खत्ताणं कयरे णक्खत्ता जे णं तं चैव उच्चारयव्वं, ता एतेसिं णं छप्पण्णाए णक्खत्ताणं तत्थ जे ते णक्खत्ता जे णं चत्तारि अहोरत्ते छच्च मुहुत्ते सूरेंण० ते णं दो अभीयी, तहेव जाव तत्थ जे ते णक्खत्ता जे णं वीसं अहोरत्ते तिण्णि य मुहुत्ते सूरेंण जोयं जोएंति ते णं बारस तं०-दो उत्तरापोट्टवता जाव दो उत्तरासाढाओ । ६० । ता कहं ते सीमाविकखंभे आहि०?, ता एतेसिं णं छप्पण्णाए णक्खत्ताणं अत्थि णक्खत्ता जेसिं णं छ सया तीसा सत्तट्टिभागतीसतिभागणं सीमाविकखंभो, अत्थि णक्खत्ता जेसिं णं सहस्सं पंचोत्तरं सत्तट्टिभागतीसति-भागणं सीमाविकखंभो, अत्थि णक्खत्ता जेसिं णं दो सहस्सा दसुत्तरा सत्तट्टिभागतीसतिभागणं सीमाविकखंभो, अत्थि णक्खत्ता जेसिं णं तिन्नि सहस्सा पंचदसुत्तरं सत्तट्टिभागतीसतीभागणं सीमाविकखंभो, ता एतेसिं णं छप्प-णाए णक्खत्ताणं कतरे णक्खत्ता जेसिं णं छ सया तीसा तं चैव उच्चारयव्वं जाव तिसहस्सं पंचदसुत्तरं सत्तट्टिभागतीसइभागणं सीमाविकखंभो?, ता एतेसिं णं छप्पण्णाए णक्खत्ताणं तत्थ जे ते णक्खत्ता जेसिं णं छ सना तीसा सत्तट्टिभागतीसतिभागणं सीमाविकखंभो ते णं दो अभीयी, तत्थ जे ते णक्खत्ता जेसिं णं सहस्सं पंचोत्तरं सत्तट्टिभागतीसतिभागणं सीमाविकखंभो ते णं बारस, तं०-दो सतभिसया जाव दो जेट्टा, तत्थ जे ते णक्खत्ता (२०७)

जेसिं णं दो सहस्सा दसुत्तरा सत्तट्ठिभागतीसतिभागणं सीमाविक्खंभो ते णं तीसं, तं०-दो सवणा जाव दो पुत्राओ आसाढाओ, तत्थ जे ते णक्खत्ता जेसिं णं तिण्णि सहस्सा पण्णरसुत्तरा सत्तट्ठिभागतीसतिभागणं सीमावि-
क्खंभो ते णं बारस, तं०-दो उत्तरापोट्टवता जाव उत्तरासाढा । ६१ । एतेसिं णं छप्पण्णाए णक्खत्ताणं किं सता पादो चंदेण सद्धिं जोयं जोएति?, किं सया सायं चंदेण सद्धिं जोयं जोएति?, एतेसिं णं छप्पण्णाए णक्खत्ताणं किं
सया दुहा पविसिय २ चंदेणं०?, ता एएसिं णं छप्पण्णाए णक्खत्ताणं न किंपि तं जं सया पादो चंदेण० नो सया सागं चंदेण० नो सया दुहाओ पविसित्ता २ चंदेण सद्धिं जोयं जोएति, णण्णत्थ दोहिं अभीयीहिं, ता एते णं दो
अभीयी पायंचिय २ चोत्तालीसमं अमावासं जोएति, णो चेव णं पुण्णमासिणिं । ६२ । तत्थ खलु इमाओ बावट्ठिं पुण्णमासिणीओ बावट्ठिं अमावासाओ पं०, ता एएसिं णं पंचण्हं संवच्छराणं पढमं पुण्णमासिणिं चंदे कंसि देसंसि०?
ता जंसि णं देसंसि चंदे चरिमं बावट्ठिं पुण्णमासिणिं जोएति ताए पुण्णमासिणिट्ठाणातो मंडलं चउबीसेणं सतेणं छेत्ता दुबत्तीसं भागे उवातिणावेत्ता एत्थ णं से चंदे पढमं पुण्णमासिणिं जोएति, ता एएसिं णं पंचण्हं संवच्छराणं
दोच्चं पुण्णमासिणिं चंदे कंसि देसंसि जोएति?, ता जंसि णं देसंसि चंदे पढमं पुण्णमासिणिं जोएति ताते पुण्णमासिणिट्ठाणातो मंडलं चउबीसेणं सएणं छेत्ता दुबत्तीसं भागे उवाइणावेत्ता एत्थ णं से चंदे दोच्चं पुण्णमासिणिं जोएति,
ता एएसिं णं पंचण्हं संवच्छराणं तच्चं पुण पुच्छा, ता जंसि णं देसंसि चंदे दोच्चं पुण्णमासिणिं जोएति ताए पुण्णमासिणीठाणातो मंडलं चउबीसेणं सतेणं छेत्ता दुबत्तीसं भागे उवाइणावेत्ता एत्थ णं तच्चं चंदे पुण्णमासिणिं
जोएति, ता एतेसिं पंचण्हं संवच्छराणं दुवालसमं पुण्णमासिणिं चंदे कंसि देसंसि जोएति?, ता जंसि णं देसंसि चंदे तच्चं पुण्णमासिणिं जोएति ताते पुण्णमासिणिट्ठाणाते मंडलं चउबीसेणं सतेणं छेत्ता दोण्णि अट्ठासीते भागसते
उवायिणावेत्ता एत्थ णं से चंदे दुवालसमं पुण्णमासिणिं जोएति, एवं खलु एतेणुवाएणं ताते २ पुण्णमासिणिट्ठाणाते मंडलं चउबीसेणं सतेणं छेत्ता दुबत्तीसभागे उवातिणावेत्ता तंसि २ देसंसि तं तं पुण्णमासिणिं चंदे जोएति, ता
एतेसिं णं पंचण्हं संवच्छराणं चरिमं बावट्ठिं पुण्णमासिणिं चंदे कंसि देसंसि जोएति?, ता जंबुद्दीवस्स णं पाईणपडीणायताए उदीणदाहिणायताए जीवाए मंडलं चउबीसेणं सतेणं छेत्ता दाहिणिहंसि चउभागमंडलंसि सत्तावीसं
भागे उवायणावेत्ता अट्ठावीसतिभागं वीसहा छेत्ता अट्ठारसभागे उवातिणावेत्ता तिहिं भागेहिं दोहि य कलाहिं पच्चत्थिमिहं चउभागमंडलं असंपत्ते एत्थ णं चंदे चरिमं बावट्ठिं पुण्णमासिणिं जोएति । ६३ । ता एएसिं णं पंचण्हं
संवच्छराणं पढमं पुण्णमासिणिं सूरं कंसि देसंसि जोएति?, ता जंसि णं देसंसि सूरं चरिमं बावट्ठिं पुण्णमासिणिं जोएति ताते पुण्णमासिणिट्ठाणातो मंडलं चउबीसेणं सतेणं छेत्ता चउणवतिं भागे उवातिणावेत्ता एत्थ णं से सूरिए
पढमं पुण्णमासिणिं जोएइ, ता एएसिं णं पंचण्हं संवच्छराणं दोच्चं पुण पुच्छा, ता जंसि णं देसंसि सूरं पढमं पुण्णमासिणिं जोएइ ताए पुण्णमासिणीठाणाओ मंडलं चउबीसेणं सएणं छेत्ता चउणवइभागे उवाइणावेत्ता एत्थ णं से
सूरं दोच्चं पुण्णमासिणिं जोएइ, एवं तच्चंपि नवरं दोच्चाओ एत्थ णं से सूरं तच्चं पुण्णमासिणिं जोएति, ता एतेसिं णं पंचण्हं संवच्छराणं दुवालसं पुण्णमासिणिं० पुच्छा, जंसि णं देसंसि तच्चं पुण्णमासिणिं जोएति ताते पुण्णमा-
सिणिट्ठाणाते० अद्धत्ताले भागसते उवाइणावेत्ता एत्थ णं से सूरं दुवालसमं पुण्णमासिणिं जोएति, एवं खलु एतेणुवाएणं ताते २ पुण्णमासिणिट्ठाणाते मंडलं चउबीसेणं सतेणं छेत्ता चउणउतिं २ भागे उवातिणावेत्ता तंसि २ णं
देसंसि तं तं पुण्णमासिणिं सूरं जोएति, ता एतेसिं णं पंचण्हं संवच्छराणं चरिमं बावट्ठिं पुच्छा, ता जंबुद्दीवस्स णं पाईणपडीणायताए उदीणदाहिणायताए जीवाए मंडलं चउबीसेणं सएणं छेत्ता पुरच्छिमिहंसि चउभागमंडलंसि
सत्तावीसं भागे उवातिणावेत्ता अट्ठावीसतिभागं वीसधा छेत्ता अट्ठारसभागे उवादिणावेत्ता तिहिं भागेहिं दोहि य कलाहिं दाहिणिहं चउभागमंडलं असंपत्ते एत्थ णं सूरं चरिमं बावट्ठिं पुण्णमासिणिं जोएति । ६४ । ता एएसिं णं
पंचण्हं संवच्छराणं पढमं अमावासं चंदे कंसि देसंसि जोएति?, ता जंसि णं देसंसि चंदे चरिमं बावट्ठिं अमावासं जोएति ताते अमावासट्ठाणाते मंडलं चउबीसेणं सतेणं छेत्ता दुबत्तीसं भागे उवादिणावेत्ता एत्थ णं से चंदे पढमं
अमावासं जोएति, एवं जेणेव अभिलावेणं चंदस्स पुण्णमासिणीओ भणियाओ तेणेव अभिलावेणं अमावासाओ भणित्वाओ बिइया ततिया दुवालसमी, एवं खलु एतेणुवाएणं ताते २ अमावासट्ठाणाते मंडलं चउबीसेणं सतेणं
छेत्ता दुबत्तीसं २ भागे उवादिणावेत्ता तंसि २ देसंसि तं तं अमावासं चंदेण जोएति, ता एतेसिं णं पंचण्हं संवच्छराणं चरिमं बावट्ठिं अमावासं पुच्छा?, ता जंसि णं देसंसि चंदे चरिमं बावट्ठिं पुण्णमासिणिं जोएति ताते पुण्णमा-
सिणिट्ठाणाए मंडलं चउबीसेणं सतेणं छेत्ता सोलसभागं ओसक्कइत्ता एत्थ णं से चंदे चरिमं बावट्ठिं अमावासं जोएति । ६५ । ता एतेसिं णं पंचण्हं संवच्छराणं पढमं अमावासं सूरं कंसि देसंसि जोएति?, ता जंसि णं देसंसि सूरं
चरिमं बावट्ठिं अमावासं जोएति ताते अमावासट्ठाणाते मंडलं चउबीसेणं सतेणं छेत्ता चउणउतिभागे उवायिणावेत्ता एत्थ णं से सूरं पढमं अमावासं जोएति, एवं जेणेव अभिलावेणं सूरियस्स पुण्णमासिणीओ तेणेव अमावासा-
ओवि, तं०-बिदिया तइया दुवालसमी, एवं खलु एतेणुवाएणं ताते २ अमावासट्ठाणाते मंडलं चउबीसेणं सतेणं छेत्ता चउणउतिं २ भागे उवायिणावेत्ता तंसि २ देसंसि तं तं अमावासं सूरिए जोएति, ता एतेसिं णं पंचण्हं २ संव-
च्छराणं चरिमं बावट्ठिं अमावासं पुच्छा, ता जंसि णं देसंसि सूरं चरिमं बावट्ठिं पुण्णमासिणिं जोएति ताते पुण्णमासिणिट्ठाणाते मंडलं चउबीसेणं सतेणं छेत्ता सत्तालीसं भागे उसक्कावइत्ता एत्थ णं से सूरं चरिमं बावट्ठिं अमावासं
जोएति । ६६ । ता एएसिं णं पंचण्हं संवच्छराणं पढमं पुण्णमासिणिं चंदे केणं णक्खत्तेणं जोएति?, ता धणिट्ठाहिं, धणिट्ठाणं तिण्णि मुहुत्ता एकूणवीसं च बावट्ठिभागा मुहुत्तस्स बावट्ठिभागं च सत्तट्ठिधा छेत्ता पण्णट्ठी चुण्णिया
भागा सेसा, तंसमयं च णं सूरिए केणं णक्खत्तेणं जोएति?, ता पुत्राफग्गुणीहिं, ता पुत्राफग्गुणीणं अट्ठावीसं मुहुत्ता अट्ठतीसं च बावट्ठिभागा मुहुत्तस्स बावट्ठिभागं च सत्तट्ठिधा छेत्ता दुबत्तीसं चुण्णिया भागा सेसा, ता एएसिं
णं पंचण्हं संवच्छराणं दोच्चं पुण्णमासिणिं चंदे केणं णक्खत्तेणं जोएति?, ता उत्तराहिं पोट्ठवताहिं, उत्तराणं पोट्ठवताणं सत्तावीसं मुहुत्ता चोइस य बावट्ठिभागा मुहुत्तस्स बावट्ठिभागं च सत्तट्ठिधा छेत्ता बावट्ठी चुण्णिया
भागा सेसा, तंसमयं च णं सूरं केणं णक्खत्तेणं जोएति?, ता उत्तराहिं फग्गुणीहिं, उत्तराफग्गुणीणं सत्त मुहुत्ता तेत्तीसं च बावट्ठिभागा मुहुत्तस्स बावट्ठिभागं च सत्तट्ठिधा छेत्ता एकत्तीसं चुण्णिया भागा सेसा, ता एतेसिं णं

पंचण्हं संवच्छराणं तच्चं पुण्णमासिणीं चंदे केणं णक्खत्तेणं जोएति?, ता अस्सिणीहिं, अस्सिणीणं एकवीसं मुहुत्ता णव य बावट्टिभागा मुहुत्तस्स बावट्टिभागं च सत्तट्ठिधा छेत्ता तेवट्ठी चुण्णिया भागा सेसा, तंसमयं च णं मूरे केणं णक्खत्तेणं जोएति?, ता चित्ताहिं, चित्ताणं एक्को मुहुत्तो अट्ठावीसं च बावट्टिभागा मुहुत्तस्स बावट्टिभागं च सत्तट्ठिधा छेत्ता तीसं चुण्णिया भागा सेसा, ता एतेसिं णं पंचण्हं संवच्छराणं दुवालसमं पुण्णमासिणिं पुच्छा, ता उत्तराहिं आसाढाहिं, उत्तराणं च आसाढाणं छत्रीसं मुहुत्ता छत्रीसं च बावट्टिभागा मुहुत्तस्स बावट्टिभागं च सत्तट्ठिधा छेत्ता चउप्पणं, तंसमयं च मूरे केणं पुच्छा, ता पुण्णसुणा, पुण्णसुस्स सोलस मुहुत्ता अट्ठ य बावट्टि-
भागा मुहुत्तस्स बावट्टिभागं च सत्तट्ठिधा छेत्ता वीसं चुण्णिया भागा सेसा, ता एतेसिं णं पंचण्हं संवच्छराणं चरमं बावट्टिंठ पुण्णमासिणिं चंदे केणं णक्खत्तेणं जोएति?, ता उत्तराहिं आसाढाहिं, उत्तराणं आसाढाणं चरमसमए, तंसमयं च णं मूरे केणं णक्खत्तेणं जोएति?, ता पुस्सेणं, पुस्सस्स एकूणवीसं मुहुत्ता तेतालीसं च बावट्टिभागा मुहुत्तस्स बावट्टिभागं च सत्तट्ठिधा छेत्ता तेत्तीसं चुण्णिया भागा सेसा । ६७। एतेसिं णं पंचण्हं संवच्छराणं पढमं अमावासं चंदे केणं णक्खत्तेणं जोएति?, ता अस्सेसाहिं, अस्सेसाणं एक्को मुहुत्तो चत्तालीसं च बावट्टिभागा मुहुत्तस्स बावट्टिभागं च सत्तट्ठिधा छेत्ता छावट्ठी चुण्णिया भागा सेसा, तंसमयं च णं मूरे केणं णक्खत्तेणं जोएति?, ता अस्सेसाहिं चैव, अस्सेसाणं एक्को मुहुत्तो चत्तालीसं च बावट्टिभागा मुहुत्तस्स बावट्टिभागं च सत्तट्ठिधा छेत्ता छावट्ठी चुण्णिया भागा सेसा, ता एएसिं णं पंचण्हं दोच्चं अमावासं चंदे पुच्छा, उत्तराहिं फग्गुणीहिं, उत्तराणं फग्गु-
णीणं चत्तालीसं मुहुत्ता पणतीसं बावट्टिभागा मुहुत्तस्स बावट्टिभागं च सत्तट्ठिधा छेत्ता पण्णट्ठी चुण्णिया भागा सेसा, तंसमयं च णं मूरे केणं पुच्छा, ता उत्तराहिं चैव फग्गुणीहिं, उत्तराणं फग्गुणीणं तं चैव जाव पण्णट्ठी चुण्णिया भागा सेसा, ता एतेसिं णं पंचण्हं संवच्छराणं तच्चं अमावासं चंदे पुच्छा, ता हत्थेणं, हत्थस्स चत्तारि मुहुत्ता तीसं च बावट्टिभागा मुहुत्तस्स बावट्टिभागं च सत्तट्ठिधा छेत्ता बावट्ठी चुण्णिया भागा सेसा, तंसमयं च णं मूरे केणं पुच्छा, हत्थेणं चैव, जं चैव चंदस्स, ता एएसिं णं पंचण्हं संवच्छराणं दुवालसमं अमावासं चंदे केणं पुच्छा, ता अदाहिं, अदाणं चत्तारि मुहुत्ता दस य बावट्टिभागा मुहुत्तस्स बावट्टिभागं च सत्तट्ठिधा छेत्ता चउप्पणं चुण्णिया भागा सेसा, तंसमयं च णं मूरे केणं पुच्छा, ता अदाहिं चैव, जं चैव चंदस्स, ता एएसिं णं पंचण्हं संवच्छराणं चरिमं बावट्टिं अमावासं चंदे केणं पुच्छा?, पुण्णसुणा, पुण्णसुस्स बावीसं मुहुत्ता छायालीसं च बावट्टि-
भागा मुहुत्तस्स सेसा, तंसमयं च णं मूरे केणं पुच्छा?, ता पुण्णसुणा चैव, पुण्णसुस्स णं जहा चंदस्स । ६८। ता जेणं अज्ज णक्खत्तेणं चंदे जोयं जोएति जंसि देसंसि से णं इमाणि अट्ठ एकूणवीसाणि मुहुत्तसताइं चउवीसं च बावट्टिभागे मुहुत्तस्स बावट्टिभागं च सत्तट्ठिधा छेत्ता बावट्टिंठ चुण्णियाभागे उवायिणावेत्ता पुणरवि से चंदे अण्णेणं तारिसएणं चैव णक्खत्तेणं जोयं जोएति अण्णंसि देसंसि, ता जेणं अज्ज णक्खत्तेणं चंदे जोयं जोएति जंसि देसंसि से णं इमाइं सोलसअट्ठतीस मुहुत्तसताइं अउणापण्णं च बावट्टिभागे मुहुत्तस्स बावट्टिभागं च सत्तट्ठिधा छेत्ता पण्णट्ठी चुण्णियाभागे उवायिणावेत्ता पुणरवि से णं चंदे तेणं चैव णक्खत्तेणं जोयं जोएति अण्णंसि देसंसि, ता जेणं अज्ज णक्खत्तेणं चंदे जोयं जोएति जंसि देसंसि से णं इमाइं चउप्पण्णमुहुत्तसहस्साइं णव य मुहुत्तसताइं उवादिणावित्ता पुणरवि से चंदे अण्णेणं तारिसएणं नक्खत्तेणं जोयं जोएति तंसि देसंसि, ता जेणं अज्ज णक्खत्तेणं चंदे जोयं जोएति जंसि २ देसंसि से णं इमं एगं मुहुत्तसयसहस्सं अट्ठाणउतिं च मुहुत्तसताइं उवायिणावित्ता पुणरवि से चंदे तेणं चैव णक्खत्तेणं जोयं जोएइ तंसि देसंसि, ता जेणं अज्ज णक्खत्तेणं मूरे जोयं जोएति जंसिं देसंसि से णं इमाइं तिण्णि छावट्ठाइं राइंदियसताइं उवादिणावेत्ता पुणरवि से मूरिए अण्णेणं तारिसएणं चैव नक्खत्तेणं जोयं जोएति तंसि देसंसि, ता जेणं अज्ज नक्खत्तेणं मूरे जोयं जोएति तंसि देसंसि से णं इमाइं सत्तदुतीसं राइंदियस-
ताइं उवाइणावेत्ता पुणरवि से मूरे तेणं चैव नक्खत्तेणं जोयं जोएति तंसि देसंसि, ता जेणं अज्ज णक्खत्तेणं मूरे जोयं जोएति जंसि देसंसि से णं इमाइं अट्ठारस वीसाइं राइंदियसताइं उवादिणावेत्ता पुणरवि से मूरे अण्णेणं तारिसएणं चैव णक्खत्तेणं जोयं जोएति तंसि देसंसि, ता जेणं अज्ज णक्खत्तेणं मूरे जोयं जोएति जंसि देसंसि से णं इमाइं छत्तीसं सट्ठाइं राइंदियसयाइं उवाइणावित्ता पुणरवि से मूरे तेणं चैव णक्खत्तेणं जोयं जोएति तंसि देसंसि । ६९। ता जेया णं इमे चंदे गतिसमावण्णए भवति तता णं इतरेवि चंदे गतिसमावण्णए भवति जता णं इतरे चंदे गतिसमावण्णए भवति तता णं इमेवि चंदे गतिसमावण्णए भवति, ता जया णं इमे चंदे जुत्ते जोगेणं भवति तता णं इतरेवि चंदे जया णं इयेरे चंदे तता णं इमेवि चंदे, एवं मूरेवि गहेवि णक्खत्तेवि, सतावि णं चंदा जुत्ता जोएहिं सतावि णं मूरा जुत्ता जोगेहिं सयावि णं गहा जुत्ता जोगेहिं सयावि णं नक्खत्ता जुत्ता जोगेहिं दुहतोवि णं चंदा जुत्ता जोगेहिं दुहतोवि णं मूरा दुहतोवि णं गहा दुहतोवि णं णक्खत्ता मंडलं सतसहस्सेणं अट्ठाणउतीए सतेहिं छेत्ता, इच्चैस णक्खत्तखेत्तपरिभागे णक्खत्तविजए नामं पाहुडोत्ति आहितेत्ति वेभि । ७०॥ १०-२२ दसमं पाहुडं ॥
ता कहं ते संवच्छराणादी आहिं?, तत्थ खलु इमे पंच संवच्छरा पं० तं० चंदे चंदे अभिवड्ढिते चंदे अभिवड्ढिते, ता एतेसिं णं पंचण्हं संवच्छराणं पढमस्स चंदस्स संवच्छरस्स के आदी आहिं?, ता जे णं पंचमस्स अभिव-
ड्ढितसंवच्छरस्स पज्जवसाणे से णं पढमस्स चंदस्स संवच्छरस्स आदी अणंतरपुरक्खडे समए, ता से णं किंपज्जवसिते आहिं?, ता जे णं दोच्चस्स चंदसंवच्छरस्स आदी से णं पढमस्स चंदसंवच्छरस्स पज्जवसाणे अणंतरपच्छाकडे समये, तंसमयं च णं चंदे केणं णक्खत्तेणं जोएति?, ता उत्तराहिं आसाढाहिं, उत्तराणं आसाढाणं छत्रीसं मुहुत्ता छत्रीसं च बावट्टिभागा मुहुत्तस्स बावट्टिभागं च सत्तट्ठिधा छित्ता चउप्पणं चुण्णिया भागा सेसा, तंसमयं च णं मूरे केणं णक्खत्तेणं जोएति?, ता पुण्णसुणा, पुण्णसुस्स सोलस मुहुत्ता अट्ठ य बावट्टिभागा मुहुत्तस्स बावट्टिभागं च सत्तट्ठिधा छेत्ता वीसं चुण्णिया भागा सेसा, ता एएसिं णं पंचण्हं संवच्छराणं दोच्चस्स चंदसंवच्छरस्स के आदी आहिं?, ता जे णं पढमस्स चंदसंवच्छरस्स पज्जवसाणे से णं दोच्चस्स णं चंदसंवच्छरस्स आदी अणंतरपुरक्खडे समये, ता से णं किंपज्जवसिते आहिं?, ता जे णं तच्चस्स अभिवड्ढितसंवच्छरस्स आदी से णं दोच्चस्स चंदसंवच्छरस्स पज्जवसाणे अणंतरपच्छाकडे समये, तंसमयं च णं चंदे केणं णक्खत्तेणं जोएति?, ता पुद्दाहिं आसाढाहिं, पुद्दाणं आसाढाणं सत्त मुहुत्ता तेवण्णं च बावट्टिभागा मुहुत्तस्स बावट्टिभागं च सत्तट्ठिधा छेत्ता इगतालीसं चुण्णिया भागा सेसा,

ता अट्टारसतीसे राइंदियसने राइंदियग्गेणं आहि०, ता से णं केवतिए मुहुत्तगणेणं आहि०?, ता चउप्पणं मुहुत्तसहस्साइं णव य मुहुत्तसनाइं मुहुत्तगणेणं आहि०, ता से णं केवतिए बावट्ठिभागमुहुत्तगणेणं आहि०?, ता चउत्तीसं सनसहस्साइं अट्ठतीसं च बावट्ठिभागमुहुत्तसने मुहुत्तगणेणं आहि० । ७३ । ता कता णं एते आदिच्चचंदसंवच्छरा समादीया समपज्जवसिया आहि०?, ता सट्ठि एए आदिच्चा मासा बावट्ठी एते चंदा मासा एस णं अट्ठा छखुत्तकडा दुवालसभयिता तीसं एते आदिच्चसंवच्छरा एकतीसं एते चंदसंवच्छरा, तता णं एते आदिच्चचंदसंवच्छरा समादीया समपज्जवसिया आहि०, ता कता णं एते आदिच्चउडुचंदणक्खत्ता संवच्छरा समादीया समपज्जवसिया आहि०?, ता सट्ठी एते आदिच्चा मासा एगट्ठी एते उडू मासा बावट्ठी एते चंदमासा सत्तट्ठी एते नक्खत्ता मासा एस णं अट्ठा दुवालसखुत्तकडा दुवालसभयिता सट्ठी एते आदिच्चा संवच्छरा एगट्ठी एते उडुसंवच्छरा बावट्ठी एते चंदा संवच्छरा सत्तट्ठी एते नक्खत्ता संवच्छरा तता णं एते आदिच्चउडुचंदणक्खत्ता संवच्छरा समादीया समपज्जवसिया आहि०, ता कता णं एते अभिवड्ढिआदिच्चउडुचंदणक्खत्ता संवच्छरा समादीया समपज्जवसिया आहि०?, ता सत्तावणं मासा सत्त य अहोरत्ता एकारस य मुहुत्ता तेवीसं बावट्ठिभागा मुहुत्तस्स एते णं अभिवड्ढिता मासा सट्ठी एते आदिच्चा मासा एगट्ठी एते उडू मासा बावट्ठी एते चंदा मासा सत्तट्ठी एते नक्खत्ता मासा एस णं अट्ठा छप्पण-सत्तखुत्तकडा दुवालसभयिता सत्त सता चोत्ताला एते णं अभिवड्ढिता संवच्छरा, सत्त सता असीता एते णं आदिच्चा संवच्छरा, सत्त सता तेणउता एते णं उडू संवच्छरा, अट्ठ सता छलुत्तरा एते णं चंदा संवच्छरा, एकसत्तरी अट्ठ सया एए णं नक्खत्ता संवच्छरा, तता णं एते अभिवड्ढिताआदिच्चउडुचंदनक्खत्ता संवच्छरा समादीया समपज्जवसिया आहि०, ता णयट्ठताए णं चंदे संवच्छरे तिण्णि चउप्पण्णे राइंदियसने दुवालस य बावट्ठिभागे राइंदियस्स आहि०, ता अहातच्चेणं चंदे संवच्छरे तिण्णि चउप्पण्णे राइंदियसते पंच य मुहुत्ते पण्णासं च बावट्ठिभागे मुहुत्तस्स आहि० । ७४ । तत्थ खलु इमे छ उडू पं० तं०-पाउसे वरिसारत्ते सरते हेमंते वसंते गिम्हे, ता सत्तेवि णं एते चंदउडू दुवे २ मासाति चउप्पण्णेणं २ आदाणेणं गणिज्जमाणा सातिरेगाइं एगूणसट्ठी २ राइंदियाइं राइंदियग्गेणं आहि०, तत्थ खलु इमे छ ओमरत्ता पं० तं०-ततिए पवे सत्तमे एकारसमे पन्नरसमे एगूणवीसतिमे तेवीसतिमे पवे, तत्थ खलु इमे छ अनिरत्ता पं० तं०-चउत्थे पवे अट्ठमे बारसमे सोलसमे वीसतिमे चउवीसतिमे पवे 'छचेव य अइरत्ता आइच्चाओ हवंति जाणाइ। छचेव ओमरत्ता चंदाउ हवंति माणाहिं ॥ ३४ ॥ ७५ । तत्थ खलु इमाओ पंच वासि-क्कीओ पंच हेमंतीओ आउट्ठीओ पं०, ता एएसिं णं पंचण्हं संवच्छराणं पढमं वासिक्कीं आउट्ठिं चंदे केणं नक्खत्तेणं जोएति?, ता अभीयिणा, अभीयिस्स पढमसमएणं, तंसमयं च णं मूरे केणं णक्खत्तेणं जोएति?, ता पूसेणं, पूसस्स एगूणवीसं मुहुत्ता तेत्तालीसं च बावट्ठिभागा मुहुत्तस्स बावट्ठिभागं च सत्तट्ठिधा छेत्ता तेत्तीसं चुण्णिया भागा सेसा, ता एएसिं पंचण्हं संवच्छराणं दोच्चं वासिक्किं आउट्ठिं चंदे केणं?, ता संठाणाहिं, संठाणाणं एकारस मुहुत्ता ऊतालीसं च बावट्ठिभागा मुहुत्तस्स बावट्ठिभागं च सत्तट्ठिधा छेत्ता तेपण्णं चुण्णिया भागा सेसा, तंसमयं मूरे केणं पुच्छा, ता पूसेणं, पूसस्स णं तं चेव, ता एतेसिं णं पंचण्हं संवच्छराणं तच्चं वासिक्किं आउट्ठिं चंदे केणं पुच्छा, ता विसाहाहिं, विसाहाणं तेणं चेव अभिलावेणं तेरस चउप्पण्णा चत्तालीसं चुण्णिया, तंसमयं च णं मूरे केणं?, ता पूसेणं, पूसस्स तं चेव, ता एतेसिं णं पंचण्हं संवच्छराणं चउत्थं वासिक्किं आउट्ठिं चंदे केणं?, ता रेवतीहिं, रेवतीणं पणवीसं मुहुत्ता छत्तीसं च बावट्ठिभागा मुहुत्तस्स बावट्ठिभागं च सत्तट्ठिधा छेत्ता छवीसं चुण्णिया भागा सेसा, तंसमयं च णं मूरे केणं?, ता पूसेणं, पूसस्स तं चेव, ता एएसिं णं पंचण्हं संवच्छराणं पंचमं वासिक्किं आउट्ठिं चंदे केणं?, ता पुद्दाहिं फग्गुणीहिं, पुद्दाफग्गुणीणं बारस सत्तालीसा तेरस चुण्णिया, तंसमयं च णं मूरे केणं?, ता पूसेणं, पूसस्स तं चेव एगूणवीसा तेताली तेत्तीसा । ७६ । ता एएसिं णं पंचण्हं संवच्छराणं पढमं हेमंतिं आउट्ठिं चंदे केणं णक्खत्तेणं जोएति?, ता हत्थेणं, हत्थस्स णं पंच मुहुत्ता पण्णासं च बावट्ठिभागा मुहुत्तस्स बावट्ठिभागं च सत्तट्ठिधा छेत्ता सट्ठी चुण्णिया भागा सेसा, तंसमयं च णं मूरे केणं?, उत्तराहिं आसाढाहिं, उत्तराणं आसाढाणं चरिमसमए, ता एएसिं णं पंचण्हं संवच्छराणं दोच्चं हेमंतिं आउट्ठिं चंदे केणं?, ता सतभिसयाहिं, सतभिसयाणं दुन्नि अट्ठावीसा छत्तालीसं चुण्णिया, तंसमयं च णं मूरे केणं?, ता उत्तराहिं आसाढाहिं, उत्तराणं आसाढाणं चरिमसमए, ता एतेसिं णं पंचण्हं संवच्छराणं तच्चं हेमंतिं आउट्ठिं चंदे केणं?, ता पूसेणं, पूसस्स एगूणवीसं तेताला तेत्तीसं चुण्णिया, तंसमयं च णं मूरे केणं?, ता उत्तराहिं आसाढाहिं, उत्तराणं आसाढाणं चरिमसमए, ता एतेसिं णं पंचण्हं संवच्छराणं चउत्थं हेमंतिं आउट्ठिं चंदे केणं?, ता मूलेणं, मूलस्स छ चेव अट्ठावन्ना वीसं चुण्णिया, तंसमयं च णं मूरे केणं?, ता उत्तराहिं आसाढाहिं, उत्तराणं आसाढाणं चरिमसमए, ता एतेसिं णं पंचण्हं संवच्छराणं पंचमं हेमंतिं आउट्ठिं चंदे केणं?, कत्तियाहिं, कत्तियाणं अट्ठारस मुहुत्ता छत्तीसं च बावट्ठिभागा मुहुत्तस्स बावट्ठिभागं च सत्तट्ठिधा छेत्ता छ चुण्णिया भागा सेसा, तंसमयं च णं मूरे?, ता उत्तराहिं आसाढाहिं, उत्तराणं आसाढाणं चरिमसमए । ७७ । तत्थ खलु इमे दसविधे जोए पं० तं०-वसभाणुजोए वेणुयाणुजोते मंचे मंचाइमंचे छत्ते छत्तातिच्छत्ते जुअणद्धे घणसंमहे (घण) पीणिते मंडकप्पुते णामं दसमे, एतेसिं णं पंचण्हं संवच्छ-राणं छत्तातिच्छत्तं जोयं चंदे कंसि देसंसि जोएति?, ता जंबुदीवस्स पाईणपडीणायताए उदीणदाहिणायताए जीवाए मंडलं चउवीसेणं सतेणं छित्ता दाहिणपुरच्छिमिहंसि चउभागमंडलंसि सत्तावीसं भागे उवादिणावेत्ता अट्ठा-वीसतिभागं वीसधा छेत्ता अट्ठारसभागे उवादिणावेत्ता तीहिं भागेहिं दोहि य कलाहिं दाहिणपुरच्छिमिहं चउभागमंडलं असंपत्ते एत्थ णं से चंदे छत्तातिच्छत्तं जोयं जोएति, तं०-उप्पिं चंदा मज्झे णक्खत्ते हेट्ठा आदिच्चे, तंस-मयं च णं चंदे केणं णक्खत्तेणं जोएति?, ता चित्ताहिं, चित्ताणं चरिमसमए । ७८ ॥ बारसमं पाहुडं १२ ॥ ता कहं ते चंदमसो वड्ढोवड्ढी आहि०?, ता अट्ठ पंचासीते मुहुत्तसते तीसं च बावट्ठिभागा मुहुत्तस्स, ता दोसिणाप क्खाओ अन्धगारपक्खमयमाणे चंदे चत्तारि बायालसते छत्तालीसं च बावट्ठिभागे मुहुत्तस्स जाइं चंदे रज्जति तं०-पढमाए पढमं भागं जाव पण्णरसीए पन्नरसं भागं, चरिमसमए चंदे रत्ते भवति अवसेसे समए चंदे रत्ते य विरत्ते य भवति, इयणं अमावासा, एत्थ णं पढमे पवे अमावासे, ता अंधारपक्खातो णं दोसिणापक्खं अयमाणे चंदे चत्तारि बायाले मुहुत्तसते छत्तालीसं च बावट्ठिभागा मुहुत्तस्स जाइं चंदे विरज्जति, तं०-पढमाए पढमं जाव पण्णरसीए पण्णरसमं भागं, चरिमे समये चंदे विरत्ते भवति अवसेससमए चंदे रत्ते य विरत्ते य भवति, इयणं पुण्णमासिणी, एत्थ णं दोच्चे पवे पुण्णमासिणी । ७९ । तत्थ खलु इमाओ बावट्ठी पुण्णमासिणीओ बावट्ठी अमावासाओ (२०८)

पं०, बावट्टी एते कसिणा रागा बावट्टी एते कसिणा विरागा, एते चउबीसे पवसते एते चउबीसे कसिणारागविरागसते, जावतियाणं पंचणं संवच्छराणं समया एगेणं चउबीसेणं समयसतेणूणका एवतिया परिता असंखेजा देसराग-
विरागसता भवतीतिमक्खाता, ता अमावासातो णं पुण्णमासिणी चत्तारि बाताले मुहुत्तसते छत्तालीसं बावट्टिभागे मुहुत्तस्स आहि०, ता पुण्णमासिणीतो णं अमावासा चत्तारि बायाले मुहुत्तसते छत्तालीसं बावट्टिभागे मुहुत्तस्स
आहि०, ता अमावासातो णं अमावासा अट्ठपंचासीते मुहुत्तसते तीसं च बावट्टिभागे मुहुत्तस्स आहि०, ता पुण्णमासिणीतो णं पुण्णमासिणी अट्ठपंचासीते मुहुत्तसते तीसं बावट्टिभागे मुहुत्तस्स आहि०, एस णं एवतिए चंदे मासे
एस णं एवतिए सगले जुगे । ८० । ता चंदेणं अद्धमासेणं चंदे कति मंडलाइं चरति?, ता चौदस चउभागमंडलाइं चरति एगं च चउवीससतभागं मंडलस्स, ता आइच्चेणं अद्धमासेणं चंदे कति मंडलाइं चरति?, ता सोलस मंडलाइं
चरति, सोलसमंडलचारी तदा अवराइं खलु दुवे अट्टकाइं जाइं चंदे केणइ असामण्णकाइं सयमेव पविट्टित्ता २ चारं चरति, कतराइं खलु दुवे अट्टकाइं जाइं चंदे जाव पविट्टित्ता २ चारं चरति?, इमाइं खलु ते दुवे अट्टगाइं जाव
चरति तं०-निक्खममाणे चेव अमावासतेणं पविसमाणे चेव पुण्णमासितेणं, एताइं जाव चरइ, ता पढमायणगते चंदे दाहिणाते भागाते पविसमाणे सत्त अद्धमंडलाइं जाइं चंदे दाहिणाते जाव चरति, कतराइं खलु ताइं सत्त अद्धमं-
डलाइं जाव चरति?, इमाइं खलु ताइं सत्त अद्धमंडलाइं जाइं जाव चरति?, तं०-विट्टिए अद्धमंडले चउत्थे छट्टे अट्टमे दसमे बारसमे चउदसमे अद्धमंडले, एताइं खलु ताइं सत्त अद्धमंडलाइं जाव पविसमाणे चारं चरति, ता
पढमायणगते चंदे उत्तराते भागाते पविसमाणे छ अद्धमंडलाइं तेरस य सत्तट्ठिभागाइं अद्धमंडलस्स जाइं चंदे उरत्ताते भागाए पविसमाणे चारं चरति, कतराइं खलु ताइं छ अद्धमंडलाइं जाव चारं चरति?, इमाइं खलु ताइं छ
अद्धमंडलाइं० तं०-तईए पंचमे सत्तमे नवमे एक्कारसमे तेरसमे अद्धमंडले पन्नरसममंडलस्स तेरस सत्तट्ठिभागाइं, एताइं खलु ताइं छ अद्धमंडलाइं तेरस य सत्तट्ठिभागाइं अद्धमंडलस्स जाइं चंदे उत्तराते भागाते पविसमाणे चारं
चरति, एतावया च पढमे चंदायणे समत्ते भवति, ता णक्खत्ते अद्धमासे नो चंदे अद्धमासे चंदे अद्धमासे नो णक्खत्ते अद्धमासे, ता नक्खत्ताओ अद्धमासातो ते चंदे चंदेणं अद्धमासेणं किमधियं चरति?, एगं अद्धमंडलं चत्तारि य
सत्तट्ठिभागाइं अद्धमंडलस्स सत्तट्ठिभागं च एकतीसाए छेत्ता णव भागाइं, ता दोच्चायणगते चंदे पुरच्छिमाते भागाते णिक्खममाणे सत्त चउप्पणाइं जाइं चंदे परस्स चिन्नाइं पडिचरति सत्त तेरसकाइं जाइं चंदे अप्पणा
चिन्नाइं चरति, ता दोच्चायणगते चंदे पच्चत्थिमाए भागाए निक्खममाणे छ चउप्पणाइं जाइं चंदे परस्स चिन्नाइं पडिचरति छ तेरसगाइं जाइं चंदे अप्पणा चिन्नाइं पडिचरति अवरगाइं खलु दुवे तेरसगाइं जाइं चंदे केणइ असाम-
न्नगाइं सयमेव पविट्टित्ता २ चारं चरति, कतराइं खलु ताइं दुवे जाव चरति?, इमाइं खलु ताइं दुवे० तं०-सब्वभंतरे चेव मंडले सब्वबाहिरे चेव मंडले, एयाणि खलु ताणि दुवे जाव चरइ, एतावता दोच्चे चंदायणे समत्ते भवति, ता
णक्खत्ते मासे नो चंदे मासे चंदे मासे णो णक्खत्ते मासे, ता णक्खत्ताते मासाए चंदे चंदेणं मासेणं किमधियं चरति?, ता दो अद्धमंडलाइं चरति अट्ठ य सत्तट्ठिभागाइं अद्धमंडलस्स सत्तट्ठिभागं च एकतीसधा छेत्ता अट्ठारस
भागाइं, ता तच्चायणगते चंदे पच्चत्थिमाते भागाए पविसमाणे बाहिराणंतरस्स पच्चत्थिमिहस्स अद्धमंडलस्स ईतालीसं सत्तट्ठिभागाइं जाइं चंदे अप्पणो परस्स य चिन्नाइं पडिचरति तेरस सत्तट्ठिभागाइं जाइं चंदे परस्स चिन्नाइं
पडिचरति तेरस सत्तट्ठिभागाइं चंदे अप्पणो परस्स य चिन्नाइं पडिचरति, एतावयाव बाहिराणंतरे पच्चत्थिमिहस्स अद्धमंडले समत्ते भवति, तच्चायणगते चंदे पुरच्छिमाए भागाए पविसमाणे बाहिरतच्चस्स पुरच्छिमिहस्स अद्धमं-
डलस्स ईतालीसं सत्तट्ठिभागाइं जाइं चंदे अप्पणो परस्स य चिन्नाइं पडियरति तेरस सत्तट्ठिभागाइं जाइं चंदे परस्स चिन्नाइं पडिचरति तेरस सत्तट्ठिभागाइं जाइं चंदे अप्पणो परस्स य चिन्नाइं पडियरति, एतावताव बाहिरे
तच्चे पुरच्छिमिहस्स अद्धमंडले समत्ते भवति, ता तच्चायणगते चंदे पच्चत्थिमाते भागाते पविसमाणे बाहिरचउत्थस्स पच्चत्थिमिहस्स अद्धमंडलस्स अट्ट सत्तट्ठिभागाइं सत्तट्ठिभागं च एकतीसधा छेत्ता अट्ठारस भागाइं जाइं चंदे अप्पणो
परस्स य चिन्नाइं पडियरति, एतावताव बाहिरचउत्थपच्चत्थिमिहस्स अद्धमंडले समत्ते भवइ, एवं खलु एवं चंदेणं मासेणं चंदे तेरस चउप्पणगाइं दुवे तेरसगाइं जाइं चंदे परस्स चिन्नाइं पडिचरति, तेरस तेरसगाइं जाइं चंदे अप्पणो
चिन्नाइं पडियरति, दुवे ईतालीसगाइं दुवे तेरसगाइं अट्ठ सत्तट्ठिभागाइं सत्तट्ठिभागं च एकतीसधा छेत्ता अट्ठारसभागाइं जाइं चंदे अप्पणो परस्स य चिन्नाइं पडिचरति, अवराइं खलु दुवे तेरसगाइं जाइं चंदे केणइ असा
मन्नगाइं सयमेव पविट्टित्ता २ चारं चरति, इच्चेसो चंदमासोऽभिगमणणिक्खमणवुड्ढिणवुड्ढिअणवट्ठितसंठाणसंठितीविउव्वणगिड्ढिपत्ते रूवी चंदे देवे २ आहि० । ८१ ॥ तेरसमं पाहुडं १३ ॥ ता कता ते दोसिणा बहू आहि०?,
ता दोसिणापक्खे णं दोसिणा बहू आहि०, ता कहां दोसिणापक्खे दोसिणा बहू आहि०?, ता अंधकारपक्खाओ णं दोसिणा बहू आहि०, ता कहां ते अंधयारपक्खातो दोसिणापक्खे दोसिणा बहू आहि०?, ता अंधकारपक्खातो णं
दोसिणापक्खं अयमाणे चंदे चत्तारि बायाले मुहुत्तसते छातालीसं च बावट्टिभागे मुहुत्तस्स जाइं चंदे विरज्जति, तं०-पढमाए पढमं भागं जाव पण्णरसीए पण्णरसं भागं, एवं खलु अंधकारपक्खातो दोसिणापक्खे दोसिणा बहू
आहि०, ता केवतिया णं दोसिणापक्खे दोसिणा बहू आहि०?, ता परिता असंखेजा भागा, ता कता ते अंधकारे बहू आहि०?, ता अंधयारपक्खे णं बहू अंधकारे आहि०, ता कहां ते अंधकारपक्खे अंधकारे बहू आहि०?, ता
दोसिणापक्खातो अंधकारपक्खे अंधकारे बहू आहि०, ता कहां ते दोसिणापक्खातो अंधकारपक्खे अंधकारे बहू आहि०?, ता दोसिणापक्खातो णं अंधकारपक्खं अयमाणे चंदे चत्तारि बाताले मुहुत्तसते छायालीसं च बावट्टिभागे
मुहुत्तस्स जाइं चंदे रज्जति, तं०-पढमाए पढमं भागं जाव पण्णरसीए पण्णरसं भागं, एवं खलु दोसिणापक्खातो अंधकारपक्खे अंधकारे बहू आहि०, ता केवतिएणं अंधकारपक्खे अंधकारे बहू आहि०?, परिता असंखेजा भागा
। ८२ ॥ चौदसमं पाहुडं १४ ॥ ता कहां ते सिग्घगती वत्थू आहि०, ता एतेसिं णं चंदिमसूरियगहगणनक्खत्ततारारूवाणं चंदेहिंतो सूरु सिग्घगती सूरुहिंतो गहा० गहेहिंतो णक्खत्ता० णक्खत्तेहिंतो तारा० सब्वप्पगती चंदा सब्वसिग्घ-
गती तारा, ता एगमेगेणं मुहुत्तेणं चंदे केवतियाइं भागसत्ताइं गच्छति?, ता जं जं मंडलं उवसंकमित्ता चारं चरति तस्स २ मंडलपरिक्खेवस्स सत्तरस अडसट्ठिं भागसते गच्छति मंडलं सतसहस्सेणं अट्टाणउतीसनेहिं छेत्ता, ता

८३३ चंद्रप्रज्ञप्तिः, ५७५-१५

मुनि दीपरत्तसागर

एगमेगेणं मुहुत्तेणं सूरिए केवतियाइं भागसयाइं गच्छति?, ता जं जं मंडलं उवसंकमित्ता चारं चरति तस्स २ मंडलपरिक्खेवस्स अट्टारस तीसे भागसते गच्छति मंडलं सतसहस्सेणं अट्टाणउतीसतेहिं छेत्ता, ता एगमेगेणं मुहुत्तेणं गक्खत्ते केवतियाइं भागसताइं गच्छति?, ता जं जं मंडलं उवसंकमित्ता चारं चरति तस्स २ मंडलपरिक्खेवस्स अट्टारस पणतीसे भागसते गच्छति मंडलं सतसहस्सेणं अट्टाणउतीसतेहिं छेत्ता । ८३ । ता जया णं चंदं गतिसमावण्णं सूरं गतिसमावण्णे भवति से णं गतिमाताए केवतियं विसेसेति?, बावट्ठिभागे विसेसेति, ता जया णं चंदं गतिसमावण्णं गक्खत्ते गतिसमावण्णे भवइ से णं गतिमाताए केवतियं विसेसेइ?, ता सत्तट्ठि भागे विसेसेति, ता जता णं सूरं गतिसमावण्णं गक्खत्ते गतिसमावण्णे भवति से णं गतिमाताए केवतियं विसेसेति?, ता पंच भागे विसेसेति, ता जता णं चंदं गतिसमावण्णं अभीयीणक्खत्ते णं गतिसमावण्णे पुरच्छिमाते भागाते समासादेति ता णव मुहुत्ते सत्तावीसं च सत्तट्ठिभागे मुहुत्तस्स चंदेण सद्धिं जाव जोएति ता जोयं अणुपरियट्ठति ता विप्पजहाति ता विगतजोई यावि भवति, ता जता णं चंदं गतिसमावण्णं सवणे गक्खत्ते गतिसमावण्णे पुरच्छिमाते तहेव जहा अभियिस्स नवरं तीसं मुहुत्ते चंदेण सद्धिं जोअं जोएति ता विगतजोई यावि भवइ, एवं पण्णरसमुहुत्ताइं तीसतिमुहुत्ताइं पणयालीसमुहुत्ताइं भाणित्ताइं जाव उत्तरासाढा (सूर्य० ता जता णं चंदं गतिसमावण्णं गहे गतिसमावण्णे पुरच्छिमाते भागाते समासादेति ता चंदेणं सद्धिं जोगं जुंजति ता जोगं अणुपरियट्ठति ता विप्पजहति विगतजोई यावि भवति) ता जया णं सूरं गतिसमावण्णं अभीयीणक्खत्ते गतिसमावण्णे पुरच्छिमाते भागाते समासादेति ता चत्तारि अहोरत्ते छच्च मुहुत्ते सूरें सद्धिं जोयं जोएति ता जाव विगतजोगी यावि भवति, एवं सूरें सद्धिं जोगो भाणियच्चो जाव उत्तरासाढाणक्खत्ते विगतजोगी यावि भवति (सूर्य० ता जता णं सूरं गतिसमावण्णं गहे गतिसमावण्णे पुरच्छिमाते भागाते समासादेति ता सूरें सद्धिं यथाजोयं जुंजति ता यथाजोयं अणुपरियट्ठति ता जाव विप्पजहति ता विगतजोगी यावि भवति) । ८४ । ता गक्खत्तेणं मासेणं चंदे कति मंडलाइं चरति?, ता तेरस मंडलाइं चरति तेरस य सत्तट्ठिभागे मंडलस्स, ता गक्खत्तेणं मासेणं सूरं पुच्छा, तेरस मंडलाइं चरति चोत्तालीसं च सत्तट्ठिभागे मंडलस्स, ता गक्खत्तेणं मासेणं गक्खत्ते०?, ता तेरस मंडलाइं चरति अद्धसीतालीसं च सत्तट्ठिभागे मंडलस्स, ता चंदेणं मासेणं चंदे कति मंडलाइं चरति?, चोइस चउभागाइं मंडलाइं चरति एगं च चउवीससतं भागं मंडलस्स, ता चंदेणं मासेणं सूरं कति पुच्छा, ता पण्णरस चउभागूणाइं मंडलाइं चरति एगं च चउवीससयभागं मंडलस्स, ता चंदेणं मासेणं गक्खत्ते कति पुच्छा, ता पण्णरस चउभागूणाइं मंडलाइं चरति छच्च चउवीससतभागे मंडलस्स, ता उडुणा मासेणं चंदे कति पुच्छा, ता चोइस मंडलाइं चरति तीसं च एगट्ठिभागे मंडलस्स, ता उडुणा मासेणं सूरं कति पुच्छा, ता पण्णरस मंडलाइं चरति, ता उडुणा मासेणं गक्खत्ते कति पुच्छा, ता पण्णरस मंडलाइं चरति पंच य बावीससतभागे मंडलस्स, ता आदिच्चेणं मासेणं चंदे कति मंडलाइं चरति?, ता चोइस मंडलाइं चरति एक्कारस य पन्नरसभागे मंडलस्स, ता आदिच्चेणं मासेणं सूरं कति पुच्छा, ता पण्णरस चउभागाहिगाइं मंडलाइं चरति, ता आदिच्चेणं मासेणं गक्खत्ते कति पुच्छा, ता पण्णरस चउभागाहिगाइं मंडलाइं चरति पंचतीसं च वीससतभागमंडलाइं चरति, ता अभिवड्ढिणं मासेणं चंदे कति मंडलाइं चरति?, ता पण्णरस मंडलाइं तेसीतिं छलसीयसतभागे मंडलस्स, ता अभिवड्ढितेणं मासेणं सूरं पुच्छा, ता सोलस मंडलाइं चरति तीहिं भागेहिं ऊणगाइं दोहिं अडयालेहिं सएहिं मंडलं छित्ता, अभिवड्ढितेणं मासेणं गक्खत्ते कति मंडलाइं चरति?, ता सोलस मंडलाइं चरति सीतालीसाए भागेहिं अहियाइं चोइसहिं अट्टासीएहिं सएहिं मंडलं छेत्ता । ८५ । ता एगमेगेणं अहोरत्तेणं चंदे कति मंडलाइं चरति?, ता एगं अद्धमंडलं चरति एकतीसाए भागेहिं ऊणं णवहिं पण्णरसेहिं सएहिं अद्धमंडलं छेत्ता, ता एगमेगेणं अहोरत्तेणं सूरिए कति मंडलाइं चरति?, ता एगं अद्धमंडलं चरति, ता एगमेगेणं अहोरत्तेणं गक्खत्ते कति मंडलाइं चरति?, एगं अद्धमंडलं चरति दोहिं भागेहिं अधियं सत्तहिं बत्तीसेहिं सएहिं अद्धमंडलं छेत्ता, ता एगमेगं मंडलं चंदे कतिहिं अहोरत्तेहिं चरति?, ता दोहिं अहोरत्तेहिं चरति एकतीसाए भागेहिं अधितेहिं चउहिं बायालेहिं सतेहिं राइंदियं छेत्ता, ता एगमेगं मंडलं सूरं कतिहिं अहोरत्तेहिं चरति?, ता दोहिं अहोरत्तेहिं चरति, ता एगमेगं मंडलं गक्खत्ते कतिहिं अहोरत्तेहिं चरति?, ता दोहिं अहोरत्तेहिं चरति दोहिं भागेहिं ऊणेहिं तिहिं सत्तसट्ठेहिं सतेहिं राइंदिएहिं छेत्ता, ता जुगेणं चंदे कति मंडलाइं चरति?, ता अट्ट चुलसीते मंडलसते चरति, ता जुगेणं सूरं कति मंडलाइं चरति?, णवपण्णरसमंडलसते चरति, ता जुगेणं गक्खत्ते कति मंडलाइं चरति?, ता अट्टारस पणतीसे दुभागमंडलसते चरति, इच्चेसा मुहुत्तगती रिक्खातिमासराइंदियजुगमंडलपविभत्ती सिग्घगती वत्थु आहि० । ८६ ॥ पन्नरसमं पाहुडं १५ ॥ ता कहं ते दोसिणालक्खणे आहि०?, चंदलेसादी य दोसिणादी य दोसिणाइं य चंदलेसादी य के अट्टे किलक्खणे?, ता एकट्टे एगलक्खणे, ता सूरलेस्सादी य आयवेइ य आतवेति य सूरलेस्सादी य के अट्टे किलक्खणे?, ता एगट्टे एगलक्खणे, ता अंधकारेति य छायाइ य छायाति य अंधकारेति य के अट्टे किलक्खणे?, ता एगट्टे एगलक्खणे । ८७ ॥ सोलसमं पाहुडं १६ ॥ ता कहं ते चयणोववाता आहि०?, तत्थ खलु इमाओ पणवीसं पडिवत्तीओ पं०, तत्थ एगे एव०-ता अणुसमयमेव चंदिमसूरिया अण्णे चयंति अण्णे उववज्जंति, एवं जच्चेवोयाए संठितीए पणुवीसं पडिवत्तीओ तातो एत्थंपि भाणित्ताओ जाव ता अणुओसप्पिणीउस्सप्पिणीमेव चंदिमसूरिया अण्णे चयंति अण्णे उववज्जंति एगे एव०, वयं पुण एवं वदामो-ता चंदिमसूरिया णं देवा महिइढीआ महाजुतीया महाबला महाजसा महासोक्खा महाणुभावा वरवत्थधरा वरमल्लधरा वरगन्धधरा वराभरणधरा अब्बोच्छित्तिणयट्ठताए (काले) अण्णे चयंति अण्णे उववज्जंति आहि० । ८८ ॥ सत्तरसमं पाहुडं १७ ॥ ता कहं ते उच्चत्ते आहि०?, तत्थ खलु इमाओ पणवीसं पडिवत्तीओ पं०, तत्थेगे एव०-ता एगं जोयणसहस्सं सूरं उट्ठं उच्चत्तेणं दिवड्ढं चंदे एगे एव०, एगे पुण०-ता दो जोयणसहस्साइं सूरं उट्ठं उच्चत्तेणं अट्टातिजाइं चंदे एगे एव०, एवं एतेणं अभिलावेणं ता तिन्नि जोयणसहस्साइं सूरं अट्टाट्ठाइं चंदे चत्तारि जोयणसहस्साइं सूरं अट्टपंचमाइं चंदे पंच जोयणसहस्साइं सूरं अट्टच्छट्ठाइं चंदे एवं छ सूरं अट्टसत्तमाइं चंदे सत्त सूरं अट्टट्ठाइं चंदे अट्ट सूरं अट्टनवमाइं चंदे नव सूरं अट्टदसमाइं चंदे दस सूरं अट्टएक्कारस चंदे एक्कारस सूरं अट्टबारस चंदे बारस सूरं अट्टतेरस चंदे तेरस सूरं अट्टचोइस चंदे चोइस सूरं अट्टपण्णरस चंदे पण्णरस सूरं अट्टसोलस चंदे सोलस सूरं अट्टसत्तरस चंदे सत्तरस सूरं

अद्रअट्टारस चंदे अट्टारस सूर अद्रएकूणवीसं चंदे एकोणवीसं सूर अद्रवीसं चंदे वीसं सूर अद्रएकूवीसं चंदे एकूवीसं मूर अद्रवावीसं चंदे वावीसं सूर अद्रतेवीसं चंदे तेवीसं सूर अद्रचउवीसं चंदे चउवीसं सूर अद्रपणवीसं चंदे एगे एव०, एगे पुण०-पणवीसं जोयणसहस्साइं मूर उड्डंउच्चत्तेणं अद्रलवीसं चंदे एगे एव०. वयं पुण एवं वदामो-ता इमीसे रयणप्पभाए पुढवीए बहुसमरमणिज्जाओ भूमिभागाओ सत्त णउड्जोयणसए अवाहाए हेट्टिडे ताराविमाणे चारं चरति अद्रजोयणसते अवाहाए सूरविमाणे चारं चरति अद्रअसीए जोयणसए अवाहाए चंदविमाणे चारं चरति णव जोयणसताइं अवाहाए उवरिडे ताराविमाणे चारं चरति हेट्टिठ्ठानो ताराविमाणानो दस जोयणाइं अवाहाए सूरविमाणे चारं चरति नउतिं जोयणे अवाहाए चंदविमाणे चारं चरति एवं जहेव जीवाभिगमे तहेव नेयव्रं सब्भंतरिहं चारं संटाणं पमाणं वहांति सिग्घगती इड्ढी तारंतरं अग्गमहिसीओ ठिती अप्पाबहुं जाव ताराओ संखे-ज्जगुणाओ (सूर्य० ८९-९९ गा० ३१)। ९९ ॥ अट्टारसमं पाहुडं १८ ॥ ना कति णं चंदिमसूरिया सब्बलोयंसि ओभासंति उज्जोवेंति तवंति पभासंति आहिताति वदेज्जा?, तत्थ खलु इमाओ चारस पडिवत्तीतो पं०. तत्थेगे एव०-ता एगे चंदे एगे सूर सब्बलोयंसि ओभासंति जाव पभासंति आहितेति०, एगे पुण०-ता तिण्णि चंदा तिण्णि चैव सूर सब्बलोए० एगे०, एगे पुण०-ता आउट्टिं चंदा एवं एएणं अभित्तावेणं जातो चैव ततिए पाहुडे दुवालस पडिवत्तीओ तातो चैव इहंपि णेयव्वातो नवरं सत्त य दस य जाव ता वावत्तरं चंदसहस्सं वावत्तरं सूरितसहस्सं सब्बलोयं ओभासति जाव पभासति आहि० एगे एव०. वयं पुण एवं वयामो-ता अयणं जंबुदीवे जाव परिक्खेवेणं. जंबुदीवे णं दीवे दो चंदा पभासंसु पभासंति जहा जीवाभिगमे जाव तारातो, ता जंबुदीवं णं लवणे णामं समुद्दे वट्टे वलयाकारसंठिते सब्बतो समंता परिक्खवित्ताणं चिट्ठति. ता लवणे णं समुद्दे किं समचक्कवालसंठिते विसमचक्कवालसंठिते?, ता समचक्कवालसंठिए नो विसमचक्कवालसंठिए, ता लवणे समुद्दे केवतियं चक्कवालविक्खंभेणं केवतितं परिक्खेवेणं आहि०?, ता दो जोयणसयसहस्साइं चक्कवालविक्खंभेणं पण्णरसजोयणसयसहस्साइं सतं चउआलं किंचिविसेसूणे परिक्खेवेणं, ता लवणे णं समुद्दे चत्तारि चंदा पभासंसु वा जाव तारातो, ता लवणं समुद्दं धायतिसंडे णं दीवे वट्टे वलयाकारसंठिते जाव चिट्ठति. ता धायइसंडे णं दीवे समचक्कवालसंठिते एवं विक्खंभो परिक्खेवो जोतिसं जहा जीवाभिगमे जाव तारातो, ता धायतिसंडं णं दीवं कालोए णामं समुद्दे किं वट्टे वलयाकारसंठिते जाव चिट्ठति, ता कालोए णं समुद्दे किं समचक्कवालसंठिते विसम० एवं विक्खंभो परिक्खेवो जोतिसं च भाणियव्रं जाव तारातो, ता कालोअण्णं समुद्दं पुक्खवरं णं दीवे वट्टे वल जाव चिट्ठति, ता पुक्खवरं णं दीवे किं समचक्कवाल० विक्खंभो परिक्खेवो जोतिसं जाव तारातो. पुक्खवरस्स णं दीवस्स चक्कवालविक्खंभस्स बहुमज्झदेसभाए एत्थ णं माणुसुत्तरे णामं पव्वते वट्टे वलयाकारसंठिते पं०, जे णं पुक्खवरं दीवं दुहा विभयमाणे २ चिट्ठति तं०-अब्भंतरपुक्खवरं च बाहिरपुक्खवरं च. ता अब्भंतरपुक्खवरं णं किं समचक्कवालसं० एवं विक्खंभो परिक्खेवो जोतिसं गहातो य जाव एगससीपरिवारो तारागणकोडिकोडीणं, ता पुक्खवरं णं दीवं पुक्खरोदे समुद्दे वट्टे वल जाव चिट्ठति, एवं विक्खंभो परिक्खेवो जोतिसं च भाणितव्रं जहा जीवाभिगमे जाव संयभूरमणे। (सूर्य० १००-१ गा० ३२-८८)। १०१ ॥ एगूणवीसइमं पाहुडं १९ ॥ ना कहां ते अणुभागे आहियत्ति वइज्जा?, तत्थ खलु इमातो दो पडिवत्तीतो पं०, तत्थेगे एव०-ता चंदिमसूरिया णं णो जीवा अजीवा णो घणा झुसिरा णो वायरवोदिधरा कलेवरा णत्थि णं तेसिं उट्टाणेति वा कम्मेति वा बलेइ वा वीरिएइ वा पुरिसकारपरक्कमेइ वा णो ते विज्जुं लवंति णो असणिं लवंति णो थणितं लवंति. अहे णं वायरे वाउयाए संमुच्छति अहे णं वायरवाउयाए संमुच्छित्ता विज्जुं पि लवंति असणिं पि लवंति थणियं पि लवंति०, एगे पुण एव०-ता चंदिमसूरिया णं जीवा णो अजीवा घणा णो झुसिरा वादरवोदिधरा णो कलेवरा अत्थि णं तेसिं णं उट्टाणेइ वा जाव पुरिसकारपरक्कमेति वा ते विज्जुं पि लवंति असणिं पि लवंति थणियं पि लवंति०, वयं पुण एवं वदामो-ता चंदिमसूरिता णं देवा महिड्ढिया जाव महासुक्खा वरवत्थधरा वरगंधधरा वरमत्थधरा वराभरणधरा अब्बोच्छित्तिणयट्टताए अण्णे चयंति अण्णे उववज्जंति आहि०। १०२। ना कहां ते राहुकम्मे आहि०?, तत्थ खलु इमातो दो पडिवत्तीतो पं०, तत्थ एगे एव०-ता अत्थि णं से राहुदेवे जे णं चंदं सूरं च गेण्हति. एगे पुण०-ता णत्थि णं से राहुदेवे जे णं चंदं च सूरं च गेण्हति. तत्थ जे ते एव०-ता अत्थि णं से राहु देवे जे णं चंदं सूरं च गेण्हति ते णं एव०-ता राहु णं देवे चंदं सूरं च गेण्हमाणे बुद्धंतेणं गिण्हित्ता बुद्धंतेणं मुयति बुद्धंतेणं गिण्हित्ता मुद्धंतेणं मुयति मुद्धंतेणं गिण्हित्ता बुद्धंतेणं मुयति मुद्धंतेणं गिण्हित्ता मुद्धंतेणं मुयति वामभुयंतेणं गिण्हित्ता वामभुयंतेणं मुयइ वामभुयंतेणं गिण्हित्ता दाहिणभुयंतेणं मुयइ दाहिणभुयंतेणं गेण्हित्ता वामभुयंतेणं मुयति दाहिणभुयंतेणं गिण्हित्ता दाहिणभुयंतेणं मुयति. तत्थ जे ते एव०-ता णत्थि णं से राहु देवे जे णं चंदं सूरं च गेण्हति ते णं एव०-तत्थ खलु इमे पण्णरस कसिणा पोग्गला पं०. तं०-सिंघाडए जडिलए खत्तए खरते अंजणे खंजणे सीतले हिमसीतले केलासे अरुणप्पहे पणिज्जाए भमुव(नभसू)ए कविलए पिंगलए राहु. ता जता णं एए पण्णरस कसिणा कसिणा पोग्गला सता चंदस्स वा सूरस्स वा लेसाणुबद्धचारिणो भवंति णो खलु तदा माणुसलोयम्मि मणुस्सा एवं वदंति-एवं खलु राहु चंदं सूरं वा गेण्हति एगे एवमाहंसु. वयं पुण एवं वयामो-ता राहु णं देवे महिड्ढीए जाव महासुक्खे वरवत्थधारी जाव वराभरणधारी. राहुस्स णं देवस्स णव णामधेज्जा पं० तं०-सिंघाडते जडिलए खत्तते खरए दददुरे मगरे मच्छे कच्छपे किण्हसप्पे. राहुस्स णं देवस्स विमाणा पंचवण्णा पं० तं०-किण्हा णीला लोहिता हालिदा सुक्किट्टा, अत्थि कालए राहुविमाणे खंजणवण्णाभे पं० अत्थि णीलए राहुविमाणे लाउयवण्णाभे पं० अत्थि लोहिए राहु० मंजिट्टावण्णाभे अत्थि पीते० हल्लिहवण्णाभे अत्थि सुक्किट्टए० भासरासिवण्णाभे पं०. जया णं राहु आगच्छमाणे वा गच्छमाणे वा विउव्रमाणे वा परियारेमाणे वा चंदलेसं पुरच्छिमेणं आवरित्ताणं पच्चच्छिमेणं वीईवयइ तना णं पुरच्छिमेणं चंदे उवदंसेति पच्चत्थिमेणं राहु. जया णं राहु आगच्छमाणे वा जाव परियारेमाणे वा चंदस्स वा सूरस्स वा लेसं पच्चच्छिमेणं आवरित्ता पुरच्छिमेणं वीईवयइ तया णं पच्चत्थिमेणं चंदे उवदंसेति पुरत्थिमेणं राहु. एएणं अभित्तावेणं दाहिणेणं आवरेत्ताणं उत्तरेणं वीईवयइ उत्तरेणं आवरेत्ता दाहिणेणं वीईवयइ उत्तरपुरत्थिमेणं आवरेत्ता दाहिणपच्चत्थिमेणं वीईवयइ दाहिणपच्चत्थिमेणं आवरेत्ता उत्तरपुरत्थिमेणं

वीईवयइ दाहिणपुरत्थिमेणं आवरेत्ता उत्तरपच्चत्थिमेणं वीईवयइ, उत्तरपच्चत्थिमेणं आवरेत्ता दाहिणपुरत्थिमेणं वीईवयइ तथा णं उत्तरपच्चत्थिमेणं चंदे उवदंसेति दाहिणपुरत्थिमेणं राहू, ता जता णं राहू आगच्छमाणे वा गच्छ०
 चंदस्स लेस्सं आवरेति तता णं मणुस्सल्लोमे मणुस्सा वतंति-एवं खलु राहुणा चंदे गहिए २, ता जता णं राहू आगच्छमाणे वा० चंदलेस्सं आवरित्ता पासेण वीईवयइ तता णं मणुस्सलोए मणुस्सा वदंति-एवं खलु राहुणा चंदे वंते
 २, ता जता णं राहू आगच्छमाणे वा० चंदस्स लेस्सं आवरेत्ताणं मज्झेणं वीईवयइ तता णं मणुस्सल्लोमे मणुस्सा वतंति-एवं खलु राहुणा चंदे वइयरिए २, ता जता णं राहू आगच्छमाणे वा० चंदस्स लेस्सं अहे सपक्खि सपडिदिसिं
 आवरेत्ताणं चिट्ठति तता णं मणुस्सलोए मणुस्सा वतंति-एवं खलु राहुणा चंदे घत्थे २, ता कतिविहे णं राहू पं०?, ता दुविहे राहू पं० तं०-धुवराहू य पवराहू य, तत्थ णं जे से धुवराहू से णं बहुलपक्खस्स पडिवाए पण्णरसतिभागेणं
 पण्णरसतिभागं चंदलेसं आवरेमाणे चिट्ठति तं०-पढमाए पढमं भागं चित्थियाए चित्थियं भागं जाव पण्णरसीए पण्णरसमं भागं, चरिमसमते चंदे रत्ते भवति अवसेससमए चंदे रत्ते विरत्ते य भवति, तमेव सुक्कपक्खम्मि उवदंसेमाणे २
 चिट्ठति तं०-पढमाए पढमं भागं जाव पण्णरसमं भागं, चरिमे समए चंदे विरत्ते भवति अवसेससमए चंदे रत्ते य विरत्ते य भवति, तत्थ णं जे से पवराहू से जह० छण्हं मासाणं उक्को० चातालीसाते मासाणं चंदस्स अडतालीसाए संवच्छराणं
 मूरस्स । १०३ । ता से केणट्टेणं एवं वुच्चति-चंदे ससी २?, ता चंदे णं जोइसिंदे जोतिसराया सोमे कंते सुभगे पियदंसणे सुरूवे ता से एतेणट्टेणं एवं वुच्चति-चंदे ससी २, ता से केणट्टेणं एवं वुच्चति-सूरे आइच्चे २?, ता सूरुदिया
 णं समताति वा आवल्लिवाति वा जाव उस्सप्पिणीति वा ओसप्पिणीति वा से एएणं अट्टेणं एवं वुच्चति-सूरे आइच्चे २ । १०४ । ता चंदस्स णं जोतिसिंदस्स जोतिसरणो कति अग्गमहिसीओ पं०?, चत्तारि अग्गमहिसीओ पं०
 तं०-चंदप्पहा दोसिणाभा अच्चिमाली पभंकरा, तत्थ णं एगमेगाए देवीए चत्तारि २ एवं चेव पुव्वभणितं अट्टारसमे पाहुडे तहा णायव्वं जाव मेहुणवत्तियं, एवं सूरस्सवि, ता सूरियचंदिमा णं जोतिसिंदा जोतिसरायाणो केरिसए
 कामभोगे पच्चणुभवमाणा विहरंति?, ता से जहाणामए केइ पुरिसे पढमजुव्वणुट्टाणवलसमत्थाए भारियाए सद्धिं अचिरवत्तवीवाहे अत्थगवेसणताए सोलसवासविप्पवसिते ता से णं तता लद्धट्टे कयकज्जे अणहसमग्गे पुणरवि सयं
 गिहं हव्वमागते ण्हाए जाव सरीरे मणुण्णं थालीपागसुद्धं अट्टारसवंजणाउलं भोयणं भुत्ते समाणे तंसि तारिसगंसि वासघरंसि अच्चिभतरतो सच्चित्तकम्मं बाहिरतो दूमियघट्टमट्टे विचित्तउल्लोयचिल्लिगतले मणिरयणपणासियंधयारे
 बहुसमरमणिज्जभूमिभागे पंचवण्णसरससुरभिमुक्क(पुप्फ)पुंजोवयारकलिते कालागरुपवरकुंदुरुक्कधुवमघमघंतगंधुदुयाभिरामे सुगंधवरगंधिए गंधवट्टिभूते तंसि तारिसगंसि सयणिज्जंसि सालिंगणवट्टिए उभतो विब्बोयणे दुहतो उण्णए
 मज्झेणयगंभीरे गंगापुल्लिणवालुउद्दालसालिसते उवचियसोमदुगुल्लपट्टपडिच्छायणे सुविरइयरयत्ताणे रत्तंसुयसंवुडे आयिणगरूयवूरणवणीततूलफासे गंधवरकुसुमचुण्णसयणोवयारकलिते ता एयारिसियाए सिंगारागारचारुवेसाते संगय
 जाव जोव्वणविलासकलिताए अणुरत्ताए अविरत्ताए मणोणुकूलाए भारियाए सद्धिं इट्टे सहफरिसरसरूवगंधे पंचविहे माणुस्सए कामभोगे पच्चणुभवमाणे विहरेज्जा, ता से णं पुरिसे विउसमणकालसमयंसि केरिसतं सातासोक्खं पच्चणुभवमा
 णे विहरति?, तं उरालं णं समणाउसो!, तस्स णं पुरिसस्स कामभोगेहिंतो वाणमंतराणं देवाणं एत्तो अणंतगुणविसिट्ठतरगा चेव कामभोगा, वाणमंतराणं देवाणं कामभोगेहिंतो असुरिंदवज्जियाणं भवणवासीणं देवाणं एत्तो अणंतगुण
 विसिट्ठतरगा चेव कामभोगा, असुरिंदवज्जिताणं० एत्तो अणंत० गहगणणक्खत्त जाव कामभोगेहिंतो चंदिमसूरियाणं जोतिसियाणं जोतिसराईणं इत्तो अणंतगुणविसिट्ठतरगा चेव कामभोगा, ता चंदिमसूरिया णं जोतिसिंदा जोइसरा
 ताणो एरिसते कामभोगे पच्चणुभवमाणे विहरंति । १०५ । तत्थ खलु इमे अट्टासीती महागहा पं० तं०-इंगालए वियालए लोहितक्खे सणिच्छरे आहुणिए पाहुणिए कणते कणो कणकणए कणवियाणए १० कणगसंताणए सोमे सहिते
 आसासणे कज्जोवए कत्थु(व)रए अयगरए दुंदुभए संखे संखणाभे २० संखवण्णाभे कंसे कंसणाभे कंसवण्णाभे रूपी रूपोभासे नीलो नीलोभासे भासे भासरासी ३० दगे दगवण्णे तिले तिलपुप्फवण्णे काए कागं(वं)धे इंदग्गी धूमकेतू
 हरि पिंगलए ४० बुद्धे सुक्के बहस्सती राहू अगत्थी माणवते कामफासे धुरे पमुहे वियडे ५० विसंधी कप्पेहए पइह्ते जडिलए अरुणे अग्गिहए काले महाकाले सोत्थिए सोवत्थिए वद्धमाणए ६० पलंबे णिच्चालोए णिच्चुज्जोए सयंपहे ओभासे
 सेयंकरे आभंकरे पभंकरे अरए ७० विरए असोगे वीयसोगे विवत्ते विवत्थे विसाले साले सुव्वते अणियट्टी एकजडी ८० दुजडी करे करिए राय अग्गले भावे केऊ पुप्फकेतू(सूर्य० गाथा ८९-९७) । १०६ ॥ २० पाहुडं ॥ 'इय एस पागडत्था अभव्व
 जणहिययदुल्लभा इणमो । उक्कित्थिया भगवती जोइसरायस्स पन्नत्ती ॥ ९८ ॥ एस गहियावि संती थद्धे गारवियमाणपडिणीए । अबहुस्सुए न देया तच्चिवरीए भवे देया ॥ ९९ ॥ धिइउट्टाणुच्छाहकंमबलविरियपुरिसकारेहिं । जो सिक्खिओवि
 संतो अभायणे पक्खिक्खिज्जाहि ॥ १०० ॥ सो पवयणकुलगणसंघबाहिरो णाणविणयपरिहीणो । अरहंतथेरगणहरमेरं किर होइ बोलीणो ॥ १ ॥ तम्हा धिइउट्टाणुच्छाहकंमबलविरियसिक्खियं णाणं । धारेयव्वं णियमा ण य अविणीएसु दायव्वं
 ॥ २ ॥ वीरवरस्स भगवतो जरमरणकिलेसदोसरहियस्स । वंदामि विणयपणतो सोक्खुप्पाए सया पाए ॥ १०३ ॥ गाथा: १०७ । इति श्रीचंद्रपञ्चपुपांगमुत्कारितं वीरसंवत् २४६८ श्रीसिद्धाचलोपेत्यकागतश्रीवर्धमानजैनागममंदिरे ॥